

## Siunnersuummut nassuiaatit

**Nassuiaatit nalinginnaasut****1. Aallaqqaasiut**

Aatsitassat pillugit ingerlatallu tamatumunnga pingaarutillit pillugit inatsisartut inatsisaat nr. 7, 7. december 2009-imeersoq (aatsitassanut ikummatissanullu inatsit) ulloq 1. januar 2010 atuutilerpoq.

Inatsisartut inatsisaata taassumalu ulluinnarni atorneqarneranut misilittakkat pitsaasuusimapput, aammalu inatsit Kalaallit Nunaanni aatsitassanik suliarinnittarnermut tunngatillugu ingerlaavartumik pilersitsisimalluni.

Peqatigisaanik annikitsumik aatsitassarsiorluni ingerlataqartarneq pillugu maleruagassani kiisalu akuersissummik peqarani katersisarneq piiasarnelru pillugit maleruagassani ersarinnerulersitsinissaq pisariaqartinneqartoq, Inatsisartut inatsisaata atuunnerani misilittakkat takutippaat. Pingaartumik annikitsumik aatsitassarsiorluni ingerlataqartarneq pillugu maleruagassanut tunngatillugu, ikiorsiiniutit akuerisaasut pillugit kiisalu annikitsumik aatsitassarsiornissamut akuersissutit aamma aatsitassarsiorluni misissuinissamut aamma aatsitassanik piiaanissamut akuersissutit imminnut naleqqiunneqartarneranni ersarinnerulersitsinissaq pisariaqartinneqartoq misilittakkat takutippaat. Pingaartumik katersisarnermut piiasarnermullu maleruagassanut tunngatillugu, aatsitassanik akisuunik taaneqartartunik katersinissamik inerteqquteqarnerup isumaliutersuutigeqqinneqarnissaanut, misilittakkat pissutissaqalersitsipput.

Aamma pisinnaatitsissummik pigisaqartup akileraarutininik nalunaarutiginnittarneranut aamma akileraarutininik akiliisarneranut tunngatillugu pisussaaffii pillugit akuersissummut atugassarititaasut malinneqarneranni suleriaatsip ataatsimoortunngorlugu inissinneqarnissaa pisariaqartinneqartoq, Inatsisartut inatsisaata atuunnerani misilittakkat takutippaat.

**2. Siunnersuummi immikkoortut pingarnerit***2.1 Annikitsumik aatsitassarsiorluni suliaqartarneq*

Ukiuni kingulliunerusuni aammalu pingaartumik 2014-imili annikitsumik aatsitassarsiorluni ingerlataqartarnermut tunngatillugu suliaqarfimmut soqutiginninneq annertusiartorpoq. Inuit annikitsumik aatsitassarsiornissamut akuersissummik qinnuteqaateqartartut aamma amerliartorput.

2015-imi novembarip naalernerani Naalakkersuisut Nuummi kulturip illorsuani Katuami annikitsumik aatsitassarsiornissamut akuersissutit malillugit pisinnaatitsissummik pigisaqartunut aammalu inunnut soqutiginnittunut allanut annikitsumik aatsitassarsiorluni aatsitassarsiornermik ingerlataqartarneq pillugu suliaqarluni ataatsimiisitsipput. Suliaqarluni ataatsimiititsinermut siunertaasut ilaat tassaavoq, inuit taaneqartut annikitsumik aatsitassarsiorluni ingerlatanik suliaqarnermi misilittagaasa aammalu suliassaqarfimmi pitsanngorsaatisanik siunnersuutigisinnaasaasa, annikitsumik aatsitassarsiorluni aatsitassarsiornermik ingerlataqartarnermut aammalu akuersissummik peqarani aatsitassanik katersisarnermut paaasarnermullu tunngatillugu Inatsisartut inatsisaanni maleruagassanik ataatsimut isigalugu nutarterinerneq, pissarsiffigineqarsinnaanissaat.

Siunnersuutip saqqummiunneqarnerani Naalakkersuisut siunnersuutit suliaqarluni ataatsimiititsinermi saqqummiunneqartut, ajornartinnagu, ataatsimut isigalugu naammassiniarsaraat.

Annikitsumik aatsitassarsiorluni aatsitassarsiornermik ingerlataqartarneq pillugu inatsisartut inatsisaanni maleruagassat nutarterneqarnerat, maleruagassat naapertuuttuunissaasa aammalu ullutsinnut naleqquttuunissaasa qulakkeernissaa siunertaralugu, ataatsimut isigalugu ingerlanneqarpoq. Aamma nutarterineq, Naalakkersuisut politikkimik Kalaallit Nunaanni suliffissaqartitsinermik siuarsaasussamik ataatsimut isigalugu ingerlatsinissamik kissaateqarnerannut ilaatillugu, pivoq, ilanngullugu aamma annikitsumik aatsitassarsiorluni aatsitassarsiornermik ingerlataqarneq pillugu suliassaqarfiup iluani. Ilaatigut ujaqqanik pinneraasiassanik atuisarnermi misilittakkat, Kalaallit Nunaanni innuttaasut nunaqavissut kinguaariaani misilittagarilersimasaasa illersorneqarnissaat Naalakkersuisut kissaatigaat. Ilaatigut Kalaallit Nunaanni innuttaasunut nunaqavissunut, annikitsumik aatsitassarsiorluni suliaqarnermik ingerlataqarnissamik kissaateqartunut, pitsaanerusunik atugassaqalersinikkut, tamanna pissaaq.

Siunnersuummi ilaatigut Inatsisartut inatsisaanni kapitali 8-imi aalajangersakkat oqaasertanni arlalinnik erseqqissaasoqarpoq. Taaguutit ”annikitsumik akuersissut”, ”annikitsumik akuersissut” aamma ”annikitsumik akuersissutit” siunnersuut malillugu inatsimmi tamarmi allanngortinneqarput ”annikitsumik aatsitassarsiornissamut akuersissut”, annikitsumik aatsitassarsiornissamut akuersissut” aamma ”annikitsumik aatsitassarsiornissamut akuersissutit”. Tamatuma saniatigut Inatsisartut inatsisaanni kapitali 8-imi aqqissuineq ataatsimut isigalugu, naleqqunnerusumik tulleriissaartumik aqqissuunniarneqarpoq. Taamaattumik aalajangersakkat arlallit siunnersuummi sumiiffinni allanut nuunneqarput. Assersuutigalugu takuuk siunnersuummi § 34. Ilaatigut aamma kapitali 8-imi maleruagassani ataatsimut isigalugu aatsitassanut qinngornernik ulorianartunik akoqartut pineqartunut ilaatinneqanngitsut, erseqqissarneqarpoq.

Siunnersuut aalajangersakkanik nutaanik imaqarpoq, sumiiffimmut § 16 malillugu aatsitassanik misissuinissamut imaluunniit piianaanissamut kisermaassisussaatitaalluni

akuersissummut nalinginnaasumi imaluunniit § 33 malillugu kisermaassisussaatitaalluni annikitsumik aatsitassarsiornissamut akuersissummi pineqartunut ilaasumut, kisermaassisussaatitaanani annikitsumik aatsitassarsiornissamut akuersissummik tunniussinissamik periarfissiisunik. Tamanna pisinnaavog kisermaassisussaatitaanermut akuersissut malillugu pisinnaatitsissummik pigisaqartoq tamatumunnga akuersilluni allaganngorlugu nalunaaruteqarpat. Pisinnaatitsissummik pigisaqartup sukkulluunniit akuersinini utertissinnaavaa. Kisermaassisussaatitaanani annikitsumik aatsitassarsiornissamut akuersissut malillugu pisinnaatitsissummik pigisaqartoq akuersinerup utertinneqarnera tunngavigalugu kisermaassisussaatitaanermut akuersissut malillugu pisinnaatitsissummik pigisaqartumut imaluunniit Naalakkersuisunut taarsiinissamik imaluunniit taarsiissuteqarnissamik piumasqaateqarsinnaanngilaq imaluunniit allatigut piumasqaateqarsinnaanani.

Aalajangersakkami taaneqartumi allat sumiiffimmi, assersuutigalugu kisermaassisussaatitaanermut akuersissut malillugu pisinnaatitsissummik pigisaqartumit suliaqarluni atorniarneqanngitsumi, aatsitassarsiorniluni ingerlataqarluni suliaqarnissamut periarfissaqarsinnaanissaasa qulakkeerneqarnissaa siunertaavog. Aalajangersakkap peqatigisaanik kisermaassisussaatitaanermut akuersissut malillugu pisinnaatitsissummik pigisaqartup kisermaassisussaatitaanerpiaminut pisinnaatitaaffeqarnera qulakkeerneqarpoq. Taamaalluni pisinnaatitsissummik pigisaqartup piumasutsini malillugu, kisermaassisussaatitaanani annikitsumik aatsitassarsiornissamut akuersissut malillugu pisinnaatitsissummik pigisaqartoq § 16 malillugu akuersissut nalinginnaasog malillugu sumiiffimmi akuersissuteqarfiusumi aatsitassarsiorniluni misissuinermik aamma piiaanermik suliaqarsinnaasog, akuersinnginnissani toqqarsinnaavaa. Taamaattoq § 16 malillugu akuersissut nalinginnaasog malillugu pisinnaatitsissummik pigisaqartup aamma tamatumunnga taarsiullugu, kisermaassisussaatitaanani annikitsumik aatsitassarsiornissamut akuersissut malillugu pisinnaatitsissummik pigisaqartoq sumiiffimmi aatsitassarsiorniluni ingerlatanik suliaqarsinnaasog, akuerisinnaavaa.

Inatsisartut inatsisaat atuuttoq malillugu, inuit akuersissut malillugu ingerlatanik suliaqartut ataatsikkut 10-init amerlanerusimanngippata, kisermaassisussaatitaalluni annikitsumik aatsitassarsiornissamut akuersissut malillugu pisinnaatitsissummik pigisaqartoq sumiiffimmi akuersissuteqarfiusumi ataatsikkut inuit 9-it sulisissinnaagai, akuersissummik Naalakkersuisut tunniussisinnaapput. Siunnersuummi oqaaseq ”sulisissinnaagai” erseqqissarneqarpoq taamaallaat ingerlatanut atorfinitsitsinermik aallaaveqartussanut tunngassuteqanngitsoq. Inuk pisinnatitsissummik pigisaqartumit sulisinneqartoq, pisinnaatitsissummik pigisaqartumit atorfinitsinneqarsimasinnaavog imaluunniit pisinnaatitsissummik pigisaqartumi atorfinitsinneqarsimanani, pisinnaatitsissummik pigisaqartoq sinnerlugu ingerlatanik suliaqarsinnaalluni.

Inatsisartut inatsisaat atuuttoq, ikiorsiiniutit suut kisermaassisussaatitaalluni annikitsumik aatsitassarsiornissamut akuersissut malillugu ingerlatanik suliaqarnermi atoqqusaanersut pillugu aalajangersakkanik imaqaanngilaq. Siunnersuummi allassimavog

kisermaassisussaatitaalluni annikitsumik aatsitassarsiornissamut akuersissut malillugu aatsitassarsiorniluni ingerlatat, ikiorsiiniutit motooreqanngitsut aamma motorillit tigummiannartakkat atorlugit suliarineqarsinnaasut. Allattukkat tamakkiisuunngillat. Ikiorsiiniutit tigummiannartakkat motooreqanngitsut, soorlu assersuutigalugu tassaasinnaapput kaataq, qussaataq, kaanngartiterut aamma sillaq. Ikiorsiiniutit tigummiannartakkat motorillit, soorlu assersuutigalugu tassaasinnaapput qillerut innaallagiartortoq, pilattuut innaallagiartortoq aamma sequtserut innaallagiartortoq. Ikiorsiiniutinik taaneqartunik atuineq immikkut Naalakkersuisunit akuersissuteqarfigineqartariaqanngilaq.

Siunnersuummi erseqqissarneqarpoq kisermaassisussaatitaalluni annikitsumik aatsitassarsiornissamut akuersissut malillugu pisinnaatitsissummik pigisaqartoq, annikitsumik aatsitassarsiornissamut akuersissut malillugu ingerlatanik suliaqarnermini, ataatsimut isigalugu aammalu immikkut akuersissuteqarfigineqanngitsumik ikiorsiiniutinik arlalinnik atuinissamut pisinnaatitaasoq.

Kisermaassisussaatitaanani annikitsumik aatsitassarsiornissamut akuersissut malillugu sumiiffimmuut akuersissuteqarfiusumut pisartut paarlattuanik, kisermaassisussaatitaalluni annikitsumik aatsitassarsiornissamut akuersissut malillugu sumiiffik akuersissuteqarfiusoq 1 km<sup>2</sup>-isut annertunerpaamik annertussuseqartussaavoq.

Kisermaassisussaatitaalluni annikitsumik aatsitassarsiornissamut akuersissut malillugu annikitsumik qaartiterinermik atuinissaq tamatumunnga immikkut Naalakkersuisunit akuersissuteqarfigineqassasoq piumasaqaataavoq.

Siunnersuut malillugu ikiorsiiniutit tigummiannartakkat, kisermaassisussaatitaalluni imaluunniit kisermaassisussaatitaanani annikitsumik aatsitassarsiornissamut akuersissut malillugu ingerlatanik suliaqarnermi atorineqartussat, angissutsimikkut annikinnerusutut iluseqassasut, piumasaqaataajunnaarpoq.

Inatsisartut inatsisaanni annikitsumik aatsitassarsiorniluni aatsitassarsiornermik ingerlataqarnermut aqqissuussaq ataatsimut isigalugu aamma aqqissuussamut siunertaasoq malillugu, ingerlatat aatsitassarsiorniluni misissuinissamut imaluunniit aatsitassanik piiaanissamut akuersissut nalinginnaasoq malillugu pisartunit, annikinnerusut tassani pineqarput. Taamaattumik aamma aatsitassarsiorniluni misissuinissamut imaluunniit piiaanissamut akuersissut nalinginnaasoq malillugu ingerlatanut naleqqiullugu, annikitsumik aatsitassarsiornissamut akuersissut malillugu ingerlatanut piumasaqaatit sukanninnginnerusut ilaatigut piumasaqaatigineqarput.

Annikitsumik aatsitassarsiornissamut akuersissut malillugu ingerlatat suliarineqartut qaqugukkat annertussusaat suussusaallu qanoq ilineranni, annikitsumik aatsitassarsiornissamut akuersissummit aatsitassarsiorniluni misissuinissamut imaluunniit piiaanissamut akuersissummut nalinginnaasumut ikaarsaartinneqartariaqaraluartoq pillugu

aalajangersakkanik Inatsisartut inatsisaat atuuttoq imaqaangilaq. Taamatut pisoqartillugu nalilersuinissamut aalajangiinissamullu Naalakkersuisut piginnaatitaaffii pillugit aalajangersakkanik nutaanik siunnersuut imaqarpoq. Siunnersuut malillugu Naalakkersuisut taamatut pisoqartillugu annikitsumik aatsitassarsiornissamut akuersissummik qinnuteqaat itigartittussaassavaat, tamatumunngalu taarsiullugu qinnuteqartoq aatsitassarsiorluni misissuinissamut imaluunniit piiaanissamut akuersissummik nalinginnaasumik tunineqarnissamik qinnuteqaateqaqqullugu innersuussinnaassallugu. Taamatuttaaq ingerlatat imatut annertussuseqartut, taakkua aatsitassarsiorluni misissuinissamut imaluunniit piiaanissamut akuersissut nalinginnaasoq malillugu suliarineqarsinnaassallutik, naliliisoqarpat, Naalakkersuisut annikitsumik aatsitassarsiornissamut akuersissut utertissinnaassavaat.

Siunnersuut aamma annikitsumik aatsitassarsiornissamut akuersissut malillugu pisinnaatitsissummik pigisaqartoq qaqugukkut piiaanissamut pilersaarummik aamma matusinissamut pilersaarummik piumasaqaateqarnermi ilaatinneqaangissanersoq, allannguutinik imaqarpoq. Siunnersuummi allassimavoq pisinnaatitsissummik pigisaqartoq taamaallaat ikiorsiiniutinik tigummiannartakkanik motooreqaangitsunik, soorlu assersuutigalugu kaataq, qussaataq, kaanngartiterut aamma sillaq, atuilluni piiaaniaruni, kisermaassisussaaitaanani annikitsumik aatsitassarsiornissamut akuersissut malillugu pisinnaatitsissummik pigisaqartoq piiaanissamut pilersaarummik aamma matusinissamut pilersaarummik suliaqassanngitsoq. Taamaattoqartillugu pisinnaatitsissummik pigisaqartoq tamanna pillugu nalunaarummik Naalakkersuisunut nassiussissaaq, taakkua pisinnaatitsissummik pigisaqartup piiaaneq taamaalillunilu ingerlatassat iliuusissallu tassunga atasut aallartinnginneranni, nalunaarut akuersissuteqarfigissavaat.

Piiaanissamut pilersaarummik aamma matusinissamut pilersaarummik suliaqarnissaaq pillugu piumasaqaammik ilaatinneqaanginnissamut, pisinnaatitsissummik pigisaqartoq aatsitassanik akisuunik imaluunniit aatsitassanik akisunnginnerusunik piiaanersoq, apeqqutaatinneqarunnaarpoq. Siunnersuut malillugu piiaanissamut pilersaarummik aamma matusinissamut pilersaarummik suliaqarnissamik piumasaqaateqarnermut, ikiorsiiniutit akuersissut malillugu ingerlatanik suliaqarnermi atorneqartut, apeqqutaassapput. Tamatumunnga ilaatigut tunngaviusoq, ingerlatat taamaallaat ikiorsiiniutinik tigummiannartakkanik motooreqaangitsunik atuilluni suliarineqartut, ataatsimut isigalugu sumiiffimmi akuersissuteqarfiusumi tassanilu pinngortitami avatangiisinilu ilaalu ilanngullugit pingaaruteqaangitsuinnarmik imaluunniit annikitsuinnarmik sunniisarnerat.

Naggasiutigalugu kapitali 8-imi Naalakkersuisut annikitsumik aatsitassarsiorluni aatsitassarsiornermik ingerlataqartarnek aamma annikitsumik aatsitassarsiornissamut akuersissutit pillugit aalajangersakkanik atugassarititaasunillu erseqqinnerusunik aalajangersaanissaannut ataatsimut isigalugu inatsisitigut tunngavissaaq ilanngunneqarpoq. Tamatumani annikitsumik aatsitassarsiorluni aatsitassarsiornermik ingerlataqartarnek aamma annikitsumik aatsitassarsiornissamut akuersissutit pillugit maleruagassat ingerlaavartumik nutarterneqartarsinnaanissaat taamaalillutillu ineriartornermut suliaqarfimmi pisumut

naleqqussarneqartarsinnaanissaat, qulakkeerneqarpoq. Inatsisini tunngavissatut aalajangersakkami Inatsisartut inatsisaanni atuuttumi aalajangersagaq taamaaqataa ilaannakortumik ingerlateqqinneqarpoq.

## *2.2. Akuersissummik peqarani aatsitassanik katersisarneq paaasernerlu*

Innuttaasut nunaqavissut tamatumunnga akuersissummik peqaratik aatsitassanik akisuunik aamma aatsitassanik akisunnginnerusunik katersisinnaanissaat, annikitsumik aatsitassarsiorluni aatsitassarsiornermik ingerlateqartarneq pillugu suliaqarluni ataatsimiinnermi, immikkoortoq 2.2-imi taaneqartumi, erseqqissumik kissaatigineqarpoq. Aammattaaq innuttaasut nunaqavissut sumiiffimmi § 16 malillugu kisermaassisussaatitaalluni akuersissummi nalinginnaasumi imaluunniit § 33 malillugu kisermaassisussaatitaalluni annikitsumik aatsitassarsiornermik akuersissummi pineqartunut ilaasumi aatsitassanik katersisinnaanissaat paaasinnaanissaallu, aammalu tamatuma kisermaassisussaatitaanermit akuersissut malillugu pisinnaatitsissummik pigisaqartup sioqqutsisumik allaganngorlugu akuersineratigut imaluunniit akuersineranik peqarani pisinnaanissaa, kissaatigineqarpoq.

Siunnersuutit saqqummiunneqarnerani Naalakkersuisut ataatsimut isigalugu siunnersuutit aalajangersimasut suliaqarluni ataatsimiisitsinermi saqqummiunneqartut, sapinngisamik ajornartinnagu, naammassiniarsaraat.

Innuttaasut nunaqavissut tamatumunnga akuersissummik peqaratik inuussutissarsiuutiginaq aatsitassanik akisuunik aamma akisunnginnerusunik, aatsitassanik kaanngaqqallutik nunamiittunik katersinissamut pisinnaatitaaffeqarnerat, siunnersuummi ilanngunneqarpoq. Siusinnerusukkut pisartut paarlattuanik taamaalilluni inuk nunaqavissoq aatsitassanik pinngortitami kaanngaqqasunik tamaginnik katersisinnaalissaaq, ilanngullugit aamma aatsitassat akisuut soorlu assersuutigalugu diamantit, safir-it, rubinit, smaragd-it, chrysoberyl-it aamma opal-it. Taamaattoq §§ 45 aamma 45 a malillugit innuttaasut nunaqavissut aatsitassanik katersinissamut paaanissamullu pisinnaatitaaffeqarneranni, aatsitassat aalajangersimasut erseqqinnerusumik allassimasut pineqartunut ilaanningsut, pillugu aalajangersakkanik Naalakkersuisut aalajangersaanissaannut ataatsimut isigalugu inatsisini tunngavissamik, siunnersuut imaqarpoq. Inuk nunaqavissoq imaluunniit kisermaassisussaatitaalluni imaluunniit kisermaassisussaatitaanani annikitsumik aatsitassarsiornermik akuersissut malillugu pisinnaatitsissummik pigisaqartoq aatsitassanik qinngornernik ulorianartunik akulinnik katerseqqusaanngillat, paaqqusaanatik allatigulluunniit atueqqusaanatik.

Nutaatut inuk nunaqavissoq qaqugukkat aatsitassanik inuussutissarsiuutigalugu atuinersooq, taamaalillunilu ingerlatassat § 45-imi pineqartunut ilaasut § 45 a-imi pineqartunut ilaatinneqalissanersut, assersuutit siunnersuummi allanneqarput. Inuup nunaqavissup akuersissummik peqarani aatsitassat katersorneqarsimasut tuniniarunigit, aatsitassat taamaattut suliareqqikkunigit tuniniarlugillu, imaluunniit Kalaallit Nunaata avataanut tuniniaanissaaq imaluunniit suliareqqiinissaaq tuniniaanissarlu siunertaralugit aatsitassat

taamaattut Kalaallit Nunaannit annikkunigit, siunnersuut malillugu inuk nunaqavissoq inuussutissarsiutigalugu aatsitassanik katersisimassaaq.

Inuup nunaqavissup akuersissummik peqarani aatsitassanik inuussutissarsiutigalugu katersisinnaanera § 45 a-imi maleruagassiivigineqarpoq. Siunnersuummi § 45 a malillugu ikiorsiiniutit inuup aatsitassanik pīaanermini atorsinnaasai annertussutsimigut ”annikinnerusuussasut” atorunnaarpoq. Taamaattoq siunnersuummi § 45 a, imm. 1 malillugu pīaaneq suli ikiorsiiniutinik tiggummaannartakkanik motooreqanngitsunik atuilluni suli ingerlanneqartussaavoq. Kisiannili ikiorsiiniutit annertussutsimigut annikinnerusumik iluseqassasut pīumasaqaataajunnaarpoq. Inuup nunaqavissup § 45 a, imm. 1 malillugu aatsitassanik pīaasup, taamaalilluni siunnersuut malillugu ikiorsiiniutit inuup kisermaassisussaataitanani annikitsumik aatsitassarsiornissamut akuersissut malillugu ingerlatanik suliaraqnerani atorineqartussat assingi atussavai.

Siunnersuummi erseqqissarneqarpoq aatsitassat inuup nunaqavissup tamatumunnga akuersissummik peqarani katersorsinnaasai pīarsinnaasaalu qaffasinnerpaaffeqartinneqartut. Siunnersuummi aamma erseqqissarneqarpoq inuk aatsitassanik ataatsimut katillugu ukiumut 100.000 koruuninit annertunerusumik naleqartunik katersinissamik imaluunniit pīaanissamik kissaateqartoq, sumiiffimmut inuup aatsitassanik katersivissatut imaluunniit pīaavissatut kissaatigisaanut kapitali 8-imi maleruagassat malillugit aatsitassanik pīaanissamut annikitsumik aatsitassarsiornissamut akuersissummik tunineqarnissamik qinnuteqarsinnaasoq.

Aatsitassat Kalaallit Nunaanni katersorneqartut imaluunniit pīarneqartut qaqugukkut Kalaallit Nunaanni anninneqarsinnaanersut, immaqa avammut annissinissamut akuersissummik tunniussinikkut, pillugu maleruagassat ersarinnerulersinneqarnissaat siunnersuummi ilaatigut siunertaavoq. Siunnersuummi allassimavoq inuk nunaqavissoq, tamatumunnga avammut annissinissamut akuersissummik peqarani, aatsitassanik inuussutissarsiutigiginagu Kalaallit Nunaannit annissininnaasoq. Ilaatigut siunnersuut malillugu inuk nunaqavissoq, tamatumunnga avammut annissinissamut akuersissummik peqarani, aatsitassanik, ilanngullugit assersuutigalugu aatsitassat pīnersaasiassat aamma aatsitassat kusanartulianik sanalunnermut atorineqartussat, nammineq inuttut atugassanik Kalaallit Nunaata avataanut Kalaallit Nunaannit anninneqarsinnaapput. Nunaqavissup pigisaminik nassarsinnaanissaata, ilanngullugit nammineq aatsitassaatini, aatsitassat pīnersaasiassat, aatsitassat kusanartulianik sanalunnermut atorineqartussat assigisaallu Kalaallit Nunaanneersut, qulakkeerneqarnissaa aalajangersakkami siunertaavoq. Taamaattoq pīumasaqaatigineqarpoq pigisat taaneqartut Kalaallit Nunaannit anninneqartut Kalaallit Nunaata avataani nammineq inuttut atugassaassasut.

Nunaqavissoq aamma tamatumunnga avammut annissinissamut akuersissummik peqarani, aatsitassat ataatsimut katillugu nalingat ukiumut 25.000 koruuninit annertunerusimangippat, aatsitassanik inuit allat nammineerlutik aammalu inuussutissarsiutigiginagu atugassaannik, Kalaallit Nunaanniit annissininaavoq.

Nunaqavissoq inuussutissarsiutigalugu Kalaallit Nunaannit annississappat, tamatumunnga avammut annissinissamut akuersissummik tunniussisoqarsimanissaa piumasaqaataavoq. Tamanna aamma pisuni siunnersuummi § 45, imm. 3-imi pineqartunut ilaanngitsuni, aatsitassanik inuussutissarsiutigiginagu Kalaallit Nunaanni annissinermut atuuppoq. Taamaalilluni aatsitassat ataatsimut katillugu nalingat ukiumut 25.000 koruuninit annertunerusimappat, inuit allat nammineerlutik aammalu inuussutissarsiutigiginagu atugassaannik aatsitassanik Kalaallit Nunaanni annissineq, ilanngullugu assersuutigalugu tunniussassanik, tamatumunnga avammut annissinissamut akuersissummik peqarnissaq piumasaqaataavoq. Inuit allat nammineerlutik aammalu inuussutissarsiutigiginagu atugassaannik ukiumut qanoq naleqartunik Kalaallit Nunaanni annissisarnermut tunngatillugu killiliinermi, ilaatigut nunaqavissut assersuutigalugu imm. 3 malillugu tunissutissat pineqartut oqaatigalugu, aatsitassanik inuussutissarsiutigalugu annissinnginnissaasa qulakkeerpeqarnissaa siunertaavoq.

Nutaatut innuttaasut nunaqavissut sumiiffimmi aatsitassarsiorluni misissuinissamut kismaassisussaatitaalluni akuersissummi pineqartunut ilaasumi inuussutissarsiutigiginagu katersisinnalissapput. Taamaattoq kismaassisussaatitaalluni pisinnaatitsissummik pigisaqartoq tamatumunnga akuersisimangippat, sumiiffimmi aatsitassarsiorluni misissuinissamut imaluunniit piiaanissamut kismaassisussaatitaalluni akuersissummi pineqartunut ilaasumi inuussutissarsiutigalugu katersinissaq piiaanissarluni sulii periarfissaassanngilaq.

Siunnersuut malillugu kismaassisussaatitaanermut akuersissut malillugu pisinnaatitsissummik pigisaqartup sukkulluunniit akuersinini utertissinnaavaa, aammalu akuersinermik tigusaqartoq, akuersinerup utertinneqarnera imaluunniit tamatuma malitsigisaanik annaasaqarneq tunngavigalugu, kismaassisussaatitaanermut akuersissut malillugu pisinnaatitsissummik pigisaqartumut imaluunniit Naalakkersuisunut taarsiinissamik piumasaqaateqarsinnaanngilaq imaluunniit allatigut piumasaqaateqarsinnaanani.

Aalajangersakkami siunertaavoq innuttaasut nunaqavissut, killilimmik annertussuseqartumik, Kalaallit Nunaanni aatsitassanik katersinissamut piiaanissamullu periarfissaqarnerulernissaannut peqataanissaq, ilanngullugu aamma sumiiffinni kismaassisussaatitaalluni akuersissummi pineqartunut ilaasuni, nunaqavissup aallaaviatigut aatsitassanik katersiffiginnaanngisaanni imaluunniit piiaaffiginissaanni, takuuk siunnersuummi § 45 b, imm. 1 aamma 3. Aalajangersakkami aamma pisinnaatitsissummik pigisaqartup sumiiffimmi pisinnaatitsissummik pigisaqartup kismaassisussaatitaalluni akuersissummik peqarfigisaani, pisinnaatitsissummik pigisaqartoq allatut akuersisimangippat, aatsitassarsiorluni ingerlataqarnernik suliaqarnissaata qulakkeernissaa siunertarineqarpoq.

Taamaalilluni aalajangersakkami allassimavoq, kismaassisussaatitaalluni akuersissut



malillugu pisinnaatitsissummik pigisaqartoq tamatumunnga akuersisimappat, nunaqavissoq sumiiffimmi § 16 malillugu kisermaassisussaataalluni aatsitassanik piiaanissamut akuersissummi nalinginnaasumi imaluunniit § 33 malillugu aatsitassanik piiaanissamut kisermaassisussaataalluni annikitsumik aatsitassarsiornissamut akuersissummi, pineqartunut ilaasumi § 45 malillugu aatsitassanik katersisinnaasoq.

Aalajangersakkami aamma allassimavoq, kisermaassisussaataalluni akuersissut malillugu pisinnaatitsissummik pigisaqartoq tamatumunnga akuersisimappat, nunaqavissoq sumiiffimmi § 16 malillugu kisermaassisussaataalluni aatsitassarsiorluni misissuinissamut akuersissummi nalinginnaasumi imaluunniit § 33 malillugu aatsitassarsiorluni misissuinissamut kisermaassisussaataalluni annikitsumik aatsitassarsiornissamut akuersissummi, pineqartunut ilaasumi § 45 a malillugu aatsitassanik katersisinnaasoq piiaasinnaallunilu.

Inatsisartut inatsisaat atuuttoq malillugu nunaqavissoq aatsitassanik akisuunik, soorlu assersuutigalugu diamantit, safir-it, rubin-it, smaragd-it, chrysoberyl-it aamma opal-it, aammalu aatsitassat qinngornernik ulorianartunik akullit, katerseqqusaanngilaq piiaaqusaananilu. Siusinnerusukkut pisut paarlattuanik siunnersuut malillugu innuttaasut nunaqavissut aatsitassanik tamaginnik, aatsitassat qinngornernik ulorianartunik akullit ilaanatik, katersisinnaapput piiaasinnaallutillu. Siunnersuut malillugu aatsitassanik katersinissamut piiaanissamullu pisinnaatitaaffeqarnermi taamaalilluni aamma aatsitassat akisuut pineqartunut ilaapput soorlu assersuutigalugu diamantit, safir-it, rubinit, smaragd-it, chrysoberyl-it aamma opal-it. Taamaattoq innuttaasut nunaqavissut §§ 45 aamma 45 a malillugit aatsitassanik katersinissamut piiaanissamullu pisinnaatitaaffeqarneranni aatsitassat aalajangersimasut erseqqinnerusumik allanneqartut pineqartunut ilaatinneqanngitsut, pillugu aalajangersakkanik Naalakkersuisut aalajangersaanissaannut ataatsimut isigalugu inatsimmi tunngavissamik siunnersuut imaqarpoq. Assersuutigalugu tassaasinnaapput aatsitassat akisuut aalajangersimasut, soorlu assersuutigalugu diamant-it, safir-it, rubin-it, smaragd-it, chrysoberyl-it aamma opal-it.

Nunaqavissuunngitsut, ilanngullugit assersuutigalugu takornariat, siunnersuut malillugu tamanna ilitsersuisoqarluni angalaarnerup, annikitsumik aatsitassarsiornissamut pisinnaatitsissummik pigisaqartumit sumiiffimmi taassuma annikitsumik aatsitassarsiornissamut akuersissutaataani aqqissuunneqartup, nalaani pisimanngippat, katersisinnaassanngillat imaluunniit piiaasinnaassanatik. Katersineq imaluunniit piiaaneq angalaarnermi taamaattumi pisimappat, nunaqavissuunngitsup siunnersuut malillugu aatsitassanik katersinissamut piiaanissamullu periarfissaqarnerani, aatsitassat annikitsumik aatsitassarsiornissamut pisinnaatitsissummik pigisaqartup katersorsinnaasaasa piiarsinnaasaasalu assingi pineqartunut ilaapput. Aatsitassat qinngornernik ulorianartunik akoqartut aamma aatsitassat allat aalajangersimasut, Naalakkersuisut aalajangigaat, taamaattoq ilaatinneqanngillat.

Nunaqavissuunngitsut taamaalillutik ilitersuisoqarluni angalaarnerup, annikitsumik aatsitassarsiornissamut pisinnaatitsissummik pigisaqartumit sumiiffimmi taassuma annikitsumik aatsitassarsiornissamut akuersissutaataani aaqqissuunneqartup, nalaani aatsitassanik akisuunik, soorlu assersuutigalugu diamantit, safir-it, rubinit, smaragd-it, chrysoberyl-it aamma opal-it, aatsitassat taakkua annikitsumik aatsitassarsiornissamut akuersissummi pineqartunut ilaasimappata, katersisinnaassapput paaasinnaassallutillu.

Siunnersuut malillugu nunaqavissuunngitsut aallaaviatigut, inuk avammut annissinissamut akuersissummik tunineqarsimappat, aatsaat aatsitassanik avammut annissisinnaapput. Taamaattoq aatsitassaq nunaqavissumit pisiarineqarsimappat, aammalu pisineq uppernarsarneqarpat, ilanngullugu assersuutigalugu pisinermut allagartaq, akiligassiissut imaluunniit allagartaq akuersissut, nunaqavissuunngitsoq aatsitassanik Kalaallit Nunaanneersunik inuussutissarsiutiginaagu avammut annissinissamut akuersissummik peqarani avammut annissisinnaassaaq. Assersuutigalugu takornariaq nammineq atugassanut siunertaqartumik, assersuutigalugu tammajuitsussatut imaluunniit tunissutissatut, aatsitassamik pisisinnaavoq, aammalu pisinermut allagartamik, akiligassiissummik imaluunniit allagartamik akuersissummik takutitsilluni taakkua Kalaallit Nunaannit annissinnaallugit.

Takornariaq imaluunniit inuk alla Kalaallit Nunaanni nunaqavissuunngitsoq, tamatuma saniatigut Kalaallit Nunaanni aatsitassanik pisisinnaavoq aammalu taakkua Kalaallit Nunaata avataani tuniniaqqinnissaat siunertaralugu Kalaallit Nunaannit annissinnaallugit. Taamaattoq aatsitassanik taamatut siunertaqartumik, nammineq atugassarinnngisaminik, Kalaallit Nunaanni pisiarineqartunik annissinissamut, tamatumunnga avammut annissinissamut akuersissummik Naalakkersuisut tunniussisimanissaat piumasaqaataavoq.

Inuk nunaqavissuunngitsoq aammalu aatsitassanik inunnit allanit nunaqavissuunngitsunit pisiarineqarsimasunik, imaluunniit nunaqavissumit aatsitassanik pisiarineqarsimasunik, kisianni pisinermut allagartamik, akiligassiissummik imaluunniit allagartamik akuersissummik takutitsisinnaanngitsoq, annissinissamik kissaateqaruni, taamatuttaaq avammut annissinissamut akuersissummik peqartussaavoq.

### *2.3. Akileraarutininik nalunaarutiginnittarneq akiliisarnerlu*

Akileraartarnermut tunngatillugu suliaqarnermi aatsitassanut suliaasaqarfimmi oqartussaasut sularinninnerat, akileraartarnermut oqartussaasut qanimut suleqatigalugit ingerlanneqartarpoq.

Pisinnaatitsissummik pigisaqartup taassuma entreprenøriisa, pilersuisuisa kiffartuussisuisalu ilaalu ilanngullugit akileraartarnermut inatsisinut nalinginnaasunut naapertuuttumik akileraartarnikkut nalunaarusiornernik aamma akileraarutininik akiliinernik suliaqartarnissaat qulakkiissagaa, pillugu atugassarititaasunik Naalakkersuisut aalajangersaasinnaasut imaluunniit aalajangiisinnaasut, Inatsisartut inatsisaat atuuttoq imaqarpoq.

Taamaattoq akileraartarnermut oqartussaasut paasippassuk akileraartarnikkut nalunaarusiortoqarsimanngitsoq imaluunniit akileraarutininik akiliisoqarsimanngitsoq, aatsitassanut suliaasaqarfimmi suliani Naalakkersuisut akuliunnissamut periarfissaqarnerat pillugu aalajangersakkanik erseqqinnerusunik Inatsisartut inatsisaat atuuttoq imaqaanngilaq. Siunnersuummi oqartussaasut immikkoortuisa attuumassuteqartut, pisuni akileraarutitigut nalunaarusiornerit amigaataaneranni imaluunniit akileraarutininik akiliisoqaannginnerani, aatsitassanut suliaasaqarfimmi suliniuteqarnerit ataqaatigiissaarnissaannut pitsaanerusunik sakkussaqaalersinneqassapput.

Pisinnaatitsissummik pigisaqartup taassumalu entreprenøriisa, pilersuisuisa kiffartuussisuisalu ilaalu ilanngullugit akileraartarnermut inatsisinut nalinginnaasunut naapertuuttumik akileraartarnikkut nalunaarusiortarnissamut aamma akileraarutininik akiliisarnissamik pisussaaffeqarnerat, siunnersuummi allannguuteqartinneqaanngilaq. Siunnersuummi aamma pisinnaatitsissummik pigisaqartup entreprenørini, pilersuisuni kiffartuussisuni ilaalu ilanngullugit sinnerlugit akileraarutitigut nalunaarusiortarnissamik imaluunniit akileraarutininik akiliisarnissamik, pisussaaffilerneqarnissaa siunertarineqaanngilaq.

Kisiannili ingerlatat Inatsisartut inatsisaanni pineqartunut ilaasut, akileraartarnermut inatsisit nalinginnaasut malillugit akileraarutitigut nalunaarusiortoqarsimatinnagu imaluunniit akileraarutininik akiliisoqarsimatinnagu, assersuutigalugu suliarineqarsinnaanngitsut, pillugu aalajangersakkanik aalajangersaanissamut siunnersuummi Naalakkersuisut pitsaanerusumik periarfissaqaalersinneqarput.

<b>Siunnersuut Inatsisartut inatsisaannut atuuttumut sanilliullugu</b>	
<i>Oqaasertai atuuttut</i>	<i>Inatsisissatut siunnersuut</i>
	<b>§ 1</b>
	Aatsitassat pillugit ingerlatallu tamatumunnga pingaarutillit pillugit inatsisartut inatsisaat nr. 7, 7. december 2009-imeersumi (aatsitassanut ikummatissanullu inatsit), Inatsisartut inatsisaanni nr. 26, 18. december 2012-imeersumi, Inatsisartut inatsisaanni nr. 6, 8. juni 2014-imeersumi aamma Inatsisartut inatsisaanni nr. 16, 3. juni 2015-imeersumi allannguuteqartinneqartumi, makkua allannguutigitinneqarput:
	<b>1.</b> § 3 c kingorna ilanngunneqassaaq: ” § 3 d. Pissutsit Inatsisartut inatsisaanni

	<p>pineqartunut ilaasut pillugit aalajangiineq, ukiup 1-ip piffissamut killissaliussap iluani taamaallaat eqqartuussivinnut suliakkiissutigineqarsinnaavoq. Piffissamut killiliusaaq, suliami peqataasumut aalajangiineq nalunaarutigineqarpat, suliami peqataasumut aalajangiinerup nalunaarutigineqarneranut ulloq aallarnerfigalugu naatsorsorneqassaaq. Taamaattoq aalajangiineq tamanut ammasumik nalunaarutigineqarsimappat, piffissamut killiliusaaq nalunaarutiginninnermit tamatigut naatsorsorneqartassaaq. Piffissamut killiliusaaq arfininngornermi, sapaammi imaluunniit ulluni nalliuttuni naasussaappat, piffissamut killiliusaaq ulluinnaap tullianut sivitsorneqassaaq.</p> <p><i>Imm. 2. § 3 b malillugu</i> naammagittaalliornermut suliami, suliami peqataasumut tunngatillugu imm. 1-imi piffissamut killiliusaaq aatsaat ulloq naammagittaalliornermut suliami aalajangiinerup suliami peqataasumut nalunaarutigineqarneraniit aatsaat naatsorsorneqassaaq.</p> <p><i>Imm. 3. Naalakkersuisut allamik</i> aalajangersimanngippata, aalajangiinerup eqqartuussivinnut suliakkiissutigineqarnera kinguartitsinermik sunniuteqassanngilaq.</p> <p><i>Imm. 4. Pissutsit Inatsisartut inatsisaanni</i> pineqartunut ilaasut pillugit aalajangiineq taamaallaat eqqartuussivinnut Kalaallit Nunaanni aalajangiisinnaatitaasunut suliakkiissutigineqarsinnaavoq. Aalajangiineq eqqartuussivinnut suliakkiissutigineqartoq, Kalaallit Nunaanni Eqqartuussivinnut siulliullutik suliarinnittussanut, suliakkiissutigineqassaaq.”</p>
	<p><b>2. Inatsisartut inatsisaanni tamarmi</b></p>

	<p>”annikitsumik akuersissut”, ”annikitsumik akuersissut” aamma ”annikitsumik akuersissutit” allanngortinneqassapput imaalerlugit ”annikitsumik aatsitassarsiornissamut akuersissut”, ”annikitsumik aatsitassarsiornissamut akuersissut” aamma ”annikitsumik aatsitassarsiornissamut akuersissutit”.</p>
<p><i>Imm. 2.</i> Annikitsunik ujaasinissamut atuinissamullu akuersissut (annikitsunut akuersissut) § 16, imm. 3-mi allassimasoqaraluartoq taamaallaat imm. 3-mi piunasaqaatinik naapertuutsitsisunut timitaliisutut inunnut, aammalu imm. 9-mi piunasaqaatinik naapertuutsitsisunut katersugaasivinnut taamaallaat akuersissutigalugit nalunaarutigineqarsinnaapput.</p>	<p><b>3.</b> § 32, <i>imm. 2</i>-imi ”imm. 9” allanngortinneqarpoq imaalillugu ”imm.6”.</p>
<p><b>§ 33.</b> Naalakkersuisut erseqqinnerusumik piunasaqaatinik aalajangersaanikkut aatsitassanik annikitsumik misissuinissamut imaluunniit piiaanissamut kisermaassisinnaatitsinertaqanngittumik imaluunniit kisermaassisinnaatitsinertalimmik akuersissummik tunniussisinnaapput.</p>	<p><b>4.</b> § 33, <i>imm. 1 aamma 2</i>, imatut oqaasertalerneqassaaq:  <b>” § 33.</b> Naalakkersuisut atugassarititaasut erseqqinnerusumik aalajangersarneqartut tunngavigalugit kisermaassisussaataalluni imaluunniit kisermaassisussaataani annikitsumik aatsitassarsiorluni misissuinissamut imaluunniit aatsitassanik piiaanissamut annikitsumik aatsitassarsiornissamut akuersissummik tunniussisinnaapput. Annikitsumik aatsitassarsiornissamut akuersissut, aatsitassanik qinngornernik ulorianartunik akulinnik aatsitassarsiorluni misissuinissamut imaluunniit piiaanissamut tunngassuteqarsinnaanngilaq.  <i>Imm. 2.</i> Annikitsumik aatsitassarsiornissamut akuersissutit, peqatigisaanik aatsitassarsiorluni misissuinissamut piiaanissamullu imaluunniit immikkut aatsitassarsiorluni misissuinissamut piiaanissamullu akuersissutitut tunniunneqarsinnaapput. Aatsitassarsiorluni</p>

	<p>misissuinissamut annikitsumik  aatsitassarsiornissamut akuersissummi  pisinnaatitsissummik pigisaqartoq  piaanissamut annikitsumik  aatsitassarsiornissamut akuersissummik  tunineqarnissamut  salliusussaatinneqarsinnaavoq.  Aatsitassarsiornissamut, piaanissamut imaluunniit peqatigisaanik aatsitassarsiornissamut misissuinissamut piaanissamullu annikitsumik aatsitassarsiornissamut akuersissummi pisinnaatitsissummik pigisaqartoq § 16 malillugu kisermaassisussaataalluni aatsitassarsiornissamut imaluunniit piaanissamut akuersissummik nalinginnaasumik tunineqarnissamut salliusussaatinneqarsinnaavoq aammalu tamatumunnga atugassarititaasut aalajangersarneqassallutik.”</p>
<p><i>Imm. 6.</i> Aatsitassanik annikitsumik ingerlataqarneq pillugu Naalackersuisut malittarisassanik erseqqinnerusumik aalajangersaasinnaapput, ilaallutik imm. 1 malillugu annikitsumik akuersissummik tunineqarnermi akiliutinik akiliisarnissamut malittarisassat, tamanna pillugu qinnuteqaammik nassiussinnermut, kiisalu taama akuersissuteqarnissamut tunngasuni oqartussatut suliarinninnertut.</p>	<p><b>5.</b> § 33, <i>imm. 6</i>, imatut oqaasertalerneqassaaq:  ” <i>Imm. 6.</i> Inuk imm. 1 malillugu akuersissummik tunineqartoq, Naalackersuisut akuersissuteqarnerat malillugu Kalaallit Nunaanni nunap sannaata takutinnissaa siunertaralugu nunaqavissunut aamma nunaqavissuunngitsunut ilitsersuisoqarluni angalaartitsinernik aaqqissuussisinnaavoq.”</p>
<p><b>§ 34.</b> Sumiiffik annikitsumik akuersissuteqarfiususaaq akuersissummi aalajangerneqassaaq, takukkilli imm. 2 aamma 3.  <i>Imm. 2.</i> Kisermaassisinnaatitaaffeqarluni annikitsunut akuersissummut akuersissuteqarfiusoq 1 km<sup>2</sup> sinnerlugu annertussuseqarsinnaanngilaq.  <i>Imm.</i>  3. Kisermaassisinnaatitaaffeqanngitsumik annikitsunut akuersissummut</p>	<p><b>6.</b> § 34 imatut oqaasertalerneqassaaq:  ” <b>§ 34.</b> Naalackersuisut annikitsumik aatsitassarsiornissamut akuersissutit, piffissami sukkulluunniit atuuttuusinnaasut, amerlanerpaaffissai pillugit aalajangersakkanik erseqqinnerusunik aalajangersaaqqissaarsinnaapput.  <i>Imm. 2.</i> § 33 malillugu annikitsumik aatsitassarsiornissamut akuersissut ukiut 3-it tikillugit piffissamut tunniunneqarsinnaavoq.  <i>Imm. 3.</i> Pisinnaatitsissummik pigisaqartoq</p>

<p>akuersissuteqarfiusumiinngillat immikkoortortat kisermaassisinnaatitaaffeqarluni annikitsunut akuersissuteqarfiusut imaluunniit annikitsunut akuersissuteqarfinnut ilaasut.</p> <p><i>Imm. 4.</i> Kisermaassisinnaatitaanani annikitsunut akuersissummut akuersissuteqarfiusumut ilaanngillat § 16 naapertorlugu aatsitassarsiornermut imaluunniit aatsitassanik atuinnermut immikkoortortat akuersissuteqarfiusut imaluunniit akuersissummik nalunaaruteqarfiusut.</p> <p><i>Imm. 5.</i> Qaqugukkulluunniit atuutsinneqarsinnaasunik annikitsunut akuersissutaasut amerlanerpaaffissaat pillugit Naalakkersuisut aalajangersakkanik aalajangiussisinnaapput.</p> <p><i>Imm. 6.</i> § 33 naapertorlugu annikitsumik akuersissut piffissamut ukiut 3-t tikillugit nalunaarutigineqarsinnaavoq.</p> <p><i>Imm. 7.</i> Pisinnaatitaaffeqartoq, kisermaassisinnaatitaaffeqarluni annikitsumik akuersissuteqarnermi nalaani aningaasarsiutigineqarsinnaasunik nassaarisanik takussutissiisimappat nassaarisanillu atuinnermik aallartitsisimappat, sinnerisigullu akuersissummi nalunaarsukkatut piumasaqaataasut naammassineqarsimappata ukiut 10-t tikillugit akuersissuteqarfiusup sivitsortarnissaanut pisinnaatitaaffeqarpoq. Akuersissuteqarfittut piffissap tamarmiusup ukiut 30 qaangersimassanngilaat</p>	<p>kisermaassisussaataitaalluni annikitsumik aatsitassarsiorinissamut akuersissutip malillugu aatsitassanik peqarfinnik niuerneramik tunngaveqartumik piiarneqarsinnaasumik paasinarsisitsisimasoq aammalu peqarfinnik piiaanermik aallartitsisimasoq, aammalu allatigut akuersissummi atugassarititaasut allassimasut naammassisimagunigit, piffissap akuersissuteqarfiusup ukiut 10-ikkaat tikillugit sivitsorneqarnissaanik pisinnaatitaaffeqarpoq. Piffissaq akuersissuteqarfiusoq ataatsimut katillugu tamarmiusoq ukiunik 30-init siviuserusinnaanngilaq.</p> <p><i>Imm. 4.</i> Annikitsumik aatsitassarsiorinissamut akuersissummut sumiiffik akuersissuteqarfiusoq akuersissummi aalajangersarneqassaaq, taamaattoq takukkit imm. 5-7.</p> <p><i>Imm. 5.</i> Kisermaassisussaataitaalluni annikitsumik aatsitassarsiorinissamut akuersissummut sumiiffik akuersissuteqarfiusoq nunaminertaq 1 km<sup>2</sup>-imit anginerusunngorlugu aalajangersarneqarsinnaanngilaq.</p> <p><i>Imm. 6.</i> Kisermaassisussaataitaalluni annikitsumik aatsitassarsiorinissamut akuersissut sumiiffinnut, annikitsumik aatsitassarsiorinissamut akuersissutip tunniunneqarnerani, § 16 malillugu aatsitassanik misissuinissamut imaluunniit piiaanissamut kisermaassisussaataitaalluni akuersissummut nalinginnaasumut imaluunniit § 33 malillugu kisermaassisussaataitaalluni annikitsumik aatsitassarsiorinissamut akuersissummut allamut ilaatinneqartunut, tunniunneqarsinnaanngilaq.</p> <p><i>Imm. 7.</i> Kisermaassisussaataitanani annikitsumik aatsitassarsiorinissamut</p>
--	--

	<p>akuersissummut sumiiffimmi  akuersissuteqarfigineqartumi, sumiiffiit  annikitsumik aatsitassarsiornissamut  akuersissutip tunniunneqarnerani imaluunniit  kingusinnerusukkut § 16 malillugu  aatsitassanik misissuinissamut imaluunniit  piiaanissamut kisermaassisussaatitaalluni  akuersissummut nalinginnaasumut  imaluunniit § 33 malillugu  kisermaassisussaatitaalluni annikitsumik  aatsitassarsiornissamut akuersissummut  allamut ilaatinneqartut, pineqartunut  ilaatinneqanngillat, taamaattoq takuuk § 34  a.”</p>
	<p><b>7. § 34</b> kingorna ilanngunneqassaaq:  ” <b>§ 34 a.</b> Kisermaassisussaatitaanani  annikitsumik aatsitassarsiornissamut  akuersissut, tamatumunnga allaganngorlugu  akuersineq kisermaassisussaatitaalluni  akuersissut malillugu pisinnaatitsissummik  pigisaqartumit nalunaarutigineqarsimappat,  sumiiffinnut § 16 malillugu aatsitassanik  misissuinissamut imaluunniit piiaanissamut  kisermaassisussaatitaalluni akuersissummut  nalinginnaasumut imaluunniit § 33 malillugu  kisermaassisussaatitaalluni annikitsumik  aatsitassarsiornissamut akuersissummut  allamut ilaatinneqartunut  tunniunneqarsinnaavoq. Allaganngorlugu  akuersineq, Naalakkersuisut tamanna  piumasarippassuk, uppersarsaatip  akuersinermik imaqartup Naalakkersuisunut  tunniunneratigut Naalakkersuisunut  uppersarsarneqassaaq.  <i>Imm. 2.</i> § 16 imaluunniit § 33 malillugit  kisermaassisussaatitaalluni akuersissut  malillugu pisinnaatitsissummik pigisaqartup,  kisermaassisussaatitaanani annikitsumik  aatsitassarsiornissamut akuersissut malillugu  pisinnaatitsissummik pigisaqartumut tamanna</p>



	<p>pillugu nalunaaruteqarnikkut, imm. 1 malillugu akuersineq utertissinnaavaa. Utertitsinerup kingorna, sumiiffik kisermaassisussaatitaalluni akuersissummi pineqartunut ilaasoq, kisermaassisussaatitaanani annikitsumik aatsitassarsiornissamut akuersissummi pineqartunut ilaajunnaassaaq.</p> <p><i>Imm. 3.</i> Kisermaassisussaatitaanani annikitsumik aatsitassarsiornissamut akuersissut malillugu pisinnaatitsissummik pigisaqartoq, imm. 1 malillugu akuersinerup utertinneqarnera tunngavigalugu imaluunniit tamatuma malitsigisaanik annaasaqarnermi, kisermaassisussaatitaalluni akuersissut malillugu pisinnaatitsissummik pigisaqartumut imaluunniit Naalackersuisunut taarsiinissamik piumasqaateqarsinnaanngilaq imaluunniit allanik piumasqaateqarsinnaanani.</p>
<p><i>Imm. 4.</i> Piffissami ataatsikkut akuersissuteqarfiusumi inunnik 9-nik tikillugit kisermaassisinnaatitaalluni annikitsumik akuersissummik pisinnaatitaaffeqartup suliaqartissinnaaneranut Naalackersuisut akuersissummik nalunaaruteqarsinnaapput, taamaattorli imm. 5 takuuk.</p>	<p><b>8.</b> § 35, <i>imm. 4</i>, imatut oqaasertalerneqassaaq:  ” <i>Imm. 4.</i> Kisermaassisussaatitaalluni annikitsumik aatsitassarsiornissamut akuersissut malillugu pisinnaatitsissummik pigisaqartoq sumiiffimmi akuersissuteqarfiusumi ataatsikkut inuit 9-it tikillugit sulisitsisinnaasoq Naalackersuisut akuersissummik tunniussisinnaapput, taamaattoq takuuk imm. 5. Inuit pisinnaatitsissummik pigisaqartumit sulisinneqarnerisut imaluunniit pisinnaatitsissummik pigisaqartumi sulisinneqaratik pisinnaatitsissummik pigisaqartoq sinnerlugu ingerlatanik suliaqartinneqarnerisut apeqqutaatinnagu tamanna atuuppoq.”</p>
<p><b>§ 36.</b> Annikitsumik akuersissutini akuersissut malillugu aatsitassanik</p>	<p><b>9.</b> § 36 imatut oqaasertalerneqassaaq:  ” <b>§ 36.</b> Akuersissut malillugu</p>

ingerlatsineq qanoq pissanersoq  
piumasaqaatinik erseqqinnerusumik  
Naalakkersuisut aalajangersaasinnaapput.  
Malittarisassat aalajangersarneqarsinnaapput  
piginnaatitsissummik pigisaqartup  
aatsitassanik ingerlataqarnissaminut  
pilarsaarutai eqqarsaatigalugit, ilaallutik  
ingerlataqarnerup suunissaa qanorlu  
annertutiginissaa. Ingerlatsinerit  
allanngorneri imaluunniit pissutsit  
allanngorneri pisariaqartitsippata,  
Naalakkersuisut malittarisassat  
allanngortinneqartut aalajangersinnaavaat.

*Imm. 2.* Annikitsumik akuersissutini  
Naalakkersuisut erseqqinnerusumik  
aalajangersaasinnaapput, ingerlatat suut  
immikkut akuersissuteqarnani  
suliarineqarsinnaasut, ingerlatat suut  
immikkut akuersissuteqaqqaarluni aatsaat  
suliarineqarsinnaasut aamma  
suliarineqarsinnaanngitsut.

*Imm. 3.* Kisermaassisinnaatitaaffeqarani  
annikitsunik akuersissutit naapertorlugit  
aatsitassarsiornermi ingerlatat taamaallaat  
ikiorsiinutitik tigungmiaannartakkanik,  
motooreqanngitsunik atuilluni  
suliareqqusaapput, soorlu assersuutigalugit  
kaattatut, qussaataatut, kuupiiut ikuttaatitullu  
ittunik suliarineqaqqusaapput, taamaattorli  
imm. 4 takuuk.

*Imm. 4.* Kisermaassisinnaatitaaffeqarani  
annikitsunik akuersissutillit annikitsumik  
qaartiterinermut akuersissummik  
Naalakkersuisut nalunaaruteqarsinnaapput.  
Taamatut akuersissuteqarneq naapertorlugu  
aatsitassarsiornermik ingerlatat aamma  
sakkut assassorluni atortut, mekaniskiusunik  
atugaqarluni ingerlanneqarsinnaapput,  
assersuutigalugit qillerutit, avitsissutit  
sequtserutillu atornerisigut, aammalu  
annikitsumik qaartiterinikkut.

*Imm. 5.* Annikitsumik qaartiterinerup

aatsitassarsiorluni suliaqarnerup  
ingerlanneqarnera pillugu  
atugassarititaasunik erseqqinnerusunik  
Naalakkersuisut annikitsumik  
aatsitassarsiornissamut akuersissummi  
aalajangersaassapput. Atugassarititaasut  
pisinnaatitsissummik pigisaqartup  
aatsitassarsiorluni ingerlatassatut  
pilarsaarutigisai eqqarsaatigalugit  
aalajangersarneqassapput, ilanngullugit  
ingerlatassat suussusai annertussusaalu.  
Ingerlatassat imaluunniit pissutsit  
allannguuteqartut tamanna  
pisariaqartilerpassuk, atugassarititaasut  
allannguuteqartillugit Naalakkersuisut  
aalajangersaasinnaapput.

*Imm. 2.* Ingerlatat suut immikkut  
akuersissuteqarfigineqarani  
ingerlanneqaqqusaanersut, immikkut  
akuersissuteqarfigineqarluni aatsaat  
ingerlanneqaqqusaanersut aammalu  
ingerlanneqaqqusaannginnersut pillugit  
atugassarititaasut erseqqinnerusut  
Naalakkersuisut annikitsumik  
aatsitassarsiornissamut akuersissummi  
aalajangersarsinnaavaat.

*Imm. 3.* Kisermaassisussaataitanani  
annikitsumik aatsitassarsiornissamut  
akuersissut malillugu aatsitassarsiorluni  
ingerlatat taamaallaat ikiorsiiniutitik  
tigungmiannartakkanik, motooreqanngitsunik  
atuilluni suliareqqusaapput, soorlu  
assersuutigalugu kaataq, qussaataq,  
kaanngartiterut aamma sillaq, taamaattoq  
takuuk imm. 4.

*Imm. 4.* Kisermaassisussaataitanani  
annikitsumik aatsitassarsiornissamut  
akuersissut malillugu pisinnaatitsissummik  
pigisaqartoq tamanna pillugu  
qinnuteqaateqarpat, akuersissut malillugu  
aatsitassarsiorluni ingerlatat aamma

<p>atorneqarnissaa aamma taassuminnga akuersissuteqarneq pillugit Naalakkersuisut aalajangersakkanik aalajangersuissapput.</p>	<p>sumiiffimmi aalajangersimasumi ataatsimi arlalinniluunniit ikiorsiiniutit tigummaaannartakkat motoorillit, soorlu assersuutigalugu qillerut innaallagiartortoq, pilattuut innaallagiartortoq aamma sequtserut innaallagiartortoq, atorlugit aammalu annikitsunik qaartiterinernik atuilluni, ingerlanneqarsinnaasut, Naalakkersuisut immikkut ittumik akuersissuteqarsinnaapput. Taamatut akuersissuteqarneq pillugu aalajangersakkanik erseqqinnerusunik aammalu taakkununnga atugassarititaasunik Naalakkersuisut aalajangersaasinnaapput.</p> <p><i>Imm. 5.</i> Kisermaassisussaataitaalluni annikitsumik aatsitassarsiornissamut akuersissut malillugu aatsitassarsiorluni ingerlatat ikiorsiiniutit tigummaaannartakkat motooreqanngitsut aamma motoorillit suliarineqarsinnaapput.</p> <p><i>Imm. 6.</i> Kisermaassisussaataitaalluni annikitsumik aatsitassarsiornissamut akuersissut malillugu pisinnaatitsissummik pigisaqartoq tamatumuuna qinnuteqaateqarpat, akuersissut malillugu aatsitassarsiorluni ingerlatat aamma qaartiterinerit annikitsut atorlugit ingerlanneqarsinnaasut Naalakkersuisut immikkut akuersissuteqarsinnaapput. Taamatut akuersissuteqarneq pillugu aalajangersakkanik erseqqinnerusunik aammalu taakkununnga atugassarititaasunik Naalakkersuisut aalajangersaasinnaapput.</p> <p><i>Imm. 7.</i> Aatsitassarsiorluni ingerlatanik aammalu ingerlatanik tassunga atasunik suliaqarneq, ikiorsiiniutinik, qamutininik motoorilinnik, sanaartukkanik ilaalu ilanngullugit, atuneq pillugu aalajangersakkanik erseqqinnerusunik aamma atugassarititaasunik Naalakkersuisut aalajangersaasinnaapput.”</p>
--	--

	<p><b>10. § 36</b> kingorna ilanngunneqassaaq:  ” <b>§ 36 a.</b> Annikitsumik  aatsitassarsiornissamut akuersissut malillugu  ingerlatat pilersaarutigineqartut  suliarineqartullu annikitsumik  aatsitassarsiornissamut ingerlataanersut  imaluunniit aatsitassarsiornissamut  nalinginnaasumik ingerlataanersut §§ 15  imaluunniit 16 aamma 29 malillugit  aatsitassanik misissueqqaarnissamut,  misissuinissamut imaluunniit piiaanissamut  akuersissut malillugu taamaallaat  suliareqqusaasuunersut, Naalakkersuisut  nakkutilliivigissavaat  aalajangiivigissallugillu.</p> <p><i>Imm. 2.</i> Annikitsumik  aatsitassarsiornissamut akuersissut  qinnuteqaatigineqartoq malillugu  aatsitassarsiornissamut ingerlatat  pilersaarutigineqartut tassaangippata  annikitsumik aatsitassarsiornissamut ingerlatat,  Naalakkersuisut annikitsumik  aatsitassarsiornissamut akuersissummik  tunniussinissamik qinnuteqaat itigartissavaat  aammalu qinnuteqartoq §§ 15 imaluunniit 16  aamma 29 malillugit akuersissummik  nalinginnaasumik tunineqarnissamik  qinnuteqarnissamik innersuutissallugu.</p> <p><i>Imm. 3.</i> Annikitsumik  aatsitassarsiornissamut akuersissut  tunniunneqartoq malillugu aatsitassarsiornissamut  ingerlatassatut pilersaarutigineqartut  imaluunniit suliarineqartut tassaangippata  annikitsumik aatsitassarsiornissamut ingerlatat,  Naalakkersuisut annikitsumik  aatsitassarsiornissamut akuersissut  utertissinnaavaat aammalu qinnuteqartoq §§  15 imaluunniit 16 aamma 29 malillugit  akuersissummik nalinginnaasumik  tunineqarnissamik qinnuteqarnissamik  innersuutissallugu. Annikitsumik</p>
--	---

	<p>aatsitassarsiornissamut akuersissut malillugu pisinnaatitsissummik pigisaqartoq, annikitsumik aatsitassarsiornissamut akuersissutip utertinneqarnera imaluunniit taassuma malitsigisaanik annaasaqarneq tunngavigalugu taarsiinissamik piumasqaateqarsinnaangilaq imaluunniit allanik Naalakkersuisunut piumasqaateqarsinnaanani.</p> <p><i>Imm. 4.</i> Naalakkersuisut imm. 1-3-mi taaneqartut pillugit immikkut aalajangersaasinnaapput, pineqarpullu aalajangersakkat ersarinnerusut, nalinginnaasumik atugassarititaasut, pineqarputtaaq aalajangiinermi pissutsit tunngaviusimasut imm. 1 naapertorlugu annikitsunik aatsitassarsiornermi pisinnaatitaaffimmik arsaarinnittoqartillugu imm. 3 aammalu pisinnaatitsissummik pigisaqartup §§ 15 imaluunniit 16 aamma 29 aalajangersakkat naapertorlugit piginnaatitsissummik nalinginnaasumik akuersissummik nalunaarfigineqarsinnaaneranut attuumassuteqartut, pisinnaatitaaffeqartup piumasqaatinik atugassarititaasunillu tamanik naammassinnissimatillugu.“</p>
<p><b>§ 37.</b> Malittarisassat § 18, imm. 4-miittut, misissuinissat pilersaarutillu pillugit inuiaqatigiinnik akornusersuinnginnissamik attuumassuteqartut, annikitsumik akuersissuteqarnernut atuutinngillat.</p>	<p><b>11.</b> § 37, <i>imm. 1</i>-imi ”§ 18, imm. 4” allanngortinneqarpoq imaalillugu ”§ 18, imm. 5”.</p>
<p><i>Imm. 2.</i> Imm. 1-imi malittarisassat atuutsinneqalissanngillat akuersissutaateqartup kisermaassisussaataaangitsulli aatsitassat annikitsuinnarnik nalillit piiarniapagit. Taamaassappat piginnaatitsissummik pigisaqartup tamanna uppersarlugu Naalakkersuisunut nalunaarutigissavaa.</p>	<p><b>12.</b> § 38, <i>imm. 2</i>, imatut oqaasertalerneqassaaq:  <i>”Imm. 2.</i> Kisermaassisussaataaananani akuersissut malillugu pisinnaatitsissummik pigisaqartoq ikiorsiiniutinik tigummaaannartakkanik motooreqanngitsunik, soorlu assersuutigalugu kaataq, qussaataq, kaanngartiterut aamma</p>

<p>Piginnaatitsissummik pigisaqartup piianerata aallartinnginnerani imaluunniit ingerlatat iliuusissallu tamakkununga attuumassuteqartut aallartinnginnerini uppernarsaat Naalackersuisunit akuerineqassaaq.</p>	<p>sillaq, atuilluni taamaallaat piianermik suliaqarniarpat, imm. 1-imi maleruagassat atuutissanngillat. Taamaattoqarpat pisinnaatitsissummik pigisaqartoq tamanna pillugu uppernarsaalluni nalunaarummik Naalackersuisunut nassiussissaaq. Uppernarsaalluni nalunaarut, pisinnaatitsissummik pigisaqartup piianermik imaluunniit ingerlatanik iliuitsinillu tassunga atasunik aallartitsinissaa sioqqullugu, Naalackersuisunit akuerineqareersimassaaq.”</p>
	<p><b>13. § 38</b> kingorna ilanngunneqassaaq:  ” <b>§ 38 a.</b> Annikitsumik aatsitassarsiorluni ingerlatat aamma annikitsumik aatsitassarsiornissamut akuersissutit pillugit aalajangersakkanik erseqqinnerusunik atugassarititaasusanillu Naalackersuisut aalajangersaasinnaapput, ilanngullugit pissutsit §§ 32-38-imi taaneqartut, § 33, imm. 1 malillugu annikitsumik aatsitassarsiornissamut akuersissutinik tunniussinermut akiliummik akiliuteqartarnek, aammalu tamanna pillugu qinnuteqaammik nassiussisarnek pillugu kiisalu annikitsumik aatsitassarsiorluni suliaqarnermut aamma annikitsumik aatsitassarsiornissamut akuersissutinut tunngatillugu suliassanik suliarinninnermut aamma allatigut oqartussaasut suliarinninnerannut aningaasartuutinik akiliisarnek pillugu.  <i>Imm. 2.</i> Annikitsumik aatsitassarsiornissamut akuersissut malillugu pisinnaatitsissummik pigisaqartup taassumalu sulisuisa, siunnersortaasa, nioqqutissanik kiffartuussissutinillu pilersuisuisa, taarsigassarsititsisuisa aamma aatsitassanik pisisartuisa ilaalu ilanngullugit akornanni isumaqatigiissutit Naalackersuisunit</p>

	<p>akuersissuteqarfigineqassasut, aammalu Naalackersuisut akuersissuteqarnermut atugassarititaasunik aalajangersaasinnaasut, pillugit aalajangersakkanik atugassarititaasunillu erseqqinnerusunik Naalackersuisut aalajangersaasinnaapput.”</p>
<p><b>§ 45.</b> Inuk Kalaallit Nunaanni aalajangersimasumik najugalik tamakkiisumillu akileraartussaataasoq (najugaqavissoq) akuersissummik tamatumunnga pisariaqartitsinngitsumik inuussutissarsiummut atugassaangitsumik aatsitassanik kaanngarsimasunik katersuisinnaavoq, taamaattorli §§ 45 c aamma 45 d takukkit.</p> <p><i>Imm. 2.</i> Imm. 1 naapertorlugu aatsitassat katersorneqarsimasut nioqqutiginnissaat imaluunniit nioqqutiginnissaat siunertaralugu suliarineqarnissaat kissaatigineqarpata aatsitassanik katersuivigisamut kapitali 8-mi maleruagassat naapertorlugit aatsitassanik atuinnissamut annikitsunut akuersissummik qinnuteqartoqarsinnaavoq.</p> <p><i>Imm. 3.</i> § 16 naapertorlugu aatsitassarsiornermut imaluunniit aatsitassanik atuinnermut kisermaassisinnaatitaaffeqarluni akuersissummumut, imaluunniit § 33 naapertorlugu aatsitassarsiornermut imaluunniit aatsitassanik atuinnermut kisermaassisinnaatitaaffeqarluni annikitsunut akuersissummumut atasuuppat immikkoortumut imm. 2-mi pineqartumut annikitsunut akuersissummik nalunaaruteqartoqarsinnaanngilaq.</p> <p><i>Imm. 4.</i> Taamaattorli kisermaassissussaataitanermut akuersissut naapertorlugu pisinnaatitaaffeqartumit allakkatigut akuersissut tamatumunnga nalunaarutigineqarsimappat, aammalu tamatuminnaga qinnuteqarluni akuersissutip</p>	<p><b>14.</b> § 45 imatut oqaasertalerneqassaaq: ” <b>§ 45.</b> Inuk Kalaallit Nunaanni aalajangersimasumik najugaqartoq aammalu tamakkiisumik akileraartussaataasoq, tamatumunnga akuersissummik piunasaqaateqarfiunngitsumik inuussutissarsiuutiginnagu aatsitassanik kaanngaqqallutik nunamiittunik katersisinnaavoq, taamaattoq takukkit §§ 45 b-45 d.</p> <p><i>Imm. 2.</i> Nunaqavissoq imm. 1 malillugu aatsitassanik katersorneqartunik tuniniaappat, aatsitassanik taamaattunik suliareqqiippat taakkualu tunillugit, imaluunniit aatsitassanik taamaattunik tuniniaanissaq imaluunniit suliareqqiinnissaq tuniniaanissarluni siunertaralugit Kalaallit Nunaanniit annissippat, aatsitassanik katersineq inuussutissarsiuutigineqarsimassaaq aammalu § 45 a-imi pineqartunut ilaassalluni. Assinganik atuuppoq, ukiumut aatsitassat ataatsimut katillugit nalingat 100.000 koruuninit annertuneruppat.</p> <p><i>Imm. 3.</i> Nunaqavissoq tamatumunnga avammumut niuerutiginninnissamut akuersissummik peqarani aatsitassanik nammineq inuttut atugassaminik inuussutissarsiuutiginnagu Kalaallit Nunaanniit annissisinnaavoq, taamaattoq takukkit §§ 45 c aamma 45 d. Nunaqavissoq tamatumunnga avammumut niuerutiginninnissamut akuersissummik peqarani, aatsitassat ukiumut ataatsimut katillugu nalingat 25.000 koruuninit annertunerusimangippat, aamma</p>

<p>Naalakkersuisunut tunniunneqarneratigut uppersarsarneqarsinnaappat imm. 2-mi pineqartumut annikitsunut akuersissut nalunaarutigineqarsinnaavoq.</p>	<p>inuit allat nammineq inuttut atugassaannik aammalu inuussutissarsiutigiginagu atugassanik aatsitassanik Kalaallit Nunaanniit annissisinnaavoq, taamaattoq takukkit §§ 45 c aamma 45 d.</p> <p><i>Imm. 4.</i> Nunaqavissoq tamatumunnga avammut niuerutiginnissamut akuersissummik tunineqarsimaguni aatsaat nunaqavissoq aatsitassanik inuussutissarsiutigalugu Kalaallit Nunaanniit annisseqqusaavoq. Aatsitassat imm. 3-imi pineqartunut ilaanngitsut inuussutissarsiutigiginagu Kalaallit Nunaannit anninneqartarnerannut tamanna aamma atuuppoq.</p> <p><i>Imm. 5.</i> Pissutsit imm. 1-4-imi taaneqartut pillugit aalajangersakkanik erseqqinnerusunik Naalakkersuisut aalajangersaasinnaapput.”</p>
<p><b>§ 45 a.</b> § 45, imm. 1 naapertorlugu najugaqavissoq tassunga akuersissummik piunasaqaateqanngitsumik ukiumut 100.000 kr.-t sinnernagit aatsitassat tamakkiisumik nalingat annertunerunngippat aatsitassanik kaanngarnikunik aamma aatsitassanik piiaanermik inuussutissarsiutigalugu katersuisinnaavoq, taamaattorli §§ 45 c aamma 45 d takukkit. Piiaaneq taamaallaat assassorluni sakkut atortut atorlugit annikinnerusunik, mekaniskiunngitsunik, assersuutigalugit kaattatut, qussaataatut, kuuppiitut ikuttaatitullu ittunik sakkoqarluni pisinnaavoq.</p>	<p><b>15.</b> § 45 a, imm. 1-imi, <i>uniffimmi siullermi</i>, ”§§ 45 c aamma 45 d” allanngortinneqarpoq imaalillugu”§§ 45 b-45 d”.</p>
<p><b>§ 45 a.</b> § 45, imm. 1 naapertorlugu najugaqavissoq tassunga akuersissummik piunasaqaateqanngitsumik ukiumut 100.000 kr.-t sinnernagit aatsitassat tamakkiisumik nalingat annertunerunngippat aatsitassanik kaanngarnikunik aamma aatsitassanik piiaanermik inuussutissarsiutigalugu katersuisinnaavoq, taamaattorli §§ 45 c aamma 45 d takukkit. Piiaaneq taamaallaat</p>	<p><b>16.</b> § 45 a, imm. 1, <i>uniffiit aappaanni</i>, ”annikinnerusunik” atorunnaarpoq.</p>



<p>assassorluni sakkut atortut atorlugit annikinnerusunik, mekaniskiunngitsunik, assersuutigalugit kaattatut, qussaataatut, kuupiiitut ikuttaatitullu ittunik sakkoqarluni pisinnaavoq.</p>	
	<p><b>17. § 45 a-mi imm. 5</b> kingorna immikkoortutut nutaatut ilanngunneqarpoq: ” <i>Imm. 6.</i> Nunaqavissoq, ukiumut 100.000 koruuninit annertunerusunik ataatsimut katillugu naleqartunik aatsitassanik katersinissamik imaluunniit pīaanissamik kissaateqartoq, takuuk imm. 2, sumiiffimmut nunaqavissup aatsitassanik katersivissatut imaluunniit pīaavissatut kissaatigisaanut kapitali 8-imi maleruagassat malillugit aatsitassanik pīaanissamut annikitsumik aatsitassarsiornissamut akuersissummik qinnuteqarsinnaavoq. Nunaqavissoq annikitsumik aatsitassarsiornissamut akuersissummik taamaattumik qinnuteqanngippat imaluunniit tunineqanngippat, imm. 1-5 atuutissapput.”</p> <p><i>Imm. 6</i> tamatuma kingorna <i>imm. 7-inngorpoq.</i></p>
<p><i>Imm. 6.</i> Inatsisartut inatsisaata matuma atuutilernerata kingornatigut ukiumi 1. januaarimi atuutsilertutut imm. 1-imi aamma 2-mi aki 100.000 kr.-usoq Kalaallit Nunaanni atuisartunut akigititat allattorsimaffianni allannguutaasunut naapertuutsillugu ukiumoortumik iluarsineqartassaaq.</p>	<p><b>18. § 45 a, imm. 6</b> tamatuma kingorna imm. 7-inngortoq, imatut oqaasertalerneqassaaq: ” <i>Imm. 7</i> Inatsisartut inatsisaata matuma atuutilernerata kingorna 1. januar aallarnerfigalugu atuutilersumik imm. 1-imi, 2-imi aamma 6-imi aningaasartat 100.000 koruuniusut, Kalaallit Nunaanni atuinermut akigititanut naleqqersuutini allannguutinut naapertuuttumik iluarsineqassapput”</p>
<p><b>§ 45 b.</b> §§ 45-45 a naapertorlugit § 16 naapertorlugu immikkoortortami aatsitassarsiornermut imaluunniit aatsitassanik atuinermut kisermaassisinnaatitaaffeqarluni akuersissummut ilaasumi, imaluunniit § 33</p>	<p><b>19. § 45 b</b> imatut oqaasertalerneqassaaq: ” <b>§ 45 b.</b> § 45 malillugu katersineq sumiiffimmi § 16 malillugu aatsitassarsiorniluni misissuinissamut kisermaassisusaaatitaalluni akuersissummi nalinginnaasumi imaluunniit § 33 malillugu</p>

<p>naapertorlugu aatsitassarsiornermut imaluunniit aatsitassanik atuinermut kisermaassisinnaatitaaffeqlarluni annikitsunut akuersissummut ilaasumut katersuisoqarsinnaananiluunniit piiasoqaqqusaanngilaq.</p> <p><i>Imm. 2.</i> Taamaattorli immikkoortortami taama ittumi katersuisinnaasoqarlunilu piiasoqarsinnaavoq tamatumunnga akuersissutaasoq naapertorlugu pisinnaatitaaffeqlartumit allakkatigut akuersissummik nalunaaruteqartoqarsimappat, tamannalu pillugu tamatuminnga qinnuteqartoqarneratigut akuersissutip Naalakkersuisunut tunniunneqarneratigut uppersarsarnejarsinnaappat.</p>	<p>aatsitassarsiorluni misissuinissamut kisermaassisussaatitaalluni annikitsumik aatsitassarsiorlunissamut akuersissummi pineqartunut ilaasumi ingerlanneqarsinnaavoq.</p> <p><i>Imm. 2.</i> § 45 malillugu katersineq sumiiffimmi § 16 malillugu aatsitassanik piiaanissamut kisermaassisussaatitaalluni akuersissummi nalinginnaasumi imaluunniit § 33 malillugu aatsitassanik piiaanissamut kisermaassisussaatitaalluni annikitsumik aatsitassarsiorlunissamut akuersissummi pineqartunut ilaasumi, ingerlateqqusaanngilaq, taamaattoq takuuk imm. 4.</p> <p><i>Imm. 3.</i> § 45 a malillugu katersineq piiaanerlu sumiiffimmi § 16 malillugu aatsitassarsiorluni misissuinissamut imaluunniit aatsitassanik piiaanissamut kisermaassisussaatitaalluni akuersissummi nalinginnaasumi imaluunniit § 33 malillugu aatsitassarsiorluni misissuinissamut imaluunniit aatsitassanik piiaanissamut kisermaassisussaatitaalluni annikitsumik aatsitassarsiorlunissamut akuersissummi pineqartunut ilaasumi, ingerlateqqusaanngilaq, taamaattoq takuuk imm. 5.</p> <p><i>Imm. 4.</i> Kisermaassisussaatitaanermut akuersissut malillugu pisinnaatitsissummik pigisaqartoq tamatumunnga allaganngorlugu akuersisimappat, § 45 malillugu katersineq imm. 2-imi oqaatigineqartutut kisermaassisussaatitaanermut akuersissut malillugu sumiiffimmi akuersissuteqarfiusumi ingerlanneqarsinnaavoq.</p> <p><i>Imm. 5.</i> Kisermaassisussaatitaanermut akuersissut malillugu pisinnaatitsissummik pigisaqartoq tamatumunnga allaganngorlugu akuersisimappat, § 45 a malillugu katersineq</p>
---	---

	<p>imm. 3-imi oqaatigineqartut kisermaassisussaatitaanermut akuersissut malillugu sumiiffimmi akuersissuteqarfiusumi ingerlanneqarsinnaavoq.</p> <p><i>Imm. 6.</i> Imm. 4 aamma 5 malillugit allaganngorlugu akuersineq, tamanna pillugu Naalackersuisut piumasarippassuk, akuersinermut uppersarsaatip Naalackersuisunut tunniunneratigut, Naalackersuisunut uppersarsarneqassaaq.</p> <p><i>Imm. 7.</i> Kisermaassisussaatitaanermut akuersissut malillugu pisinnaatitsissummik pigisaqartup, tamanna pillugu akuersinermik tiguisumut nalunaaruteqarnermigut, imm. 4 aamma 5 malillugit akuersineq utertissinnaavaa. Utertitsinerup kingorna §§ 45 aamma 45 a malillugit katersineq aamma piiaaneq sumiiffimmi kisermaassisussaatitaanermut akuersissummi pineqartunut ilaasumi ingerlanneqaqqusaanngilaq.</p> <p><i>Imm. 8.</i> Imm. 4 aamma 5 malillugit akuersinermik tiguisoq, akuersinerup utertinneqarnera imaluunniit tamatuma malitsigisaanik annaasaqarneq tunngavigalugu, kisermaassisussaatitaanermut akuersissut malillugu pisinnaatitsissummik pigisaqartumut imaluunniit Naalackersuisunut taarsiinissamik piumasaqaateqarsinnaanngilaq imaluunniit allanik piumasaqaateqarsinnaanani.”</p>
<p><b>§ 45 c.</b> §§ 45-45 a naapertorlugit aatsitassanik katersugaqarsinnaanermut piiaasinnaanermullu ilaanngillat diamantit, safirit, rubinik, smaragdit, chrysoberylit, opali aamma aatsitassat radioaktivusut.</p> <p><i>Imm. 2.</i> §§ 45-45 a naapertorlugit katersisinnaatitaanermit imm. 1-imi</p>	<p><b>20.</b> § 45 c imatut oqaasertalerneqassaaq: ” § 45 c. §§ 45 aamma 45 a malillugit aatsitassanik katersinissamut piiaanissamullu aamma aatsitassanik Kalaallit Nunaannit annissinissamut periarfissaqarnermi, aatsitassat qinngornernik ulorianartunik akullit pineqartunut ilaanngillat.</p>

<p>taaneqartunut naleqqiullugit aatsitassat allat ilaatinneqannginnerat pillugit Naalakkersuisut aalajangersakkanik aalajangiisinnaapput.</p>	<p><i>Imm. 2.</i> §§ 45 aamma 45 a malillugit aatsitassanik katersinissamut, piiaanissamut aamma aatsitassanik Kalaallit Nunaannit annissinissamut periarfissaqarnermi aatsitassat aalajangersimasut ilaatinneqanngitsut, pillugit aalajangersakkanik erseqqinnerusunik Naalakkersuisut aalajangersaasinnaapput.</p> <p><i>Imm. 3.</i> Naalakkersuisut §§ 45 imaluunniit 45 a naapertorlugit aatsitassat katersorneqarsimasut piiarneqarsimasulluunniit Kalaallit Nunaanniit avammut nioqqutigineqarsinnaaneri pillugit aalajangersaasinnaapput, nunanut allanut nioqquteqarsinnaanermik Naalakkersuisut akuersissuteqarsimappata.</p> <p><i>Imm. 4</i> Naalakkersuisut aatsitassat aalajangersimasut nioqqutigineqannginnissaannik peqqussutiliorsinnaapput, aatsitassat pineqartut naleqassusiat naatsorsorneqarsimanngippat.”</p>
<p><b>§ 45 e.</b> § 33 naapertorlugu inuk annikitsunut akuersissummik nalunaaruteqarfiusimasoq Naalakkersuisunit akuersissuteqareernerup kingorna Kalaallit Nunaata sarngata takutinniarnissaa siunertaralugu najugaqavissunut aamma takornarianut siulersugaqarluni angalaartitsinernik aaqqissuussaqsarinnaavoq.</p> <p><i>Imm. 2.</i> Imm. 1-imi pineqartutut ingerlatat pillugit Naalakkersuisut erseqqinnerusunik aalajangersakkanik aalajangersaasinnaapput.</p>	<p><b>21.</b> § 45 e imatut oqaasertalerneqassaaq: ” § 45 e. Inuk nunaqavissuunngitsoq, takuuk § 45, imm. 1, aatsitassanik katerseqqusaanngilaq imaluunniit piiaaqusaanngilaq, taamaattoq takuuk § 33, imm. 6.</p> <p><i>Imm. 2.</i> Inuk nunaqavissuunngitsoq, aatsaat inuk tamatumunnga avammut annissinissamut akuersissummik tunineqarsimappat, aatsitassanik avammut annisseqqusaavoq, taamaattoq takukkit imm. 3.</p> <p><i>Imm. 3.</i> Inuk nunaqavissuunngitsoq, aatsitassat nunaqavissumit</p>

	<p>pisiarineqarsimappata, aammalu pisineq uppersarsarneqarsinnaappat, tamatumunnga avammut niuerutiginninnissamut akuersissummik peqarani aatsitassanik inuussutissarsiutigiginagu Kalaallit Nunaannit annissisinnaavoq.</p> <p><i>Imm. 4.</i> Imm. 2 aamma 3 malillugit Kalaallit Nunaanniit annissinissamut periarfissaqarnermi aatsitassat qinngornernik ulorianartunik akullit ilaatinneqanngillat.</p> <p><i>Imm. 5.</i> Naalackersuisut aalajangersaasinnaapput avammut nioqquteqarsinnaanermi imm. 2 aamma 3 naapertorlugit aatsitassanut aalajangersimasunut atuutinngitsunut.”</p>
<p><b>§ 45 f.</b> Avammut annissaqarnissamik siunertaqarlutik najugaqavissuunngitsut aamma takornariat aatsitassanik katersueqqusaanngillat.</p>	<p><b>22.</b> § 45 f atorunnaarsinneqarpoq.</p>
<p><i>Imm.3.</i> Piginnaatitsissummik pigisaqartut allallu inatsisartut inatsisaanni matumani pineqartut, paasissutissanik tamanik nalunaarutiginnittassapput, oqartussatut suliarinninnermi inatsisartut inatsisaanni ilaasuni ingerlataminnik imaluunniit suliarninnik isumaginninnissaannut pisariaqartinneqartunik. Naalackersuisut inatsisartut inatsisaanni matumani pineqartuni oqartussatut suliarinninnermik isumaginninniarlutik piginnaatitsissutunik pigisaqartut allallu peqqusinnaavaat paasissutissanik Naalackersuisut pisariaqartinneqartutut isumaqarfigisaannik ilusilersorlugit nassiusseqqullugit. Pisinnaatitaaffeqartup taassuma suliffeqarfiutilittaasa, sullissinermik suliaqartuutitaasa, pilersuisuisa il.il.</p>	<p><b>23.</b> § 86, imm. 3, uniffiit pingajuat, atorunnaarsinneqarpoq.</p>

<p>akileraartarnermut tunngasunik pissutsinut tunngasunik paasissutissiisarnissaannik allagaatinillu tunniussisarnissaasa, aammalu Kalaallit Nunaanni qaqugumulluunniit atuuttut maleruagassanut naapertuuttunik akileraarutininik akiliisarnissaasa isumannaarinissaa pillugu Naalackersuisut piunasaqaatinik aalajangersaasinnaapput imaluunniit aalajangiussaqaarsinnaapput.”</p>	
	<p><b>24.</b> § 86 kingorna ilanngunneqassaaq:  ” § 86 a. Pisinnaatitsissummik pigisaqartup taassumalu entreprenøriisa, pilersuisuisa aamma kiffartuussisuisa ilaalu ilanngullugit akileraartarnermut tunngasut pillugit paasissutissanik uppersaatinillu tunniussisarnissaasa aammalu Kalaallit Nunaanni maleruagassanut sukkulluunniit atuuttunut naapertuuttumik akileraarutininik akiliisarnissaasa qulakkeerneqarnissaa siunertaralugu, Naalackersuisut aalajangersakkanik aalajangersaasinnaapput.  <i>Imm. 2.</i> Pisinnaatitsissummik pigisaqartup, taassuma entreprenøriisa, pilersuisuisa aamma kiffartuussisuisa ilaalu ilanngullugit akileraartarnermut tunngasut pillugit paasissutissanik uppersaatinillu tunniussisarnissaat aammalu Kalaallit Nunaanni maleruagassanut sukkulluunniit atuuttunut naapertuuttumik akileraarutininik akiliisarnissaat, qulakkiissagaa, pillugu aalajangersakkanik Naalackersuisut imm. 1 malillugu aalajangersaasinnaapput.  <i>Imm. 3.</i> Pisinnaatitsissummik pigisaqartup taassumalu entreprenøriisa, pilersuisuisa aamma kiffartuussisuisa ilaalu ilanngullugit akileraartarnermut tunngasut pillugit paasissutissanik uppersaatinillu tunniussinissaasa aammalu Kalaallit Nunaanni maleruagassanut sukkulluunniit atuuttunut naapertuuttumik akileraarutininik akiliinissaasa tungaanut,</p>

	<p>pisinnaatitsissummik pigisaqartoq akuersissut malillugu ingerlatanik suliaqarunnaassasoq, pillugu aalajangersakkanik Naalackersuisut imm. 1 malillugu aamma aalajangersaasinnaapput.</p> <p><i>Imm. 4. Aalajangersakkat imm. 1-3-imi taaneqartut nalunaarutini, akuersissutini, akuersissuteqarnerni aalajangiinernilu ilaalu ilanngullugit, aalajangersarneqarsinnaapput.”</i></p>
<p><b>§ 95.</b> Inatsisartut inatsisaat manna malillugu oqartussatut suliaassat pisortani oqartussanit allanit imaluunniit suleqatigisanit namminersortunit erseqqinnerusumik nalunaareernerisigut isumagitinnissaannut Naalackersuisut aalajangiisinnaapput, takuulli § 3, imm. 1 aamma 2. Oqartussat allanik aalajangiisimanngippata, pisortani oqartussat imaluunniit suleqatigisat namminersortut taakkulu sulisui pisinnaatinneqartut, suliaassamik pineqartumik isumaginninnerminni Naalackersuisut taakkulu sulisuisut taamaalillutik assinginik pisinnaatitaaffeqassapput.</p>	<p><b>25.</b> § 95-imi”§ 3, imm. 1 aamma 2” allanngortinneqarpoq imaalerlugu ”§ 3, imm. 1”.</p>
	<p style="text-align: center;"><b>§ 2</b></p> <p>Inatsisartut inatsisaat ulloq 1. januar 2017 atuutilerpoq.</p> <p><i>Imm. 2. Aatsitassarsiorluni misissueqqaarnissamut, misissuinissamut imaluunniit paaanissamut akuersissutit, Inatsisartut inatsisaata atuutilernerani tunniunneqareersimasut, atuutiinnassapput. Inatsisartut inatsisaat aamma akuersissutitut taamaattunut, akuersissutit taamaattut malillugit pisinnaatitsissummik pigisaqartunut kiisalu ingerlatanut Inatsisartut inatsisaata atuutilernerani aatsitassanut ikummatissanullu inatsimmi pineqartunut ilaasunut, atuuppoq. Tamatuma saniatigut</i></p>

	<p>Inatsisartut inatsisaat ingerlatanut, ilanngullugit aatsitassanik katersineq, piiaaneq aamma atuineq, aatsitassanut ikummatissanullu inatsimmi pineqartunut ilaasunut aammalu Inatsisartut inatsisaata atuutilernissaa sioqqullugu ingerlanneqartunut, aammalu aatsitassanut ingerlatani taamaattumi katersorneqartunut, piiarneqartunut imaluunniit atorneqartunut, atuuppoq. Inatsisartut inatsisaat aamma pissutsit aatsitassanut ikummatissanullu inatsimmi pineqartunut ilaasut pillugit aalajangiinernut, Inatsisartut inatsisaata atuutilernissaa sioqqullugu aalajangiiffigineqartunut, atuuppoq, taamaattorli piffissamut killissaliussaq § 3 d imm. 1-imi taaneqartoq, inatsisartut inatsisaata atuutilerneraniit naatsorsorneqassalluni.</p>
--	--

**3. Pisortanut aningaasaqarnikkut allaffissornikkullu sunniutaasussat**

Siunnersuut pisortanut aningaasaqarnikkut imaluunniit allaffissornikkut annertuunik sunniuteqassagatinneqanngilaq.

**4. Inuussutissarsiortunut aningaasaqarnikkut allaffissornikkullu sunniutaasussat**

Siunnersuut inuussutissarsiortunut annertuunik aningaasaqarnikkut sunniuteqassasoq naatsorsuutigineqanngilaq.

**5. Avatangiisinut, pinngortitamut inuillu peqqissusaannut sunniutaasussat**

Siunnersuut avatangiisinut, pinngortitamut imaluunniit inuit peqqissusaannut tunngatillugu pissutsit pillugit najoqqutassatigut maleruagassanik imaqanngilaq. Inatsisartut inatsisaanni avatangiisinut aamma pinngortitamik illersuinissamut piumasaqaatit qaffasissut allannguuteqartinnagit atuutsiinnarneqarput.

**6. Innuttaasunut sunniutaasussat**

Siunnersuut innuttaasunut aningaasaqarnikkut sunniuteqassasoq naatsorsuutigineqanngilaq.

Aalajangiinerup eqqartuussivinnut suliakkiunneqarnissaanut ukioq ataatsimik ilaqqillugu, killissaliineq siunnersuummi aalajangersarneqarpoq. Innuttaasut pissutsinik Inatsisartut Ombudsmandianut naammagittaalliuutiginnissinnaanerit siunnersuummi



akornuserneqanngilaq.

## **7. Sunniutaasussat annertuut allat**

Siunnersuut annertuunik sunniuteqassasoq naliliisoqanngilaq.

## **8. Oqartussaasunut kattuffinnullu ilaalu ilanngullugit tusarniaaneq**

Siunnersuut piffissami 2016-imi maajip 13-aniit 2016-imi juunip 17-ianut makkununga tusarniaassutigineqarpoq:

Namminersorlutik Oqartussani Naalackersuisoqarfinnut tamaginnut, Aatsitassanik Suliassaqaarfinnut Avatangiisinut Aqutsisoqarfinnut, KANUKOKA, Kommuneqaarfik Sermersooq, ICC Kalaallit Nunaat, WWF Verdensnaturfonden, Avataq, Tranparency International Greenland, GOIA, Sulisitsisut, NUSUKA, S. I. K., NUNAOIL A/S, Asiaq, Nunatsinni Advokatit, DCE Nationalt Center for Miljø og Energi, GEUS, Kalaallit Nunaanni Eqqartuussiviit, Inatsisartut Ombudsmandiat, Kalaallit Nunaanni Rigsombudsmandi kiisalu annikitsumik aatsitassarsiornissamut pisinnaatitsissummik pigisaqartunut tamaginnut. Siunnersuut tamatuma saniatigut Namminersorlutik Oqartussat tusarniaanermut nittartagaanni tamanut ammasumik tusarniaassutigineqarpoq.

Makkuninnga tusarniaanermut akissuteqaat tiguneqarpoq:

Naalackersuisut Siulittaasuata Naalackersuisoqarfia, Aningaasaqarnermut Naalackersuisoqarfik, Ilaqutariinnermut, Naligiissitaanermut, Isumaginninnermut Inatsisinillu Atuutsitsinermit Naalackersuisoqarfik, Aatsitassanik Suliassaqaarfinnut Avatangiisinut Aqutsisoqarfik, Pinngortitamut, Avatangiisinut Nukissiuuteqarnermullu Naalackersuisoqarfik, Nuummi Ujaqerituut Peqatigiiffiat – Kalaallit Nunaat, Knud Seblon, Alfred ER Jakobsen, KANUKOKA, Kommunerqaarfik Sermersooq, S. I. K., Sulisitsisut, True North Gems Greenland A/S, Greenland Minerals and Energy Ltd, Hudson Resources Inc., Nunatsinni Advokaatit, WWF verdensnaturfonden, Transparency International Greenland aamma ICC Kalaallit Nunaat.

Tulliuttuni tusarniaanermut akissuteqaatit aammalu allannguutissatut siunnersuutit, tusarniaanerup nalaani tiguneqartut, sammineqarput. Oqaatigineqassaaq tusarniaanermut akissuteqaatit, uingasumik allassimasut, pingaaruteqarnerinik nalilersuineq tunngavigalugu pingaarnerinnartigut issuarneqarmata.

*Inatsisartut Ombudsmandiata nalunaarutigaa tusarniaanermut akissuteqaateqartarani, kisianni taamaattoq Namminersorlutik Oqartussani kiisalu Aatsitassanut suliassaqaarfimmi oqartussaasup aaqqissugaanerani inatsisinik atortitsisut nalinginnaasumik aaqqissuussaananeranut tunngatillugu, ilanngullugu allagaatinik takunnissinnaanermit maleruagassat atorneqarnerat, allakkamini 1. december 2014-imeersuni oqaaseqaatini*

*innersuussutigalugu.*

Inatsisartut Ombudsmandiata innersuussutaa siunnersuutip ilaanut, siunnersuummi Inatsisartunut saqqummiunneqartumi peerneqartumut, tunngassuteqarpoq.

*Ilaqutariinnermut, Naligiissitaanermut, Isumaginninnermut Inatsisinillu Atuutsitsinnermut Naalackersuisoqarfik siunnersuummut oqaaseqaatissaqarsimanngilaq.*

*Aningaasaqarnermut Naalackersuisoqarfik siunnersuummut imarisaanut oqaaseqaatissaqarsimanngilaq, kisianni nassuiaatini nalinginnaasumi immikkoortoq 2.2-imi immikkoortumi oqaaseqatigiit annikitsumik aatsitassarsiornermut maleruagassani allannguuteqartitsinnermut tunngasut, atuaruminarnerulersinneqarnissaat siunertarlugu allatut oqaasertalerneqassasut siunnersuutigalugu. Aammattaaq Aningaasaqarnermut Naalackersuisoqarfik isumaqarpoq immikkoortoq pineqartoq taanna, immikkoortup pingaaruteqarnera erseqqissarniarlugu, iluaqutaasumik quppernerup siulianut nuunneqarsinnaasoq.*

Immikkoortumi oqaaseqatigiit § 34 b-mut siunnersuutigineqartumut, siunnersuummi Inatsisartunut saqqummiunneqartumi, peerneqartumut tunngassuteqarpoq. Taamaattumik nassuiaatini nalinginnaasuni immikkoortumi oqaaseqatigiit pineqartut siunnersuummi Inatsisartunut saqqummiunneqartumi, taamatuttaaq peerneqarput.

*KANUKOKA Kommune Kujalleq, Qeqqata Kommunia aamma Qaasuitsup Kommunia suleqatigalugit ataatsimoorussamik tusarniaanermut akissuteqaateqarput. Tulliuttuni KANUKOKA kisiat aammalu kommunit pingasut taakkua tamaasa immikkut pinnagit, innersuussutigineqarpoq.*

*KANUKOKA isumaqarpoq allannguutissatut siunnersuut ataatsimut isigalugu naleqqutinngitsoq, taamaattumillu siunnersuutigalugu suleqataasut attuumassuteqartut, ilanngullugit suliffeqarnermi illuatungeriit aamma kommunit, akuutinneqareernerisa kingorna, aatsitassanut ikummatissanullu inatsit tamakkiisuutillugu ataatsimoortumik allanngortinneqassasoq.*

*Kommuneqarfik Sermersooq isumaqarpoq annikitsumik aatsitassarsiornissamut pisinnaatitsissummik pigisaqartut inatsisiliornerup ingerlanerani akuutinneqarnerat neriulluarnartoq, kisianni soqutigisaqartut allat akuutinneqarnerat ujartorlugu.*

*Transparency International Greenland-ip (TIG) siunnersuummi innuttaasut akuutinneqarnerat ujartorpaa.*

*WWF Verdensnaturfonden (WWF) isumaqarpoq inatsimmut allannguuteqartitsinerit*

*ataatsimut isigalugu innuttaasunut nalinginnaasunut inatsisitigut inissisimanermik paasiuminaallisitsisartut, taamaattumik WWF-ip tamatumunnga taarsiullugu, aalajangersakkanut ataasiakkaanut allannguutissanik saqqummiussinani, aatsitassanut ikummatissanullu inatsimmik ataatsimoortumik nutaamik saqqummiussinissaq inassutigalugu.*

Inatsimmut allannguutissanut siunertaarpiarpoq, iluarsisoqarnissai tamaasa inatsimmik nutaarluinnarmik saqqummiussinani, inatsimmi aalajangersakkanik ataasiakkaanik taamaallaat allannguuteqartitsinissaq. Iluarsinerit taamaattut allannguutissatut siunnersuutitut iluseqartut atorneqarsinnaajunnaassappata, kisiannili ataasiakkaanik iluarsisoqarnialereri tamaasa inatsimmik nutaamik ataatsimoortumik saqqummiussisoqartalissappat, tamatuma kingunerisaanik pisariaqangitsumik isumalluutinik atuisoqartalissaaq. Inatsisiliornermik suliaqarnerup ingerlasarnerata taamatut eqarnerulernerata kingunerisaanik, inatsisit nutarterneqartarnerat qaqutigoornerulissaaq, aammalu innuttaasut inatsisitigut inissisimanerup pisoqalisimanera, teknologiikkut periaatsitsigullu ineriartornermik, aatsitassanut suliassaqarfimmi pisunut, malinnaasinnaangitsoq, misigisalissallugu.

Aalajangersimasumik suleqataasut attuumassuteqartut akuutinneqarnerannut tunngatillugu, siunnersuutip annikitsumik aatsitassarsiornermut suliassaqarfimmut tunngassuteqarnera, tusarniaanerup ingerlanerani immikkut pingaartinneqarpoq. Taamaattumik tusarniaanermut najoqqutassat, Namminersorlutik Oqartussat tusarniaanermut nittartagaanni sapaatit akunnerini 5-ini tamanut saqqumitinneqarnerisa saniatigut, toqqaannartumik tusarniaaffiusunut attuumassuteqartunut arlalinnut nassiunneqarput, ilanngullugit annikitsumik aatsitassarsionnissamut akuersissutinik pisinnaatitsissummik pigisaqartunut tamaginnut. Aammattaaq annikitsumik aatsitassarsiornermut peqatigiiffik Nuummi Ujaqqerituut Peqatigiiffiat – Kalaallit Nunaat ataatsimeeqatigineqarpoq, tassani tusarniaanermut najoqqutassat sammineqarlutik aammalu peqatigiiffik itisiliisunik apeqquteqarsinnaalluni.

*TIG aamma Inuit Circumpolar Council Greenland (ICC) tamarmik immikkut tusarniaanermut akissuteqaamminni ilanngussaq ataaseq, avataaneersumit suleqataasumit suliarineqartoq, aammalu siunnersuummut oqaaseqaatinik imaqartoq, innersuussutigaat. Tulliuttunit TIG aamma ICC kisimik innersuussutigineqarput aammalu ilanngussaq immikkoortoq innersuussutigineqarani.*

*TIG aamma ICC isumaqarput, oqartussaasup aaqqissugaanerani allanngortitsisoqassappat, siunnersuut allagaatinik takunnissinnaanermik periarfissaqarnermi killilersuutinik malitseqarsinnaasoq, taamaattumik siunnersuummi tassunga erseqqisumik isummersortoqartariaqaraluarluni.*

*WWF Verdensnaturfonden (WWF) isumaqarpoq oqartussaasut oqartussaasumut ataatsimut*

*kattutsinnissaannut piumasamik periarfissaqalernermi tamat ingerlatsivimmi aqutsineq pillugu paasissutissanik pissarsisinnaanerat killeqalersinneqassasoq. WWF isumaqarpoq tamanna Naalackersuisut naalackersuisooqatigiinnissamut isumaqatigiissutaanni ammasuunissaq akuutitsinerulernissarlu pillugit tunngaviusunut naapertuutinnitsoq.*

Tusarniaanermut akissuteqaatip tassunga tunngasortaa siunnersuutip ilaanut siunnersuummi Inatsisartunut saqqummiunneqartumi peerneqartumut, tunngassuteqarpoq.

*Siunnersuummi oqartussaasup aaqqissugaanerata avatangiisinut suliassa qarfiup aatsitassanut suliassa qarfimmit naalackersuiso qarfimmi suliassa qarfinni avissaartisimajunnaarsillugu, allanngortinneqarsinnaalernissaata, ammaan neqarnissaa, Aatsitassanik Suliassa qarfinni Avatangiisinut Aqutsiso qarfiup, Alfred ER Jakobsen-ip, S. I. K.-p, ICC-p aamma WWF-p assingusumik isumanerluuteqarlutik oqaatigaat. Tamarmik inassutigaa avatangiisinut suliassa qarfiup, avatangiisini atugassarititaasunik aalajangersaasussap nakkutilliisuusussallu, aammalu aatsitassanut suliassa qarfiup nalinginnaasup, ilaatigut akuersissutinik allaffissornikkut aqutsiviusussap avissaartisimaneqarnissaat qulakkeerneqassasoq.*

*Pinngortitamut, Avatangiisinut Nukissiuuteqarnermullu Naalackersuiso qarfiup kiisalu Aatsitassanik Suliassa qarfinni Avatangiisinut Aqutsiso qarfiup siunnersuutip assigiimmik allannguuteqartinneqarnissaa siunnersuutigaat, taamaalilluni aatsitassanut suliassa qarfik aamma avatangiisinut suliassa qarfik Naalackersuisunut ilaasortamit ataatsimit isumagineqartussaassanani. Aammattaaq Pinngortitamut, Avatangiisinut Nukissiuuteqarnermullu Naalackersuiso qarfiup kiisalu Aatsitassanik Suliassa qarfinni Avatangiisinut Aqutsiso qarfiup oqaasertaliinissaq nutaaq assigiimmik siunnersuutigaat, tassani immikkuullarissumik pissutsit suut aatsitassanut tunngasuunersut aamma avatangiisinut tunngasuunersut erseqqissarneqassalluni.*

*TIG aamma ICC ataatsimoorlutik isumaqarpoq aatsitassanut suliassa qarfiup aamma avatangiisinut suliassa qarfiup immikkoortisimaneqarnissaat qulakkeerneqassasoq. Suliassa qarfiit marluk taakkua Naalackersuisunut ilaasortamit ataatsimit isumagineqarsinnaangitsut siunnersuummi allallugu tamanna qulakkeerneqarsinnaasoq TIG-ip aamma ICC-ip siunnersuutigaat.*

Tusarniaanermut akissuteqaatit tassunga tunngasortai siunnersuutip ilaanut siunnersuummi Inatsisartunut saqqummiunneqartumi peerneqartumut, tunngassuteqarput.

*TIG aamma ICC isumaqarput oqartussaasup aaqqissugaanerata allannguuteqartinnessaanik periarfissaqarnermik atuutsitsilernissaq, maannakkut oqartussaasup aaqqissugaanerata naliliivigineqarneranik uppersar neqarsinnaasumik naammattumik tunngavissaqanngitsoq.*

Tusarniaanermut akissuteqaatit tassunga tunngasortai siunnersuutip ilaanut siunnersuummi Inatsisartunut saqqummiunneqartumi peerneqartumut, tunngassuteqarput.

*Aaqqissuussaanerup allannguuteqartinneqarnissaa pillugu inatsisip oqaasertaasa ersarinninnerat, aammalu siunnersuummi siunertaasunut tunngaviusut naammattumik nassuiarneqannginnerat assingusumik isumanerluutigalugu Kommuneqarfik Sermersuup aamma KANUKOKA-p oqaatigaat.*

Tusarniaanermut akissuteqaatit tassunga tunngasortaa siunnersuutip ilaanut siunnersuummi Inatsisartunut saqqummiunneqartumi peerneqartumut, tunngassuteqarpoq.

*TIG aamma ICC isumaqarput aatsitassanut suliassaqarfimmi oqartussaasup aaqqissugaanera maannakkut ersarinnigereersoq, aammalu maannakkut Inatsisartut inatsisaanni oqartussaasup aaqqissugaanera tamakkiisumik atorluarneqanngitsoq.*

Tusarniaanermut akissuteqaatit tassunga tunngasortai siunnersuutip ilaanut siunnersuummi Inatsisartunut saqqummiunneqartumi peerneqartumut, tunngassuteqarput.

*Piffissap taakkua naalackersuisoqarfinni suliassaqarfinnut akisussaasuusunut ilanngutsinneqarsinnaanerisa tungaanut aatsitassanut suliassaqarfimmi aqutsisoqarfiit qanoq inissisimassanersut TIG-p aamma ICC-p ujartorpaa.*

Tusarniaanermut akissuteqaatit tassunga tunngasortai siunnersuutip ilaanut siunnersuummi Inatsisartunut saqqummiunneqartumi peerneqartumut, tunngassuteqarput.

*Pinngortitamut, Avatangiisinut Nukissiuuteqarnermullu Naalackersuisoqarfik isumaqarpoq oqartussaasup suliarinninnera oqartussaasumit suliassaqarfimmi pineqartumi sulianut immikkuullarissumik ilisimasaqarnerpaajusumit ingerlanneqartassasoq, siunnersuummi erseqqissumik allassimasariaqaraluartoq.*

Tusarniaanermut akissuteqaatit tassunga tunngasortaa siunnersuutip ilaanut siunnersuummi Inatsisartunut saqqummiunneqartumi peerneqartumut, tunngassuteqarpoq.

*TIG aamma ICC isumaqarput aqutsisoqarfiit atorunnaarsinneqassappata, aqutsisoqarfik naalackersuisoqarfimmi suliassaqarfinni akisussaaffeqarfiusuni attuumassuteqartuni ilaatinneqalerluni, aqutsisoqarfiup maannamut suliassaasa pingaarnersiuinermi salliutinneqannginnerinik tamanna malitseqassasoq aammalu naalackersuisoqarfinni suliassaqarfiit akisussaaffeqarfiusut allannguuteqartinneqarneranni piginnaasaqartunik sulisussarsiniartarneq sulisorinniinnarniartarnerlu ajornarnerulersinneqassalluni. TIG aamma ICC isumaqarput tamanna pingaartumik avatangiisinut suliassaqarfimmut attuumassuteqassasoq.*

Tusarniaanermut akissuteqaatit tassunga tunngasortai siunnersuutip ilaanut siunnersuummi Inatsisartunut saqqummiunneqartumi peerneqartumut, tunngassuteqarput.

*TIG aamma ICC isumaqarput oqartussaasup aqqissugaanerani allannguuteqartitsisoqassappat, tamanna aatsitassarsiornermit isertitat aamma isertitat Aatsitassanut oqartussaasumi aningaasartuutinik matussutissatut akilerneqartut, aammalu Namminersorneq pillugu inatsimmi § 7, imm. 2, nr. 1 naapertorlugu Namminersorlutik Oqartussanut tutsinneqartussat, immikkoortisimaneqarnissaasa qulakkeernissaanut tunngatillugu, ajornartorsiutitaqassasoq.*

Tusarniaanermut akissuteqaatit tassunga tunngasortai siunnersuutip ilaanut siunnersuummi Inatsisartunut saqqummiunneqartumi peerneqartumut, tunngassuteqarput.

*Sulisitsisut (GE) isumaqarput, Inatsisartut inatsisaat naapertorlugu oqartussaasoq sorleq aalajangiisassanersoq Naalakkersuisut aalajangersinnaappassuk, inatsisitigut isumannaatsuutitsinissaq peerneqassasoq.*

*Hudson Resources Inc.-ip tusarniaanermut akissuteqaamminni Nuna Eqqartuussissuserisunit allakkiaq ilannguppaat. Tulliuttuni Hudson Resources Inc. Innersuussutigineqaannartassaaq aammalu immikkut Nuna Eqqartuussissuserisut innersuussutigineqartassanatik. Allakkiaq aamma tusarniaanermut akissuteqaatip Nunatsinni Advokatit nassiussaata assigingajalluinnarpaa.*

*Hudson Resources Inc. aamma Nunatsinni Advokatit isumaqarput, Naalakkersuisut suliassanik agguaanermut akisussaasuusarnerat nalinginnaasuunngitsoq.*

Tusarniaanermut akissuteqaatit tassunga tunngasortai siunnersuutip ilaanut siunnersuummi Inatsisartunut saqqummiunneqartumi peerneqartumut, tunngassuteqarput.

*KANUKOKA isumaqarpoq aningaasaliisartut aatsitassanut suliassa qarfimmi oqartussaasup aqqissugaanera ersarissumik takusinnaanngippassuk, tamanna nunanit allaneersunik aningaasaliisussarsiniartarnermi siuarsaataassanngitsoq.*

*Hudson Resources Inc. aamma Nunatsinni Advokatit isumaqarput matup ataatsip tunngaviusutut atorneqarnera atorunnaarpat, tamanna atuisumut ajornerulersitsissasoq.*

Tusarniaanermut akissuteqaatit tassunga tunngasortai siunnersuutip ilaanut siunnersuummi Inatsisartunut saqqummiunneqartumi peerneqartumut, tunngassuteqarput.

*Alfred ER Jakobsen isumaqarpoq inuk kinaluunniit sukkulluunniit aatsitassarsiorluni*

*ingerlatat sunilluunniit pillugit naammagittaalliorsinnaasariaqartoq.*

*KANUKOKA isumaqarpoq naammagittaalliorsinnaanerup peerneqarnerani, innuttaasut aatsitassanut suliassaqarfimmi aalajangiinernik sunniisinnaanissamut periarfissaqarnerat ajornerulersinneqassasoq.*

*ICC naammagittaalliorsinnaanerup peerneqarnera sakkortuumik aarlerinartoqartippaat.*

*GE isumaqarpoq, aalajangiinerup nalilersoqqinneqarnissaanik piumasaqarsinnaatitaaneq, naammagittaalliorsinnaanermut naleqqiullugu naammattumik inatsisitigut isumannaatsuutitsinngitsoq.*

*TIG aamma ICC isumaqarput, suliamik nalilersuisitseqittarnerup, naammagittaalliummik suliarinnitsisisinnaanerup ajornerulersinneqarneranut nallersuunneqarsinnaanngitsoq.*

*Hudson Resources Inc. aamma Nunatsinni Advokatit isumaqarput, naammagittaalliorsinnaanerup peerneqarnera inatsisitigut isumannaatsuutitsinermik ajorseriartitsisoq, kiisalu aalajangiinerup nalilersoqqinneqarnissaanik piumasaqarsinnaaneq piviusumik isumaqanngitsoq, tassami Hudson Resources Inc. aamma Nunatsinni Advokatit isumaqarput oqartussaasoq ataaseq nutaamik inerniliilluni aalajangiinissaa piviusorsuunngitsoq.*

Tusarniaanermut akissuteqaatit tassunga tunngasortai siunnersuutip ilaanut siunnersuummi Inatsisartunut saqqummiunneqartumi peerneqartumut, tunngassuteqarput.

*TIG-ip aamma ICC-ip siunnersuutip aamma Suliniutini angisuuni illuliortiternernik sanaartornernillu suliassat pillugit Inatsisartut inatsisaat nr. 25, 18. december 2012-imeersumi (suliniutinut angisuunut inatsit) naammagittaalliortarnermut aalajangersakkat imminnut ataqatigiinnerat ujartorpaat.*

Tusarniaanermut akissuteqaatit tassunga tunngasortai siunnersuutip ilaanut siunnersuummi Inatsisartunut saqqummiunneqartumi peerneqartumut, tunngassuteqarput.

*TIG-ip aamma ICC-ip suliap nalilersoqqinneqarnissaanik piumasaqaateqartarneq pillugu siunnersuummi § 1, nr. 1-imi (§ 3 a) oqaatsit atorineqartut allanngortinneqassasut siunnersuutigaat.*

Tusarniaanermut akissuteqaatit tassunga tunngasortai siunnersuutip ilaanut siunnersuummi Inatsisartunut saqqummiunneqartumi peerneqartumut, tunngassuteqarput.

*WWF-ip siunnersuutigaa, naammagittaalliortarfimmik arlaannaannulluunniit*

*attuumassuteqanngitsumik pilersitsisoqassasoq.*

*TIG aamma ICC isumaqarput, Naalakkersuisunit allaanerusumik  
naammagittaalliortarfimmik qulliunerusumik atuutsitsilersoqassappat, tamanna  
oqartussaasaqatigiinnermut aamma nunami inatsisitigut tunngaviusunut akerliussanngitsoq.*

Tusarniaanermut akissuteqaatit tassunga tunngasortai siunnersuutip ilaanut siunnersuummi  
Inatsisartunut saqqummiunneqartumi peerneqartumut, tunngassuteqarput.

*Aalajangiinerit Naalakkersuisunit ataatsimoortunit aalajangiiffigineqartut, suliap  
nalilersoqqinneqarnissaa piumasaralugu Naalakkersuisunut suliakkiunneqarsinnaanerit,  
TIG-ip aamma aamma ICC-ip ujartorpaat.*

Tusarniaanermut akissuteqaatip tassunga tunngasortaa inatsimmi aalajangigaasumik suliamik  
nalilersuisitseqqittarneq pillugu aalajangersakkamut, siunnersuummi Inatsisartunut  
saqqummiunneqartumi peerneqartumut, tunngassuteqarpoq. Taamaattoq ataatsimut isigalugu  
pisortat ingerlatsineranni inatsisini tunngaviusut nalinginnaasut malillugit inatsimmi  
aalajangigaanngitsut tunngavigalugit suliamik nalilersuisitseqqinnissamut periarfissaqassaaq.

*Naalakkersuisut Siulittaasuata Naalakkersuisoqarfia isumaqarpoq siunnersuummi  
aalajangiinerup nalilersorteqqinnissaanik periarfissaqarneq pillugu inuit nassuiarneqartut,  
aalajangersakkamut immikkoortumut, inunnut inatsimmi aalajangigaanngitsumik suliamik  
nalilersuisitseqqinnissamik periarfissaqareersunut tunngasumut,  
immikkoortinneqartariaqaraluartoq.*

Tusarniaanermut akissuteqaatiip tassunga tunngasortaa siunnersuutip ilaanut siunnersuummi  
Inatsisartunut saqqummiunneqartumi peerneqartumut, tunngassuteqarpoq.

*ICC isumaqarpoq, peqatigiiffiit nunanit allaneersut aatsitassanut suliassaqarfimmi  
sunniuteqarsinnaanissaat siunnersuummi periarfissaarutsinneqartoq. Aammattaaq ICC  
isumaqarpoq, Kalaallit Nunaanni NGO-it amerlanertigut killilimmik aningaasaateqartartut.  
TIG aamma ICC isumaqarput, siunnersuummi peqatigiiffiit kattuffiillu nunanit allaneersut  
killissalersorneqarnerat piviusorsiunngitsoq. Aammattaaq siunnersuutigineqarpoq,  
najukkami aamma nuna tamakkerlugu peqatigiiffiit ilaaterlugit, aalajangersagaq  
allanngortinneqassasoq, aammalu nalilersuinermi nunami sumiiffinni pissutsit saniatigut  
pissusiviusut pingartinneqartassasut.*

Tusarniaanermut akissuteqaatip tassunga tunngasortaa inatsimmi aalajangigaasumik suliamik  
nalilersuisitseqqittarneq pillugu aalajangersakkamut, siunnersuummi Inatsisartunut  
saqqummiunneqartumi peerneqartumut, tunngassuteqarpoq.



*WWF isumaqarpoq, suliap nalilersoqqinneqarnissaanut piumasaqarnissamik periarfissaqarneq pillugu siunnersuummi inuit pineqartut, WWF aamma kattuffiit allat mattunneqartussanngorlugit, oqaasertalerniarneqartut.*

Tusarniaanermut akissuteqaatip tassunga tunngasortaa inatsimmi aalajangigaasumik suliamik nalilersuisitseqqittarneq pillugu aalajangersakkamut, siunnersuummi Inatsisartunut saqqummiunneqartumi peerneqartumut, tunngassuteqarpoq.

*Nuummi Ujaqkerituut Peqatigiiffiata – Kalaallit Nunaat (NUP), siunnersuut ataatsimut isigalugu naammagisimaarlugu oqaatigaa, kisianni siunnersuummut ataasiakkaanik oqaaseqaateqarluni.*

*Peqatigiiffiit malittarisassatik malillugit annikitsumik aatsitassarsiornissamut akuersissutit pillugit soqutigisanik pingaaruteqartunik isumaginninnissamik siunertaqartut, sulianik nalilersueqqittarneq pillugu siunnersuummi aalajangersakkami inuit pineqartunut ilaasunut, ilaatinneqalissasut NUP-p innersuussutigaa.*

Tusarniaanermut akissuteqaatip tassunga tunngasortaa inatsimmi aalajangigaasumik suliamik nalilersuisitseqqittarneq pillugu aalajangersakkamut, siunnersuummi Inatsisartunut saqqummiunneqartumi peerneqartumut, tunngassuteqarpoq.

*Suliamik nalilersueqqinnissamik piumasaqaateqarnermi ombudsmandip nakkutiginninnissaanik periarfissaqarnerup kinguartinneqartarnissaa naleqqunnersoq KANUKOKA-p apeqquuserpaa.*

Tusarniaanermut akissuteqaatip tassunga tunngasortaa inatsimmi aalajangigaasumik suliamik nalilersuisitseqqittarneq pillugu aalajangersakkamut, siunnersuummi Inatsisartunut saqqummiunneqartumi peerneqartumut, tunngassuteqarpoq.

*TIG aamma ICC isumaqarput, sulianik nalilersuisitseqqittarneq pillugu siunnersuummi aalajangersakkami inatsimmi nassuiaatit erseqqissarneqartariaqaraluartut, taamaalilluni ersarissumik allassimalissalluni, sapaatit akunnerisa 6-it kingorna inatsimmi aalajangigaanngitsumik suliamik nalilersuisitseqqittarnissaq aalajangersakkami mattunneqanngitsoq.*

Tusarniaanermut akissuteqaatip tassunga tunngasortaa inatsimmi aalajangigaasumik suliamik nalilersuisitseqqittarneq pillugu aalajangersakkamut, siunnersuummi Inatsisartunut saqqummiunneqartumi peerneqartumut, tunngassuteqarpoq.

*KANUKOKA isumaqarpoq suliati nalilersoqqinneqartussat, aatsitassarsiornermik suliassanut akerliusunit qaqinneqartut, aatsitassarsiornermik suliassanik kinguarsaasinnaasut.*

Tusarniaanermut akissuteqaatip tassunga tunngasortaa inatsimmi aalajangigaasumik suliamik nalilersuisitseqqittarneq pillugu aalajangersakkamut, siunnersuummi Inatsisartunut saqqummiunneqartumi peerneqartumut, tunngassuteqarpoq.

*WWF isumaqarpoq naammagittaalliornerit kinguartitsinermik sunniuteqartariaqaraluartut.*

Tusarniaanermut akissuteqaatip tassunga tunngasortaa siunnersuutip ilaanut siunnersuummi Inatsisartunut saqqummiunneqartumi peerneqartumut, tunngassuteqarpoq. Inatsisartut inatsisaanni maannakkut atuuttumi § 3 b, imm. 4 aamma 6 atuunneranni aalajangiinerit aalajangersimasut naammagittaalliuutigineqarnerat aallaaviatigut kinguartitsinermik sunniuteqassanngilaq. Tamanna aatsitassarsiornermik suliassami pisariaqanngitsumik kinguarsaannginnissaq eqqarsaatigalugu pisariaqartoq naliliisoqarpoq. Taamaattoq Inatsisartut inatsisaanni maannakkut atuuttumi § 3 b, imm. 4-ip aamma 6-ip atuunneranni, taamatuttaaq naammagittaalliuutaasut aalajangersimasut erseqqinnerusumik aalajangerneqartut kinguartitsinermik sunniuteqassasut Naalakkersuisut aalajangersinnaavaat. Siunnersuummi tamanna allanngortinneqanngilaq.

*KANUKOKA-p inassutigaa, Naalakkersuisut nalilersueqqittarneq il.il. pillugit aalajangersakkanik erseqqinnerusunik aalajangersaasinnaanerit pillugu siunnersuummi sulianik nalilersuisitseqqittarneq pillugu aalajangersakkami nassuiaatini assersuutinik ilanngussisoqartariaqaraluartoq.*

Tusarniaanermut akissuteqaatip tassunga tunngasortaa inatsimmi aalajangigaasumik suliamik nalilersuisitseqqittarneq pillugu aalajangersakkamut, siunnersuummi Inatsisartunut saqqummiunneqartumi peerneqartumut, tunngassuteqarpoq.

*Alfred ER Jakobsen isumaqarpoq innuttaasut sukkulluunniit eqqartuussivinnut aalajangiinermik suliakkiussisinnaassasut.*

*Hudson Resources Inc. aamma Nunatsinni Advokatit isumaqarput siunnersuummi Inatsisartut inatsisaat naapertorlugu aalajangiinerup eqqartuussivinnut suliakkiunneqarnissaanut tunngasumi ukiumik ataatsimik piffissamut killissaliineq, ataatsimut isigalugu isumanerlunnartoqartoq, ilanngullugu aalajangiinerup sunniunna aatsaat ukiup ataatsip qaangiutereernerani paasinarsisimappat.*

Siunnersuummi Inatsisartunut saqqummiunneqartumi § 3 d, imm. 1-imi siunnersuutigineqartumi piffissamut killissaliussaq attatiinnarneqarpoq. Piffissamut killissaliussamik aalajangersaanissami eqqarsaatigineqartoq tassaavoq, suleqataasut attuumassuteqartut tamarmik inatsisitigut inaarutaasumik inissisimanerisa isumannaarneqarnissaat. Aatsitassarsiornermik suliaqartut. Suliap piffissap sivisunerusup

ingerlareernerata kingorna eqqartuussivinnut suliakkiunneqarsinnaanissaat allanngortinneqarsinnaanissaallu ernumassutiginaagu aalajangiinerit aalajangiunneqareersut tatigalugit iliuuseqarsinnaanissamik aatsitassarsiormik suliaqartuusut piviusorsiortumik pisariaqartitsipput. Annertunerpaatigut aalajangersakkamut nassuiaatini tunngavilersuutaasut innersuussutigineqarput.

Piffissamut killissaliussamit Danmarkimi inatsisini ilisimaneqartumit sivilunerusumik piffissamut killissaliinissaq piaaraluni toqqarneqarpoq. Tamatumani suleqataasut attuumassuteqartut eqqartuussivimmi misiliinernik atuinissaannut naleqquttumik piffissamut killissaliivigineqarnissaat qulakkeerniarneqarpoq.

*Hudson Resources Inc. aamma Nunatsinni Advokatit isumaqarput, oqartussaasup aalajangiisuusup taassuma, aalajangiinerup Inatsisartut inatsisaat naapertorlugu eqqartuussivinnut suliakkiunnissaanut piffissamut killissaliussap saneqqunneqarsinnaaneranut immikkut akuersisoqassanersoq naliliisussaamera, inatsisitigut isumannaatsuutitsinissaq eqqarsaatigalugu eqqarsarnartoqartoq.*

*Inatsisartut inatsisaat naapertorlugu aalajangiinerup eqqartuussivinnut suliakkiunneqartarnera pillugu piffissamut killissaliussap saneqqunneqarnissaa akuerineqassanersoq, eqqartuussiviit naliliisuutinneqassasut Naalackersuisut Siulittaasuata Naalackersuisoqarfiaata, TIG-ip, ICC-ip aamma Alfred ER Jakobsen-ip inassutigaat.*

Siunnersuut Inatsisartunut saqqummiunneqartoq, ilaannakortumik allanngortinneqarpoq. Ukioq ataaseq piffissamut killissaliineq attatiinnarneqarpoq, kisianni Naalackersuisut piffissamut killissaliussamik saneqqutsisinnaaneranun immikkut inatsimmi tunngavissamik aalajangersagaq imaqarunnaarpoq. Allanguuteqartitsinerup malitsigisaanik § 3 d, imm. 1-imi piffissamut killissaliussaq tusarniaanermut akissuteqaammi siunnersuutigineqartumut naapertuulluinnartunngortinneqarpoq. Piffissamut killissaliussap saneqqunneqarnissaa akuerineqartariaqarnersoq eqqartuussivinnit naliligassanngortinnissaa naleqqutissasoq naliliisoqarpoq.

*TIG, ICC aamma GE isumaqarput siunnersuummi § 1, nr. 1 (§ 3 d, imm. 4) pisariaqanngitsoq, tassami GE isumaqarpoq pissutsit eqqartuussisaaseq pillugu inatsimmi maleruagassaqartinneqareersoq.*

Kalaallit Nunaannut eqqartuussisaatsimut inatsimmi § 55 maleqqissaarlugu, suliaannut tamaginnut (danskit) inatsisaanni, Inatsisartut inatsisaanni imaluunniit Inatsisartut peqqussutaanni Kalaallit Nunaanni Eqqartuussiviit siullertut suliarinnittussaatinneqanngippata, eqqartuussiviit siullertut suliarinnittuusussaapput.

Pissutsit Inatsisartut inatsisaanni pineqartunut ilaasut pillugit aalajangiineq Kalaallit Nunaanni

Eqqartuussivinnut siullertut suliarinnittussatut suliakkiunneqartarnissaat qulakkeerniarlugu aalajangersagaq ilanngunneqarpoq.

*Aatsitassanut suliassa qarfimmi avatangiisinik pinngortitamillu allanngutsaaliuinerup suliassa qarfimmi nalinginnaasumi pisartunit qasugatinneqarnerulerneranik siunnersuut malitseqassappat, tamanna ajornartorsiutitaqartoq Aatsitassanik Suliassa qarfinnut Avatangiisinut Aqutsiso qarfik isumaqarpoq.*

Maleruagassanut nalinginnaasumik avatangiisinut pinngortitamullu suliassa qarfimmi atuuttunut tunngatillugu pinngortitamik avatangiisinillu illersuinerup qasuganerulersinneqarnissaa siunnersuummi siunertarineqanngilaq. Oqaloqatigiinnernut Aatsitassanut Ikummatissanullu Naalackersuiso qarfiup aamma Aatsitassanik Suliassa qarfinnut Avatangiisinut Aqutsiso qarfiup akornanni oqaloqatigiinnernut siunnersuutip saqqummiunneqarnissaa sioqqullugu ingerlanneqartunut naapertuuttumik, siunnersuut Inatsisartunut saqqummiunneqartoq, aatsitassanut suliassa qarfimmi avatangiisinik pinngortitamillu illersuineq suliassa qarfimmit nalinginnaasumit qasuganerusussaajunnaarlugu, naleqqussarniarneqarpoq.

*Annikitsumik aatsitassarsiornissamut akuersissutit innuttaasunut nunaqavissunut tunngatinneqarnerunersut, imaluunniit ingerlatseqatigiiffiit annikitsumik aatsitassarsiornissamut akuersissummik qinnuteqarsinnaanersut GME-p nalornissutigaa.*

Annikitsumik aatsitassarsiornissamut akuersissut taamaallaat inuinnarnut, tassa imaappoq ingerlatseqatigiiffiunngitsunut, Kalaallit Nunaanni inuit allattorsimaffiat malillugu najugaqartunut aammalu nunami maani tamakkiisumik akileraartussaataitaasunut, aammalu ukiut 5-it tamanna sioqqullugu piumasaqaatinik taakkuninnga naammassinnissimasunut, tunniunneqarsinnaavoq. Inuup Kalaallit Nunaannut atassuteqarnera aallaavigalugu tamanna naleqquttoq naliliisoqarpat, aammalu Kalaallit Nunaata avataaniinneq ilinniagaqarnermik assigisaanilluunniit pissuteqarsimappat, ukiunik 5-inik piumasaqaateqarneq qaqutigoortumik saneqqunneqarsinnaavoq.

*Siunnersuut annikitsumik aatsitassarsiorkuni suliaqarnermik ingerlatsinissamut innuttaasunut nunaqavissunut pitsaanerusumik atugassa qarqatitsiviusussaammat KANUKOKA-p neriulluarnartumik isigaa, kisianni siunnersuutip ilai paasiuminaatsillugit, ilanngullugu siunnersuummi § 1, nr. 6 (§ 34, imm. 7), kingumoortumik atuutilersussatut KANUKOKA-p isigisaa.*

Aalajangersagaq malillugu taanna kisermaassisussaataitanani annikitsumik aatsitassarsiornissamut akuersissutini taamaallaat atuutissaaq, tassa imaappoq akuersissutit sumiiffik akuersissuteqarfiusoq kommunip sumiiffianut tamarmut tunngasuusoq. Oqaasertaliinermi ”...imaluunniit kingusinnerusukkut ...” kisermaassisussaataitanani

annikitsumik aatsitassarsiornissamut akuersissummi, kisermaassisussaatitaalluni akuersissutit sumiiffimmiittut, pioreersut aammalu siunissami pisussat, aammalu aatsitassanut ikummatissanullu inatsimmi § 16 malillugu akuersissutit nalinginnaasut aamma aatsitassanut ikummatissanullu inatsimmi § 33 malillugu kisermaassisussaatitaalluni annikitsumik aatsitassarsiornissamut akuersissutit, ataqqineqarnissaat qulakkeerpeqassaaq.

Taamaalilluni taamatut toqqaannartumik kingumut atuutilissasoq tassani pineqanngilaq, kisianni kingusinnerusukkut kisermaassisussaatitaalluni akuersissummik tunniussisoqarpat, kisermaassisussaatitaalluni akuersissut nutaaq taanna, kisermaassisussaatitaanani annikitsumik aatsitassarsiornissamut akuersissutaaqqaartumit salliusussaassasoq, erseqqissarneqarluni, taamaattoq kisermaassisussaatitaanani annikitsumik aatsitassarsiornissamut akuersissut suli sumiiffiup sinneranut kisermaassisussaatitaalluni akuersissummi pineqartunut ilaanngitsumut, tunngassuteqassalluni.

*Pinngortitamut, Avatangiisinut Nukissiuuteqarnermullu Naalakkersuisoqarfiup inassutigaa, kisermaassisussaatitaanani annikitsumik aatsitassarsiornissamut akuersissutinut sumiiffiit akuersissuteqarfiusut annikillisinneqassasut, imaluunniit sumiiffiit sunnertiasut sioqqutsisumik taakkunani ilaatinneqartassanngitsut, tassami naasut uumasullu illersorneqartussaasinnaasut sunnerneqarsinnaanerat aalajangersimasumik tamakkiisumillu nalilersorneqarsinnaasannginnera, sumiiffiup akuersissuteqarfiusup nunami sumiiffiata annertussusaata malitsigisarmagu.*

Kisermaassisussaatitaanani annikitsumik aatsitassarsiornissamut akuersissummut suliaqarnermi kommunip sumiiffia sumiiffimmi akuersissuteqarfiusumi pineqartunut ilaatilerlugu aalajangersarneqartarpoq. Suleriaaseq taanna siunnersuummi attatiinnarneqarpoq. Oqaatigineqassaaq 'Kalaallit Nunaanni aatsitassanut (ikummatissiassat pinnagit) tunngatillugu asimi suliaqarnermut nalunaarusiortarnermullu maleruagassat' aamma annikitsumik aatsitassarsiornissamut akuersissutinut atuummata, aammalu kisermaassisussaatitaanani annikitsumik aatsitassarsiornissamut akuersissummik qinnuteqaatit tamatigut Pinngortitamut, Avatangiisinut Nukissiuuteqarnermullu Naalakkersuisoqarfimmut tusarniaassutigalugit nassiunneqartarlutik, taamaalilluni naalakkersuisoqarfik sumiiffiit sunnertiasut, suleriaatsimut nalinginnaasumik naapertuuttumik, qinnuteqaatinut aalajangersimasanut tusarniaanermut akissuteqaammi eqqumaffigeqqunissaannik periarfissaqarpoq.

*Pinngortitamut, Avatangiisinut Nukissiuuteqarnermullu Naalakkersuisoqarfiup innersuussutigaa, kisermaassisussaatitaalluni annikitsumik aatsitassarsiornissamut akuersissutinut sumiiffiata angissusaa pillugu siunnersuummi § 1, nr. 6-imi (§ 34, imm. 5) aalajangersagaq erseqqissarneqassasoq, taamaalilluni sumiiffik akuersissuteqarfiusoq taamaallaat 1x1 km<sup>2</sup>-isut atugassiissutigineqarsinnaassalluni.*

Siunnersuut allanngortinneqanngilaq, tassami aalajangersakkami allassimareerpoq sumiiffik akuersissuteqarfiusooq 1 km<sup>2</sup>-imit anginerusumik nunaminertaqartillugu aalajangersarneqarsinnaanngitsoq. Sumiiffiup annikitsumik aatsitassarsiornissamut akuersissuteqarfiusup kipparissuusussaanaera Pinngortitamut, Avatangiisinut Nukissiuuteqarnermullu Naalakkersuisoqarfiup siunnersuutigisaatut allannguuteqartitsinerup malitsigisussaavaa. Tamatumani sumiiffiup kisermaassisussaataalluni annikitsumik aatsitassarsiornissamut akuersissuteqarfiusup assersuutigalugu 0,5 km x 2km-isut aalajangersarneqarsinnaanissaa mattunneqassaaq. Sumiiffik akuersissuteqarfiusooq angissutsimini kipparissuusannigilaq, kisianni aamma 1 km<sup>2</sup> annerpaatut akuersissuteqarfigineqarsinnaasoq sinnersimassanagu.

Taamatut sumiiffiit akuersissuteqarfiusut kipparissuutinnagit aalajangersaasinnaalluni eqaatsuutitsinissaq pisariaqarpoq, tassami nunami sumiiffiit aamma nunap sannaap pissutaallutik, sumiiffiup akuersissuteqarfiusup kipparissunngorlugu killissalersorneqarnissaa tamatigut naleqquttuusannigilaq. Aammattaaq nunap assingi najoqqutassat pissarsiarineqarsinnaasut malitsigisaannik, tamatigut akuersissutit angissusaat eqqoqqissaartumik allanneqarsinnaasannigillat, taamaattumik aalajangersakkami eqaatsuutitsinerup attatiarneqarnissaa pisariaqartutut isigineqarluni.

*KANUKOKA isumaqarpoq siunnersuummi § 1, nr. 7-imi (§§ 34 a aamma b) aalajangersakkat uteqattaarinernik imaqartut. KANUKOKA-mi isumaqarpugut siunnersuummi § 1, nr. 7-imiittut (§ 34 b, imm. 3, § 34 a, imm. 1-imut akerliuvoq) imminnut akerleriittut.*

Tusarniaanermut akissuteqaatip tassunga tunngasortaa § 34 b-imut siunnersuutaappaartumut, siunnersuummi Inatsisartunut saqqummiunneqartumi peerneqartumut, tunngassuteqarpoq. Tusarniaanermut akissuteqaatip tassunga tunngasortaa taamaattumik siunnersuummut matumunnga attuumassuteqarunnaartoq isumaqartoqarpoq.

*Kommuneqarfik Sermersuup inassutigaa soqutigisaqartut arlallit sumiiffiup kisermaassisussaataitaaffigineqartup ataatsip iluani suliaqarnissamut periarfissaqassanngitsut.*

*Hudson Resources Inc. aamma Nunatsinni Advokatit isumaqarput, siunnersuummi § 1, nr. 7 (§ 34 b) akuliunnerusooq aammalu kisermaassisussaataitaalluni pisinnaatitsissummik pigisaqartup kisermaassisussaataitaaneq pillugu naatsorsuutigisaannut akerliulluni.*

*Knud Seblon isumaqarpoq siunnersuummi pisinnaatitsissummik pigisaqartup kisermaassisussaataitaaffia atorunnaarsinneqartoq aammalu kisermaassisussaataitanani annikitsumik aatsitassarsiornissamut pisinnaatitsissummik pigisaqartut, kisermaassisussaataitaalluni pisinnaatitsissummik pigisaqartoq akuersitinnagu, pisinnaatitaaffinnik pissarsisinnaanissaanut akerliulluni.*

*GE isumaqarpoq siunnersuummi kisermaassisussaatitaaneq unioqqutinneqarpoq, aammalu kisermaassisussaatitaalluni pisinnaatitsissummik pigisaqartoq Naalakkersuisunut taarsiinissamik akisussaatitsinissamik piumasaqarsinnaasoq naatsorsuutigineqarsinnaasoq. Greenland Minerals and Energy Ltd (GME) isumaqarpoq, kisermaassisussaatitaanani annikitsumik aatsitassarsiornissamut pisinnaatitsissummik pigisaqartut pisinnaatitaaffinnik pioreersunik pissarsisinnaassappata, siunnersuummi kisermaassisussaatitaaneq annikillisinneqassasoq. Annikitsumik aatsitassarsiornissamut pisinnaatitsissummik pigisaqartup kisermaassisussaatitaalluni pisinnaatitsissummik pigisaqartumut isumaqatigiissuteqartarnissaa GME-p takorusunneruaa. GME isumaqarpoq PR eqqarsaatigalugu kisermaassisussaatitaalluni pisinnaatitsissummik pigisaqartut akuersinissaannik tatisimaneqarnissaat siunnerfigineqartoq.*

*True North Gems Greenland A/S (TNGG) aatsitassarsiornissamut akuersissutinut nalinginnaasunut sunniisinnaasumik annikitsumik aatsitassarsiornermut suliassa qarfimmi allannguuteqartitsisoqarnissaa ataatsimut isigalugu akerleraa.*

*TNGG isumaqarpoq siunnersuut kisermaassisussaatitaanermut, kisermaassisussaatitaalluni pisinnaatitsissummik pigisaqartunut tunniunneqarsimasunut, akerliusoq. Aammattaaq akuersisarnissamik aaqqissuussineq siunnersuutigineqartoq naapertuilluannigitsutut isigineqarpoq, tassami TNG isumaqarpoq kisermaassisussaatitaalluni pisinnaatitsissummik pigisaqartoq taamaalilluni aatsitassat qanoq issusaat pillugu paasisutissat isertuussat tunngavigalugit itigartitsinerminik tamanut ammasumik nassuiaanissamut tatisimaneqarsinnaassappat, tamanna naleqqutinngitsoq.*

Tusarniaanermut akissuteqaatip matuma siuliani allassimasup ilai, kisermaassisussaatitaanani annikitsumik aatsitassarsiornissamut akuersissummut sumiiffik akuersissuteqarfiusoq, sumiiffimmi kisermaassisussaatitaaffiusumi pineqartunut ilaasumi, sumiiffimmi akuersissuteqarfiusumi ilaatinneqarsinnaassasoq aalajangiinissamut Naalakkersuisut periarfissaqarfisaa pillugu § 34 b-imut siunnersuutigineqaqqaartumut, tunngassuteqarput. Aalajangersagaq siunnersuummi Inatsisartunut saqqummiunneqartumi peerneqarpoq. Taamaattumik taakkua siunnersuummut matumunnga attuumassuteqarunnaartut naliliisoqarpoq.

Taamaattoq siunnersuummi Inatsisartunut saqqummiunneqartumi akuersisarnissamut aaqqissuussaq attatiarneqarpoq. Pisinnaatitsissummik pigisaqartoq akuersiteqqaarnagu sumiiffimmi kisermaassisussaatitaaffiusumi annikitsumik aatsitassarsiorluni ingerlataqartoqartannginnissaa, akuersisarnissamik aaqqissuussami qulakkeerneqassaaq. Akuersineq atugassarititaasut tunngavigalugit tunniunneqarsinnaavoq. § 34 a periarfissaavoq toqqarneqarsinnaasoq, kisermaassisussaatitaanani annikitsumik aatsitassarsiornissamut akuersissummut pisinnaatitsissummik pigisaqartumik suleqateqarnissaq kissaatigunikku

imaluunniit taassuma aatsitassanik allanik, assersuutigalugu nunaminertami angisoorujussuarmi kisermaassisussaatitaalluni akuersissummut pisinnaatitsissummik pigisaqartumit piiarneqartunit allaanerusunik, paaasinnaanera akueriinnarusukkunikku, kisermaassisussaatitaalluni akuersissummik pisinnaatitsissummik pigisaqartut atorsinnaasaat. Erseqqissarneqarpoq tamanna periarfissaamat piumagaanni qinerneqarsinnaasoq aammalu periarfissamik atuinissamik imaluunniit atuinnginnissamik toqqaanermut tunngavilersuutaasoq ingerlatseqatigiiffiup tamanut saqqummiunniarneraa, ingerlatseqatigiiffik nammineerluni aalajangiissaaq.

Aammattaaq sumiiffimmi aatsitassarsiorluni misissuinissamut kisermaassisussaatitaalluni akuersissummi nalinginnaasumi pineqartunut ilaasumi, imaluunniit aatsitassarsiorluni misissuinissamut kisermaassisussaatitaalluni annikitsumik aatsitassarsiornissamut akuersissummi pineqartunut ilaasumi, nunaqavissut inuussutissarsiutigiginagu katersisinnaanerannut periarfissaq attatiinnarneqarpoq.

Inatsisartut inatsisaanni siunertanut aalajangersagaq malillugu pisuussutinik naapertuuttumik atorluaanissaq anginiarneqartussaavoq. Tamanna tunngavigalugu maannakkut sumiiffimmi ataatsimi arlalinnik ingerlataqartoqartareerpoq. Tamatumani Kalaallit Nunaanni pisuussutigut nunaminertatigullu naapertuuttumik atorluaanissaq qulakkeerniarneqarpoq. Tassunga tunngatillugu innuttaasut nunaqavissut inuussutissarsiutigiginagu katersisinnaanissamut periarfissaqarnissaasa eqqarsaatigineqarnissaa pingaarnerrutinneqartariaqarpoq. Taamaattoq siunnersuut malillugu erseqqissumik allassimavoq, nunaqavissut sumiiffimmi paaanissamut akuersissummi pineqartunut ilaasumi, inuussutissarsiutigiginagu katersisinnaanngitsut, tassunga tunngasoq takuuk § 45 b, imm. 2 siunnersuutigineqartoq. Aammattaaq siunnersuut malillugu erseqqissumik allassimavoq, sumiiffimmi aatsitassarsiorluni misissuinissamut imaluunniit paaanissamut kisermaassisussaatitaaffiusumi, nunaqavissut inuussutissarsiutigalugu katersisinnaanngitsut paaasinnaanngitsullu, takuuk tassunga tunngasoq § 45 b, imm. 3-imi siunnersuutigineqartumi.

*Kommuneqarfik Sermersooq isumaqarpoq, kisermaassisussaatitaanerup kingumoortumik atuutilersumik utertinneqarnera. siunnersuummi § 1, nr. 7-ip (§ 34 b) malitsigissagaa.*

§ 34 b siunnersuutaaqartoq, siunnersuummi Inatsisartunut saqqummiunneqartumi peerneqarpoq. Tusarniaanermut akissuteqaatip tassunga tunngasortaa taamaattumik siunnersuummut matumunnga attuumassuteqarunnaartoq isumaqartoqarpoq.

*Kommuneqarfik Sermersooq isumaqarpoq, sumiiffiup kisermaassisussaatitaaffiusup ataatsip iluani soqutigisaqartut arlallit suliaqarnissaat akuerineqassappat, tamanna Namminersorlutik Oqartussat isumaqatigiissuteqarfiginerat malillugu taamaallaat pisinnaasariaqartoq.*



Tamanna taperserreqarsinnaangilaq. Siunnersuummi aallaaviusup, tassalu akuersisinnaanermut aaqqissuussaq, tassani kisermaassisussaatitaanermut pisinnaatitsissummik pigisaqartoq aamma annikitsumik aatsitassarsiornissamut pisinnaatitsissummik pigisaqartoq namminneerlutik isumaqatigiissuteqarsinnaallutik, attatiinnarneqarnissaa aalajangiisuulluinnartumik pingaaruteqarpoq.

*Kisermaassisussaatitaanani annikitsumik aatsitassarsiornissamut akuersissutit aatsitassarsiorniluni misissuinermi pisussaaffinnik naammassinnittussaanginnerat naleqqutinngitsoq Hudson Resources Inc.-ip aamma Nunatsinni Advokatit isumaqarput.*

Annikitsumik aatsitassarsiornissamut akuersissutit, nalinginnaasumik akuersissutinut naleqqiullugu aningaasaqarnikkut atugassarititaasut sukanninnginnerusut tunngavigalugit, tunniunneqartassasut piaaraluni toqqarneqarpoq. Tamanna annikitsumik aatsitassarsiornissamut maleruagassat innuttaasunut nalinginnaasunut, ingerlatseqatigiiffittut anginerusutut piginnaasaqanngitsunut aammalu aningaasaateqanngitsunut, tunngatinneqarnerat eqqarsaatigalugu isigineqassaaq. Taamaattoq siunissami pisuni aalajangersimasuni annikitsumik aatsitassarsiornissamut pisinnaatitsissummik pigisaqartut aatsitassarsiorniluni misissuinermut pisussaaffinnik naammassinnittussaatinneqalersinnaanerinit, oqartussaasut suliarinninnerannut aningaasartuutit akiliisussaatinneqalersinnaanerinit ilaalu ilanngullugu periarfissaqarnek, Inatsisartut inatsisaanni imaluunniit siunnersuummi matumani akornuserneqanngilaq.

*Hudson Resources Inc. aamma Nunatsinni Advokatit isumaqarput sumiiffik kisermaassisussaatitaaffiusoq pisuni tamaginni pisariaqartunit anginerusassanngitsoq.*

Sumiiffiit kisermaassisussaatitaaffiusut suliaqarnermi 5 km<sup>2</sup>-iniit 10.000 km<sup>2</sup> sinnerlugit annertussuseqartarput. Taamaalilluni sumiiffiit akuersissuteqarfiusut annertoorujussuit tassani pineqarput, maannakkut Inatsisartut inatsisaat atuuttoq malillugu innuttaasut nunaqavissut inuussutissarsiutigiginagu katersivigisinnaangisaat. Nunatsinni aatsitassanit pisuussutit nunaminertatigut atorluarneqarnerulernerannik kiisalu innuttaasut nunaqavissut iluaqutissarsitinneqarnerannik siunnersuut malitseqassasoq naatsorsuutigineqarpoq.

Allatigut aamma matuma siuliani akuersisarnermut aaqqissuussaq taaneqartoq innersuussutigineqarpoq. Matuma siuliani erseqqissarneqartut, innuttaasut nunaqavissut sumiiffimmi aatsitassarsiorniluni misissuinissamut kisermaassisussaatitaaffiusumi inuussutissarsiutigiginagu katersisinnaanissamut taamaallaat pisinnaatitaaffeqalissapput. Nunaqavissut sumiiffimmi aatsitassarsiorniluni misissuinissamut kisermaassisussaatitaaffiusumi inuussutissarsiutigalugu katersisinnaanngitsut aamma piiasinnaanngitsut siunnersuummi erseqqissumik allassimavoq, tamatumunnga takuuk § 45 b, imm. 3 siunnersuutigineqartoq.

*Kommuneqarfik Sermersooq, Nunatsinni Advokatit, GE, GME, Hudson Resources Inc.*

*aamma TNGG isumaqarput §§ 34 a aamma 34 b ataatsimut isigalugu aningaasaliisussanik pilerilersitsiniartarnermut sunniuteqarnerlussasut.*

*GE aamma isumaqarpoq §§ 34 a aamma 34 b siunnersuutigineqartut ataatsimut isigalugu kisermaassisussaatitaalluni pisinnaatitsissummik pigisaqartup pitsaasumik atorluaanissaanik akornusiissasut.*

§ 34 b siunnersuutigineqaaqartoq, kisermaassisussaatitaanani annikitsumik aatsitassarsiornissamut akuersissutini, sumiiffik akuersissuteqarfiusoq sumiiffimmi kisermaassisussaatitaaffiusumi pineqartunut ilaasoq, ilaatinneqarsinnaasasoq Naalakkersuisut aalajangiisinnaanerannut tunngassuteqarpoq. Aalajangersagaq siunnersuummi Inatsisartunut saqqummiunneqartumi peerneqarpoq. Taamaattumik tusarniaanermut akissuteqaatit tassunga tunngasortai siunnersuummut matumunnga attuumassuteqarunnaartut naliliisoqarpoq.

§ 34 a siunnersuutigineqartoq, siunnersuummi Inatsisartunut saqqummiunneqartumi, attatiinnarneqarpoq. Erseqqissarneqassaaq aalajangersagaq akuersisarnermut aqqqissuussamik imaqarmat, taamaalilluni kisermaassisussaatitaalluni pisinnaatitsissummik pigisaqartoq, kisermaassisussaatitaanani akuersissummut pisinnaatitsissummik pigisaqartumut sumiiffimmi kisermaassisussaatitaaffiusumi annikitsumik aatsitassarsiorniluni ingerlatanik suliaqarnissamut akuersinissamik kissaateqarnerluni, nammineerluni piumasaminik toqqarsinnaallugu. § 34 a-imi akuersisarnermut aqqqissusaq taamaalilluni periarfissaavoq nammineerluni toqqarneqarsinnaasoq, kisermaassisussaatitaalluni pisinnaatitsissummik pigisaqartup nammineq kajumissutsiminik atorsinnaasaa, aammalu parlattuanik atorumanngissinnaasaa.

Kisermaassisussaatitaalluni pisinnaatitsissummik pigisaqartoq taamaalilluni sulii periarfissamut tassunga aqutsisinnaammat, aalajangersagaq aningaasaliisussanik pilerilersitsiniartarnermut tunngatillugu sunniuteqarnerlunermik imaluunniit kisermaassisussaatitaalluni pisinnaatitsissummik pigisaqartup pitsaasumik atorluaanissaanik akornusiinermik malitseqassanngitsoq naliliisoqarpoq.

*Suliaqarnermi periarfissiisarnerup aamma periarfissamik utertitsisarnerup, ilanngullugu GME kisermaassisussaatitaalluni pisinnaatitsissummik pigisaqartoq ilimasaarisassanersoq il.il., qanoq ingerlanneqartarnissaa eqqarsaatigineqarnersoq GME-p ujartorpaa.*

§ 34 a siunnersuutigineqartoq malillugu akuersisarnermut aqqqissuussaq malillugu periarfissiisoqassappat, kisermaassisussaatitaalluni pisinnaatitsissummik pigisaqartup aamma kisermaassisussaatitaanani annikitsumik aatsitassarsiornissamut pisinnaatitsissummik pigisaqartup akuersineq qanoq atuutsinneqassanersoq namminneerlutik isumaqatigiissutigissavaat.

*KANUKOKA-p inassutigaa siunnersuummi § 1, nr. 7 (§ 34 b, imm. 5) malillugu*

*aalajangiinermik utertitsineq toqqaannartumik pisinnaatitsissummik pigisaqartumut pisassasoq.*

*KANUKOKA aamma isumaqarpoq siunnersuummi § 1, nr. 7-imi (§ 34 b, imm. 6) aalajangersakkami pisut suut maleruagassiivigineqassanersut ersarinngitsoq.*

§ 34 b siunnersuutigineqaqqaartoq siunnersuummi Inatsisartunut saqqummiunneqartumi peerneqarpoq. Taamaattumik tusarniaanermut akissuteqaatip tassunga tunngasortaa siunnersuummut matumunnga attuumassuteqarunnaartoq naliliisoqarpoq.

*KANUKOKA isumaqarpoq kisermaassisussaatitaalluni pisinnaatitsissummik pigisaqartut avatangiisinut atugassarititaasut sanequtaarniarlugit sumiiffimmi kisermaassisussaatitaaffiusumi annikitsumik aatsitassarsiorluni ingerlataqarnissamut akuersisarlutik "iluaqutissarsiniaannarsinnaanerat" siunnersuummi ammaanneqartoq.*

*GME paarlattuanik isumaqarpoq kisermaassisussaatitaanani annikitsumik aatsitassarsiornissamut pisinnaatitsissummik pigisaqartut, kisermaassisussaatitaalluni pisinnaatitsissummik pigisaqartup aatsitassarsiorluni misissuina paaaneralu akornuserniarlugit, akuersissutit pigisatik 'periusissatut' atorsinnaagaat.*

§ 34 a siunnersuutigineqartoq 'iluaqutissarsiniaannarnermut' imaluunniit 'periusissatut akornusiinissamut' kisermaassisussaatitaalluni pisinnaatitsissummik pigisaqartumit imaluunniit kisermaassisussaatitaanani annikitsumik aatsitassarsiornissamut pisinnaatitsissummik pigisaqartumit atorneqarsinnaanngilaq.

§ 34 a siunnersuutigineqartoq malillugu kisermaassisussaatitaanani annikitsumik aatsitassarsiornissamut pisinnaatitsissummik pigisaqartoq sumiiffimmi kisermaassisussaatitaaffiusumi paaanermik suliaqarnissaa akueralugu, kisermaassisussaatitaalluni pisinnaatitsissummik pigisaqartut avatangiisinut, peqqinnissamut isumannaallisaanermullu piumasaqaatit qasukkartinneqarnissaasa angunissaanut periarfissaqartussaannngilaq.

Aamma annikitsumik aatsitassarsiornissamut pisinnaatitsissummik pigisaqartumut nalinginnaasumik piumasaqaatigineqartartut saniatigut, kisermaassisussaatitaanani annikitsumik aatsitassarsiornissamut pisinnaatitsissummik pigisaqartup avatangiisinut, peqqinnissamut isumannaallisaanermullu piumasaqaatit qasukkartinneqarnerinik angusaqarnissaa periarfissaqartussaannngilaq. Annikitsumik aatsitassarsiornissamut pisinnaatitsissummik pigisaqartut suli ingerlatanut annikitsumik aatsitassarsiornissamut pisinnaatitsissummik pigisaqartunit, annikitsumik aatsitassarsiornissamut akuersissutinut maleruagassanut nalinginnaasunut naapertuuttumik, ingerlanneqartunut, saliinissamut matusinissamullu suli akisussaasuusussaapput. Aammattaaq annikitsumik

aatsitassarsiornissamut pisinnaatitsissummik pigisaqartut siunnersuummi kisermaassisussaatitaalluni pisinnaatitsissummik pigisaqartup ajoqusernissaanut pisinnaatitaaffeqarnermik angusaqarsinnaangillat imaluunniit imaluunniit allatigut sumiiffimmi inatsisit malilugit allat ingerlataannik akornusiisinnaanatik.

*Sumiiffimmi ataatsimi pisinnaatitsissummik pigisaqartut arlallit assigiinnik ingerlataqarneranni, avatangiisinut atugassarititaasut qanoq iliuuseqarfiginissaat eqqarsaatigineqarnersoq KANUKOKA-p apeqquuserpaa.*

*Sumiiffimmi ataatsimi ingerlatanik assigiinngitsunik marlunnik suliaqartoqartillugu, kisiannilu ingerlatat atugassarititaasut assigiinngitsut tunngavigalugit ingerlanneqartillugit, avatangiisinut peqqinnissamullu tunngasunut Naalakkersuisut qanoq isummersornersut, ilanngullugu pisuussuteqartoq pillugu apeqqummut uppernarsaaneq, TNGG-p ujartorpaa. Kisermaassisussaatitaalluni pisinnaatitsissummik pigisaqartumut avatangiisinut sunniutaasunut annikitsumik aatsitassarsiornissamut pisinnaatitsissummik pigisaqartunit pissuteqartunut, tamaginnut Naalakkersuisut akisussaasuuniarnersut GME-p apeqquuserpaa.*

*Siunnersuutip assersuutigalugu avatangiisinut, isumannaallisaanermut aamma pisinnaatitaaffinnut tunngasuni akisussaaffiit agguagaanerat pillugu nalornilersitsisinnaanera aarleqqutigalugu ICC-p oqaatigaa. ICC isumaqarpoq akisussaasuunermut apeqqutit taamaattut paasinarsisinneqareerpata aatsaat aalajangersakkat atuutsinneqalertariaqaraluartut.*

Tusarniaanermut akissuteqaatip matuma siuliani allassimasup ilai, kisermaassisussaatitaanani annikitsumik aatsitassarsiornissamut akuersissummumut sumiiffik akuersissuteqarfiusoq, sumiiffimmi kisermaassisussaatitaaffiusumi pineqartunut ilaasumi, sumiiffimmi akuersissuteqarfiusumi ilaatinneqarsinnaassasoq aalajangiinissamut Naalakkersuisut periarfissaqarfigisaat pillugu § 34 b-imut siunnersuutigineqaaqartumut, tunngassuteqarput. Aalajangersagaq siunnersuummi Inatsisartunut saqqummiunneqartumi peerneqarpoq. Taamaattumik taakkua siunnersuummut matumunnga attuumassuteqarunnaartut naliliisoqarpoq.

Kisermaassisussaatitaalluni pisinnaatitsissummik pigisaqartup aamma annikitsumik aatsitassarsiornissamut pisinnaatitsissummik pigisaqartup atugassarititaasunik assigiinnik naammassinnittussanngornerannik siunnersuut malitseqassanngilaq. Aamma kisermaassisussaatitaalluni pisinnaatitsissummik pigisaqartoq aamma kisermaassisussaatitaanani annikitsumik aatsitassarsiornissamut pisinnaatitsissummik pigisaqartoq arlaminnut atugassarititaasunik naammassinnittussanngornerannik siunnersuut malitseqassanngilaq. Pisinnaatitsissummik pigisaqartut tamarmik immikkut atugassarititaasut namminerminut atugassaritineqartut kisiisa naammassissusaassavaat.

Kisermaassisussaatitaalluni pisinnaatitsissummik pigisaqartoq, ingerlatanut kisermaassisussaatitaanani annikitsumik aatsitassarsiornissamut pisinnaatitsissummik pigisaqartup suliaannut akisussaasuunngilaq. Aammattaaq annikitsumik aatsitassarsiornissamut pisinnaatitsissummik pigisaqartoq ingerlatanut kisermaassisussaatitaalluni pisinnaatitsissummik pigisaqartup suliarisaannut akisussaasuunngilaq. Sumiiffimmi ataatsimi pisinnaatitsissummik pigisaqartut tamarmik immikkut arlamik inatsisit malillugit ingerlataannik ataqqinnittussaanagerat, siunnersuummi allanngortinneqanngilaq. Siunnersuummi aamma pisuussuteqartumut apeqqummut uppersaasiisarneq, taakkua nalilersorneqartarnerat imaluunniit taarsiisarnermut inatsisini maleruagassat nalinginnaasut, siunnersuummi allanngortinneqanngillat.

*TNGG-p nammineq sillimmasiisarfiata ingerlatseqatigiiffiup TNGG-p sillimmasiissutaanut akigititaasut qaffassagai, TNGG-p naatsorsuutigisinnaaneraa, TNGG-p apeqqutigaa.*

Sillimmasiissut imaluunniit sillimmasiissutit TNGG-p sillimmasiisarfimmi ingerlatseqatigiiffimmi aalajangersimasumi pigisimasinnaasai, siunnersuummi maleruagassiivigineqanngillat. Aammattaaq tamatumunnga tunngasut aningaasartuutaasimasinnaasut siunnersuummi maleruagassiivigineqanngillat.

*Kisermaassisussaatitaanani annikitsumik aatsitassarsiornissamut pisinnaatitsissummik pigisaqartoq kisermaassisussaatitaalluni pisinnaatitsissummik pigisaqartup sumiiffimmut aatsitassarsiornissamut isersinnaassappat, sulinermi avatangiisinut tunngasut aarleqqutigalugit GME-p oqaatigaa.*

*Kisermaassisussaatitaanani annikitsumik aatsitassarsiornissamut pisinnaatitsissummik pigisaqartoq sumiiffimmi akuersissuteqarfiusumi piumasaminik angalaarsinnaassappat, isumannaallisaaneq aarleqqutigalugu TNGG-p oqaatigaa.*

Kisermaassisussaatitaanani annikitsumik aatsitassarsiornissamut pisinnaatitsissummik pigisaqartup sumiiffimmut aatsitassarsiornissamut isersinnaanissaata pisariaqarneranik siunnersuut malitseqassanngilaq. Kisermaassisussaatitaalluni pisinnaatitsissummik pigisaqartup akuersinerminik killiliisinnaanera siunnersuummi akornuserneqanngilaq, ilanngullugu sumiiffimmi akuersissuteqarfiusumi sumiiffiit erseqqinnerusumik aalajangerneqartut aalajangersimasut isumannaallisaaneq, peqqinnissaq imaluunniit avatangiisit eqqarsaatigalugit avataaneersunit orninneqarsinnaassanngitsut, assersuutigalugu sumiiffik aatsitassarsiornissamut, atugassarititaasunik piumasaqaateqarnermigut.

§ 34 a-imut siunnersuutigineqartumut nassuiaatit, siunnersuummi Inatsisartunut saqqummiunneqartumi erseqqissarneqarput, taamaalilluni ersarissumik allassimalerluni kisermaassisussaatitaalluni pisinnaatitsissummik pigisaqartup kisermaassisussaatitaanani annikitsumik aatsitassarsiornissamut pisinnaatitsissummik pigisaqartup sumiiffimmut

kisermaassisussaatitaaffiusumut isersinnaanissaanut akuersinera atugassarititaasunik ilaqartinneqarsinnaasoq, ilanngullugu assersuutigalugu isersinnaaneq taamaallaat sumiiffiup kisermaassisussaatitaaffiusup ilaannut taamaallaat atuutissasoq.

*Annikitsumik aatsitassarsiornissamut pisinnaatitsissummik pigisaqartup kisermaassisussaatitaalluni pisinnaatitsissummik pigisaqartup upalungaarsimanermut pilersaarutai malinngippagit, kisermaassisussaatitaalluni pisinnaatitsissummik pigisaqartoq qanoq inissisimassanersoq TNGG-p apeqquuserpaa. Aammattaaq kisermaassisussaatitaanani annikitsumik aatsitassarsiornissamut pisinnaatitsissummik pigisaqartoq kisermaassisussaatitaalluni pisinnaatitsissummik pigisaqartumik akuutitsisunik ajutoornerit pinerannut pissutaasimappat, ilanngullugit inuit aamma pigisat ajoquserneqarnera, qanoq kisermaassisussaatitaalluni pisinnaatitsissummik pigisaqartoq inississanersoq TNGG-ip ujartorpaa.*

*Ajornartoornernik pisoqartillugu upalungaarsimanermut aamma aallarussinerusinnaasunut kisermaassisussaatitaalluni pisinnaatitsissummik pigisaqartoq qanoq inissisimassanersoq GME-p apeqquuserpaa. Aammattaaq kisermaassisussaatitaanani annikitsumik aatsitassarsiornissamut pisinnaatitsissummik pigisaqartoq sumiiffimmu kisermaassisussaatitaaffiusumut isersinnaassappat, sumiiffimmi akuersissuteqarfiusumi inuit ajoqusernerannut aammalu toqusoqarnerani akisussaaffiup agguagaanera GME-p ujartorpaa.*

Arlamik ingerlataannut pisinnaatitsissummik pigisaqartut akisussaatinneqartussaanerannik siunnersuut malitseqassanngilaq. Kisermaassisussaatitaalluni pisinnaatitsissummik pigisaqartoq imaluunniit kisermaassisussaatitaanani annikitsumik aatsitassarsiornissamut pisinnaatitsissummik pigisaqartoq arlamik upalungaarsimanermut pilersaarutaanut imaluunniit aallarussinermut akisussaaffeqanngillat. Aammattaaq kisermaassisussaatitaalluni pisinnaatitsissummik pigisaqartoq imaluunniit annikitsumik aatsitassarsiornissamut pisinnaatitsissummik pigisaqartoq arlamik pilersitaanik inuit pigisalluunniit ajoqusernerannut akisussaaffeqanngillat. Pisinnaatitsissummik pigisaqartup aappaa pisinnaatitsissummik pigisaqartup aappaanut inuit imaluunniit pigisat ajoqusernerannik pilersitsisimappat, tamatumunnga ajoquserititsisoq akisussaasuusussaavoq.

Inatsisartut inatsisaanni maannakkut atuuttumi § 92-imi erseqqilluinnartumik allassimavoq, ajoqusernerit akuersissummi pineqartunut ilaasunit suliaqarnermit imaluunniit ingerlatanit pisuuppata, pisinnaatitsissummik pigisaqartup taarsii vigisussaagai. Aalajangersagaq kisermaassisussaatitaalluni pisinnaatitsissummik pigisaqartumut taamatullu kisermaassisussaatitaanani annikitsumik aatsitassarsiornissamut pisinnaatitsissummik pigisaqartumut atuuppoq.

*Annikitsumik aatsitassarsiorniluni ingerlatanut tunngatillugu ikiaroorartumik imigassamillu*

*misissuisarnej pillugu piumasaqaatinik atuutsitsilernermik siunnersuut malitseqassanersoq GME-p ujartorpaa.*

*TNGG isumaqarpoq siunnersuummi isumannaallisaanermut tunngasut kanngunarsarneqartut, tassami kisermaassisussaatitaalluni pisinnaatitsissummik pigisaqartup kisermaassisussaatitaanani annikitsumik aatsitassarsiornissamut pisinnaatitsissummik pigisaqartumut isumannaallisaanikkut misissuineramik suliaqarsinnaanngilaq, ilanngullugu ikiaroonartumut imigassamullu misissuineramik suliaqarluni.*

Aalajangersakkanik annikitsumik aatsitassarsiorluni ingerlatanut tunngatillugu ikiaroonartumik imigassamillu misissuisarnej pillugu atugassarititaasunut immikkut tunngassuteqartunik siunnersuut imaqanngilaq.

Taamaattoq § 33, imm. 1 siunnersuutigineqartoq malillugu atugassarititaasut erseqqinnerusumik aalajangersagaasut tunngavigalugit annikitsumik aatsitassarsiornissamut akuersissutinik Naalakkersuisut tunniussisinnaassapput, ilanngullugu ikiaroonartumik imigassamillu misissuisarnej pillugu atugassarititaasut. Aalajangersagaq maannakkut Inatsisartut inatsisaanni atuuttumi aalajangersakkamik atuuttumik ingerlatitseqqiineruvoq. Naalakkersuisut taamaalillutik maannakkut annikitsumik aatsitassarsiornissamut akuersissummik tunniussinerminni, tamanna pisortat ingerlatsineranni inatsisini tunngaviusunut nalinginnaasunut naapertuuttutut nalilerneqarpat, atugassarititaasunik aalajangersaasinnaareerput, ilanngullugit atugassarititaasut isumannaallisaanermut tunngasut kiisalu ikiaroonartumik imigassamillu misissuisarnej pillugu atugassarititaasut.

*Pinngortitamut, Avatangiisinut Nukissiuuteqarnermullu Naalakkersuisoqarfik isumaqarpoq kisermaassisussaatitaanani annikitsumik aatsitassarsiornissamut akuersissutit, akuersissummi ataatsimi aatsitassarsiorluni misissuinissamut pïaanissamullu pisinnaatitaaffilerneqarnerat ajornartorsiutitaqartoq.*

Annikitsumik aatsitassarsiornermut suliassaqarfimmi inatsisini kiisalu suliassanik sularinnittarnermi suleriaatsimi, pisariitsumik allaffissornikkut suleriaaseqarnissaq anguniarneqarpoq, ilanngullugu aatsitassarsiorluni misissuinissamut akuersissummik aamma pïaanissamut akuersissummik ataatsikkut qinnuteqarsinnaanerup ajornarunnaarsineqarnissaa. Annikitsumik aatsitassarsiornermut suliassaqarfik innuttaasunut nalinginnaasunut, ingerlatseqatigiiffittut anginerusutut pisinnaasaqanngitsunut aammalu aningaasaateqanngitsunut, atuutsinneqartussatut eqqarsaatigineqarmat, pisariillisaaneq taanna innuttaasut soqutigisaat naammassiniaarlugit pisariaqartoq naliliisoqarpoq.

*GE isumaqarpoq ingerlatat sularineqartut tassaanngippata annikitsumik aatsitassarsiorluni ingerlatat, annikitsumik aatsitassarsiornissamut akuersissutip utertinnissaanut*

*Naalackersuisut pisussaaffeqartariaqartut.*

§ 36 a, imm. 3, uniffik siullermi pisortat ingerlatsineranni inatsisit nalinginnaasut malillugit pisareersut erseqqissarneqarput. Tassa imaappoq ingerlatat akuersissutip suussusaani pineqartumi pineqartunut ilaasinnaanngitsutut annertussuseqartut ilimagineqarpat, akuersissutip utertinnissaanut Naalackersuisut pisinnaatitaasut. Inatsisini inissisimaneq ersarissuutinniarlugu aalajangersagaq ilanngunneqarpoq, tassami annikitsumik aatsitassarsiornissamut pisinnaatitsissummik pigisaqartut, aalajangersakkami siunnerfigineqartut, inatsisini aalajangigaanngitsunut pisortat ingerlatsineranni inatsisini tunngaviusunut annertuumik ilisimasaqartoq naatsorsuutigineqarsinnaanngimmat.

*Kisermaassisussaatitaalluni pisinnaatitsissummik pigisaqartumi aamma kisermaassisussaatitaanani annikitsumik aatsitassarsiornissamut pisinnaatitsissummik pigisaqartumi qaartiterinerit annikitsut qanoq aqunneqassanersut GME-p apeqqutigaa.*

Qaartiterinerit annikitsut ingerlanneqartarnerpiaat, ilanngullugit isumannaallisaanermut tunngasut, pillugit inatsisini atuutereersuni aammalu suleriaatsini atuuttuni allannguuteqartitsinermik siunnersuut malitseqassanngilaq. Qaartiterinerit annikitsut qaartiterutissat pillugit Namminersornerullutik Oqartussat nalunaarutaat nr. 16, 16. juli 2007-imeersumi pineqartunut ilaappata, taanna sulii atuutissaaq.

*Qaartiterinernik annikitsunik akuersissuteqartarnermut tunngatillugu aalajangersimasumik tusarniaaffiusarnissaq Pinngortitamut, Avatangiisinut Nukissiuuteqarnermullu Naalackersuisoqarfiup innersuussutigaa. Aammattaaq akuersissuteqarnerit aatsitassarsiorniluni ingerlatanut akuersissutigineqartut, ingerlatat illuliortiternernik sanaartornernillu suliaqarnertut oqaatigineqarsinnaasut, iluanni atorineqassanngitsut Pinngortitamut, Avatangiisinut Nukissiuuteqarnermullu Naalackersuisoqarfiup innersuussutigaa.*

Aatsitassarsiorniluni misissuineramik aamma paaanermik ingerlataqarnerit aatsitassanut tunngasut, ilaatigut qaartiterutissat pillugit Namminersornerullutik Oqartussat nalunaarutaat nr. 16, 16. juli 2007-imeersumi pineqartunut ilaanerat, assersuutigalugu qaartiterinermut aqutsisut ilinniartitaanerat aamma akuersissuteqarfigineqartarnerat, siunnersuummi allanngortinneqanngilaq. Taamaattoq oqaatigineqassaaq qaartiterutissat pillugit Namminersornerullutik Oqartussat nalunaarutaat nr. 16, 16. juli 2007-imeersumi aatsitassanut tunngatillugu aatsitassarsiorniluni misissuinerinik paaanernillu ingerlataqarnerit ilaatigut ilaatinneqanngimmata, takuuk nalunaarummi § 2, imm. 1, nr. 1.

Pinngortitamut, Avatangiisinut Nukissiuuteqarnermullu Naalackersuisoqarfik maannakkut qaartiterinernik annikitsunik akuersissuteqarnissaaq pillugu qinnuteqaatini aalajangersimasumik tusarniaaffiusareerpoq. Siunnersuummi suleriaaseq taanna



allangortinneqanngilaq. Annikitsumik qaartiterinernut akuersissuteqarnissaq pillugu qinnuteqaammik, illuliortiternermik sanaartormillu suliaqarnermut tunngasumik, tigusaqartoqarnerani Pinngortitamut, Avatangiisinut Nukissiuuteqarnermullu Naalackersuisoqarfik qaartiterutissat pillugit Namminersornerullutik Oqartussat nalunaarutaat nr. 16, 16. juli 2007-imeersumut tunngatillugu oqartussaasutut, illuliortiternermik sanaartormillu suliaqarnermut tunngatillugu pissutsit immikkut ittuusinnaasut tusarniaanermut akissuteqaammini eqqumaffiginissaannut periarfissaqassaaq.

*Maskiinanik nammineq ingerlasartunik allanillu motoorilinnik angallattakkanik atuinermut atatillugu, pisinnaatitsissummik pigisaqartoq pīaanissamut matusinissamullu pilersaarummik nassiussinissamik pisussaaffilerneqartariaqartoq NUP-ip siunnersuutigaa. Tassunga atatillugu qinnuteqaammik immersugassamik assigiissaartumik suliaqartoqassasoq NUP-ip siunnersuutigaa.*

*Pinngortitamut, Avatangiisinut Nukissiuuteqarnermullu Naalackersuisoqarfiup innersuussutigaa, siunnersuummi § 1, nr. 9-imi (§ 36, imm. 5) aalajangersagaq allangortinneqassasoq, taamaalilluni annikitsumik aatsitassarsiorluni ingerlatanut atatillugu maskiinanik nammineq ingerlasartunik allanillu maskiinanik angallattakkanik atuinissamut immikkut akuersissuteqarnissaq piumasaqaataalissalluni, soorlu avatangiisinut suliassaqarfimmi nalinginnaasumi taamaattoqartoq. Aammattaaq biiliniq ingerlaartoqassappat atugassarititaasunik aalajangersaasoqartoqarsinnaassasoq Pinngortitamut, Avatangiisinut Nukissiuuteqarnermullu Naalackersuisoqarfiup inassutigaa.*

Siunnersuut Inatsisartunut saqqummiunneqartoq allangortinneqarpoq, taamaalilluni oqaaseqatigiit ”aamma ikiorsiiniutit allat angallattakkat, ilanngullugit assersuutigalugu maskiinat nammineerlutik ingerlasartut aamma maskiinat angallattakkat allat” peerneqarput. Taamaalilluni maskiinanik nammineerlutik ingerlasartunik aamma maskiinanik allanik angallattakkanik atineq, avatangiisinut suliassaqarfimmi nalinginnaasumi inatsisinut naapertuuttumik, immikkut akuersissuteqarfigineqartarnissaa piumasaqaataalissaaq.

Siunnersuummi § 1, nr. 9 (§ 36, imm. 7) innersuussutigineqarpoq, tassani aalajangersarneqareerpoq, assersuutigalugu biiliniq atuinissaq pillugu aalajangersakkanik atugassarititaasunillu erseqqinnerusunik Naalackersuisut aalajangersaasinnaasut. Taamaalilluni biiliniq ingerlaartoqassappat atugassaarititaasunik aalajangersaasoqarsinnaassaaq, ilanngullugu qinnuteqarnermi immersugassamik assigiissaakkanik, immikkut annikitsumik aatsitassarsiornissamut pisinnaatitsissummik pigisaqartunut tunngatinneqartunik, suliaqarnissaq.

*WWF isumaqarpoq siunnersuut ataatsimut isigalugu, annikitsumik aatsitassarsiornissamut akuersissutinut killissaliussanik erseqqissaanernik pisariaqartunik, imaqartoq, ilanngullugu avatangiisinut tunngasut pillugit. Taamaattoq annikitsumik aatsitassarsiornissamut*

*pisinnaatitsissummik pigisaqartut piiaanissamut matusinissamullu pilersaarutinik suliaqarnissamik pisussaaffeqartinneqannginnerat WWF-ip aarleqqutigalugu oqaatigaa.*

*Pinnngortitamut, Avatangiisinut Nukissiuuteqarnermullu Naalakkersuisoqarfiup innersuussutigaa siunnersuummi § 1, nr. 12-imi (§ 38, imm. 2) aalajangersagaq allannngortinneqassasoq, taamaalilluni kisermaassisussaatitaalluni annikitsumik aatsitassarsiornissamut akuersissut malillugu pisinnaatitsissummik pigisaqartut pineqartunut ilaatinneqassanatik.*

Siunnersuut Inatsisartunut saqqummiunneqartoq allannngortinneqarpoq, taamaalilluni erseqqissarneqarluni, aalajangersagaq taamaallaat kisermaassisussaatitaanani annikitsumik aatsitassarsiornissamut akuersissut malillugu pisinnaatitsissummik pigisaqartunut atuutilissalluni. Tamatuma malitsigisaanik kisermaassisussaatitaanani annikitsumik aatsitassarsiornissamut akuersissut malillugu pisinnaatitsissummik pigisaqartoq kisimi, ikiorsiiniutinik motooreqanngitsunik tigummaannartakkanik taamaallaat atuisusaaq, piiaanissamut matusinissamullu pilersaarummik suliaqarnissamik pisussaaffeqartinneqassanngilaq.

*Takornarianik pilerilersitsinissaq siunertaralugu siunnersuummi § 1, nr. 14-imi (§ 45) annissinissamut aningaasartanut killissaliussat qaffanneqassasut S. I. K.-ip siunnersuutigaa.*

Oqaatigineqassaaq aalajangersagaq takornarianut atuutsinneqanngimmat, kisiannili taamaallaat nunaqavissut aatsitassanik kaanngarsimallutik nunamiittunik katersisinnaaneranun tunngassuteqarluni.

Aatsitassanik kaanngarsimallutik nunamiittunik nunaqavissuunngitsut inuussutissarsiutigiginagu katersisinnaanerat § 45 e-imi siunnersuutigineqartumi maleruagassiivigineqarpoq. Siunnersuummi Inatsisartunut saqqummiunneqartumi siunnersuut allannngortinneqarpoq, taamaalilluni tamanna ilitersuisoqarluni angalaarnerup, annikitsumik aatsitassarsiornissamut pisinnaatitsissummik pigisaqartumit sumiiffimmi taassuma annikitsumik aatsitassarsiornissamut akuersissutaataani aqqissuunneqartup, nalaani tamanna pisimanngippat, nunaqavissuunngitsut aallaaviatigut aatsitassanik katersisinnaanatik imaluunniit piiaasinnaanatik.

*S. I. K. isumaqarpoq nunaqavissuunngitsut atugassarititaasut erseqqinnerusumik aalajangersarneqartut tunngavigalugit annikitsumik aatsitassarsiorlutik suliaqarsinnaassappata, tamanna takornariartitsisarnermut inuussutissarsiornermik siuarsaassasoq.*

Annikitsumik aatsitassarsiorluni ingerlatat innuttaasunut nunaqavissunut taamaallaat tunngatinneqarnerat, annikitsumik aatsitassarsiornissamut maleruagassani tamarmiusuni

pingaarnarpaanut ilaavoq. Inatsisartut inatsisaanni maannakkut atuuttumi aamma innuttaasut nunaqavissut, taakkua annikitsumik aatsitassarsiornissamut akuersissummik tunineqarsinnaalernissaannut, Kalaallit Nunaannut immikkut atassuteqartuunissaat piumasqaataavoq. Tamatuma allangortinneqarnissaa siunnersuummi matumani siunertarineqanngilaq.

Nunaqavissut annikitsumik aatsitassarsiornissamut akuersissummik peqartut, Kalaallit Nunaanni nunap sannaata takutinissaa siunertaralugu, inunnik nunaqavissuunngitsunik ilitsersuisoqarluni angalaarullugit ingiaqateqarsinnaanissaat, Inatsisartut inatsisaanni maannakkut atuuttumi ammaanpeqarpoq. Siunnersuummi periarfissaq taanna allangortinneqanngilaq.

*KANUKOKA isumaqarpoq siunnersuummi § 1, nr. 14 (§ 45, imm. 3) allatut oqaasertalernerqartariaqartoq, taamaalilluni oqaaseq ”inuttut atugassaq” peerneqassalluni.*

Siunnersuut allangortinneqanngilaq, tassami inuup pineqartup qaqugukkut aammalu qanoq annertutigisumik Kalaallit Nunaannit annissinnaanissaata immikkoortinnissaanut oqaaseq ”inuttut atugassaq” aalajangiisuulluinnartumik pingaaruteqartoq naliliisoqarmat. Oqaaseq ”inuttut atugassaq” aalajangersakkami oqaatsip ”inuit allat inuttut aammalu inuussutissarsiutiginagu atugassaat” atorneqarneranut ataqatigiissillugu atuarneqassaaq. Aalajangersagaq malillugu avammut annissinissamut akuersissummik peqarani ”inuttut atugassatut” nunaqavissut annissinnaasaat aatsitassat nalingi aallaaviatigut killeqartinneqanngillat. Aammattaaq aalajangersakkami allassimavoq, aatsitassanut nunaqavissup avammut annissinissamut akuersissummik peqarani ”inuit allat inuttut aammalu inuussutissarsiutiginagu atugassaattut” annissinnaasaasa, nalingi killeqartinneqartoq (ukiumut 25.000 kr.).

Aalajangersakkamut nassuiaatit innersuussutigineqarput, tassani allassimalluni aalajangersakkami, ilanngullugu oqaatsip ”inuttut atugassaq” atorneqarnera paasillugu, nunaqavissut Kalaallit Nunaannit aallarlutik pigisaminnik nassataqarunik, ilanngullugit assersuutigalugu aatsitassanik pinneraasiat, avammut annissinissamut akuersissummik qinnuteqartussaanninnerat qulakkeerneqassasoq.

*Kommuneqarfik Sermersooq isumaqarpoq siunnersuummi § 1, nr. 14-imi (§ 45, imm. 3) aningaasartanut killissaliussat 25.000 koruuniuneranni, akileraaruteqanngitsoornissamik pitsaaliuiniarneq akileraartarnermut oqartussaasut pisariaqanngitsumik ajornakusoornerulersissagaat.*

Aalajangersakkami maleruagassiivigineqarpoq, nunaqavissoq qaqugukkut immikkut avammut annissinissamut akuersissummik peqartassanersoq. Kisiannili aalajangersakkami akileraartarnermut tunngasut imaluunniit akileraartarnermut inatsimmi pissutsit allat

maleruagassiivigineqanngillat.

*Siunnersuummi § 1, nr. 14-imi (§ 45, imm. 1) aningaasartanut killissarititaasumik aalajangersaasoqanngitsoq, sooq siunnersuummi § 1, nr. 18 (§ 45 a, imm. 6) malillugu katersinissamut annikitsumik aatsitassarsiornissamut akuersissummik qinnuteqartoqartassanersoq, KANUKOKA apeqquusiivoq.*

Siunnersuummi, Inatsisartunut saqqummiunneqartumi, nassuiarneqarpoq, aatsitassanik ukiumut katersineq ataatsimut katillugu nalingat 100.000 koruunimit Anneruppat §45-soq.

*KANUKOKA isumaqarpoq siunnersuummi § 1, nr. 20 (§ 45 c), siunnersuummi § 1, nr. 4-imut (§ 33, imm. 1) sanilliullugu, pisariaqanngitsoq.*

Aalajangersakkat atuuffissaat assigiinngilaq. § 33, imm. 1-imi siunnersuutigineqartumi annikitsumik aatsitassarsiornissamut akuersissutit maleruagassiivigineqarput (Inatsisartut inatsisaanni kap. 8), § 45 c, imm. 1-imi siunnersuutigineqartumi §§ 45 aamma 45 a siunnersuutigineqartut malillugit akuersissummik peqarani katersisarneq paaasernerlu maleruagassiivigineqarluni (Inatsisartut inatsisaanni kap. 11).

Pisut marluk taakkua immikkoortisimaneqarnissaat, aatsitassanut ikummatissanullu inatsisip ataatsimut isigalugu aqqissugaaneranut aalajangiisuulluinnartumik pingaaruteqartoq naliliisoqarpoq, tassa imaappoq illuatungaani annikitsumik aatsitassarsiornissamut akuersissutit aammalu illuatungaani akuersissummik peqarani katersisarneq paaasernerlu. Taamaattumik aalajangersakkanik assigiinngitsunik marlunnik peqarnissaq pisariaqartinneqartoq naliliisoqarpoq.

*Hudson Resources Inc. aamma Nunatsinni Advokatit isumaqarput nunaqavissut aatsitassanik akisuunik katersitinneqartarnissaannik inerteqquteqarnerup atorunnaarsinneqarnerani, pisinnaatitsissummik pigisaqartut sumiiffimmi akuersissuteqarfiusumi nakkutiginnittarnerat ajornakusoornerulersinneqassasoq. Nunatsinni Advokatit isumaqarput pisinnaatitsissummik pigisaqartut mianerineqarnissaat, innuttaasut nunaqavissut aatsitassanik akisuunik katersinissamut periarfissaqarnissaannik mianerinninnissamit pingaarnerutinneqartariaqaraluartoq.*

Eqqorpoq siunnersuummi aatsitassanik akisuunik katersinissamik inerteqquteqarneq atorunnaarsinneqartoq. Taamaattoq kisermaassisussaatitaalluni pisinnaatitsissummik pigisaqartoq akuersiteqqaarnagu sumiiffimmi paaanissamut akuersissummi pineqartunut ilaasumi aatsitassanik kaanngarsimallutik nunamiittunik suli katersisoqarsinnaanngilaq. § 45 b, imm. 2 aamma 3 siunnersuutigineqartoq innersuussutigineqarpoq, tassani tamanna erseqqilluinnartumik allassimalluni.

*Aatsitassat annikitsumik aatsitassarsiornissamut pisinnaatitsissummik pigisaqartut nunaqavissuunngitsunut tuniniagassatut kissaatigisaasa nalingisa aalajangersarneqartarnerisa maleruagassiivigineqarnissaa NUP-ip ujarorpaa. NUP-ip tassunga atatillugu siunnersuutigaa 'annikinnerpaaffissatut killissaliussamik' atuutsitsisoqalissasoq.*

Nalingisa aalajangersarneqartarnerat pillugu maleruagassanik atuutsitsisoqalissappat kiisalu annikinnerpaaffissatut killissaliussamik atuutsitsisoqalissappat, suleqataasunut attuumassuteqartunut tamaginnut nutaamik tusarniaasoqartariaqalissasoq naliliisoqarpoq. Tamanna tunngavigalugu nalingisa aalajangersarneqartarnerannut tunngatillugu allannguuteqartitsisoqanngilaq. Taamaattoq allannguutit taamaattut isumaliutersuutigineqarsinnaasut aammalu siunissami allannguutissatut siunnersuummi ilanngunneqarsinnaasasut, siunnersuummi mattunneqanngilaq.

*Kommuneqarfik Sermersooq isumaqarpoq inuit ataasiakkaat, aatsitassanik tunisinissamik kissaateqartut, tuniniaanissamut akuersissummik, akileraartarnermut oqartussaasunut ilisimatitsissutigineqartartussamik, piniarnissamik pisussaaffilerneqassasut.*

Tuniniaanissamut akuersissummik peqarnissaq pillugu piumasqaammik siunnersuummi atuutsitsilersoqanngilaq. Suleqataasut tamarnik, ilanngullugit innuttaasut nunaqavissut, pinngortitami ujaqqanik katersisinnaatitaanerminnik atuisut, aatsitassanik allanut tunisininnaalernissaminnut tuniniaanissamut akuersissummik piniartarnissamik pisussaaffilerneqarnissaat maannakkorpiaq naleqqutinngitsoq naliliisoqarpoq. Taamaattoq allannguutit taamaattut isumaliutersuutigineqarsinnaasut aammalu siunissami allannguutissatut siunnersuummi ilanngunneqarsinnaasasut, siunnersuummi mattunneqanngilaq.

*Siunnersuummi § 1, nr. 21 (§ 45 e, imm. 5) malillugu aatsitassanik pisinermut uppernarsaasiinissamut piumasqaatit sukumiinerusut Kommuneqarfik Sermersuup ujarorpai.*

Uppernarsaasiinissamut piumasqaatinik sukumiinerusunik siunnersuummi atuutsitsilersoqanngilaq. Annertunerpaatigut aalajangersakkamut nassuiaatit innersuussutigineqarput, tassani uppernarsaasiineq qanoq naammassineqartassanersoq assersuusiortoqarmat. Aammattaaq aalajangersakkamut tunngavissut nassuiaatini allassimapput, ilanngullugit assersuutigalugu taakkua immikkut annissinissamut akuersissummik qinnuteqaateqarnissamik innersuunneqartariaqaratik, nunaqavissuunngitsunut aatsitassanik nunaqavissut tuniniaasarnerannut periaasissamik eqaannerusumik qulakkeerinissaq pillugu siunertaasoq.

*GE isumaqarpoq akileraarutinut nalunaarusiortarneq aamma akileraarutinik akiliisarneq*

*pillugit siunnersuummi § 1, nr. 24 (§ 86 a), taamaallaat suliaqartuusunut nunanit allaneersunut atuutsinneqartariaqaraluartoq, tassani tamatuma kingorna akileraartarnermut inatsisit atuutsinneqarnissaannut periarfissaqarneq ajornakusooruteqarsinnaalluni.*

Siunnersuut allanngortinneqanngilaq. Aalajangersagaq pisinnaatitsissummik pigisaqartunut tamaginnut, taakkua nunaqavissuunersut imaluunniit nunaqavissuunnginnersut apeqqutaatinnagu, atuutsinneqassasoq attatiinnarneqarpoq. Aalajangersakkami siunertaavoq aatsitassarsiornermik suliaassat, akileraartarnermut inatsisinut nalinginnaasunut naapertuuttumik, nunap karsianut taperseeqataasarnissaasa qulakkeerneqarnissaa. Taamaattumik nunaqavissut aamma nunaqavissuunngitsut assigiinngisinneqarnissaat naleqqutinngissorinarpoq, tassami tamarmik immikkut akileraartarnermut inatsisit nalinginnaasut isiginiarneqarnissaasa qulakkeerneqarnissaasut, tapertaasussatut isigineqarmata.

*Kommuneqarfik Sermersooq § 86 a-mut siunnersuutigineqartumut neriulluarnartumik isiginnippoq, kisianni isumaqarluni suliaqartuusut Kalaallit Nunaanni suliaqartooreersut eqqarsaatigalugit, aalajangersagaq aatsaat ukiorpassuit ingerlareerneranni atuutilertariaqaraluartoq.*

Aalajangersakkami akileraartarnermut inatsisini allannguuteqartitsinernik atuutilersitsisoqanngilaq. Taamaalilluni suliaqartuusut annertunerusumik akileraartarnissamik pisussaaffilerneqanngillat, imaluunniit suliaqartuusut allat akileraarutissaannik imaluunniit akitsuutinik akilerneqanngitsunik akiliinissamik pisussaaffilerneqartussaananik. Pisinnaatitsissummik pigisaqartup nammineerluni kiisalu pisinnaatitsissummik pigisaqartup entreprenøriisa, pilersuisuisa kiffartuussuisu ilaalu ilanngullugit akileraarutininik nalunaarutiginninnissaa aammalu akileraarutininik akiliutissap akileraartarnermut inatsimmut atuuttumut naapertuuttumik akilerneqarnissaanik pisussaaffioreersutut qulakkeernissaanik pisinnaatitsissummik pigisaqartup pisussaaffeqarnissaa taamaallaat aalajangersakkap malitsigissavaa. Atugassarititaasut assingusut ullumikkut Inatsisartut inatsisaat malillugu akuersissutini arlalinni aalajangersarneqartareerput, taamaattumik pisinnaatitsissummik pigisaqartut arlallit atugassarititaasut taamaattut ilisimareerpaat malittussaareerlugillu. Taamaattumik aalajangersakkap ukiorpassuarni atuutsikkiartuaarneqarnissaa pisariaqanngitsoq naliliisoqarpoq. Taamaattumik aalajangersagaq, § 2-imi siunnersuummi atuutilersitsinissamut aalajangersagaq naapertorlugu atuutilersinneqassasoq siunnersuutigineqarpoq.

*Allannguutininut sunulluunniit pisinnaatitsissummik pigisaqartut entreprenørit pilersuisorisamik akileraarutininik akiliutaannut akisussaalernissaannik malitseqartussanut Hudson Resources Inc. akerliuvoq, ilanngullugit pisinnaatitsissummik pigisaqartup taarsiinissamut akisussaasuutinneqarsinnaanera. Ingerlatseqatigiiffiup entreprenørip pilersuisorisamik akileraarutininik akiliinnginnerannut taarsiinissamik*

*akisussaasuutinneqannginnissaata uppersarneqarnissaa Hudson Resources Inc.-ip kissaatigaa.*

Pisinnaatitsissummik pigisaqartup allat akileraarutininik nalunaarutiginninnissaanut imaluunniit akileraarutininik akiliutaannut taarsiinissamut akisussaatinneqarnissaanik, siunnersuut malitseqassanngilaq. Aamma pisinnaatitsissummik pigisaqartup akileraarutininik akileeqqusinissaanik siunnersuut malitseqassanngilaq. Pisinnaatitsissummik pigisaqartup entreprenøriisa, pilersuisuisa kiffartuussisuisalu ilaalu ilanngullugit akileraarutininik nalunaarutiginninnissaa aammalu akileraarutininut akiliinissaa § 86 a siunnersuutigineqartoq malillugu pisinnaatitsissummik pigisaqartup qulakkiiginnartussaassavaa.

Pisinnaatitsissummik pigisaqartoq akileraarutininik imaluunniit akitsuutininik akilerneqanngissimasinnaasunik, pisinnaatitsissummik pigisaqartup entreprenøriisa, pilersuisuisa kiffartuussisuisalu ilaalu ilanngullugit akileraartarnermut oqartussaasunut naammassinngitsoorsimasaannut, akiliinissamut pisussaaffilerneqassanngilaq.

§ 86 a-imi siunnersuutigineqartup imarisai, ingerlatseqatigiiffimmut piaanissamut akuersissut malillugu pisussaaffiit malillugit pisartussanit Hudson Resources Inc.-ip malittussaariigaannit, annertunerunngillat. Akuersissut taanna tassungalu atugassarititaasut, ilanngullugit akileraarutininik nalunaarutiginnittarneq aamma akileraarutininik akiliisarneq pillugit atugassarititaasut, Hudson Resources Inc.-imut isumaqatiginninniutigineqarput aammalu tassannga atsiorneqareerlutik.

*GE isumaqarpoq siunnersuummi § 1, nr. 24 (§ 86 a) tullerriiaartut akisussaasuunerannut takussutissaasoq.*

Tamanna eqqorpoq. GE tusarniaanermut akissuteqaammuni akerlianik oqaaseqaraluartoq, er tullerriiaartumik akisussaasuuneq aatsitassanut ikummatissanullu inatsimmi tunngaviusuni pingaarnersaavoq. § 86 a siunnersuutigineqartoq tullerriiaartumik akisussaasuunermut tassunga takussutissaavoq. Aalajangersakkamut nassuiaatit siunnersuummi Inatsisartunut saqqummiunneqartumi erseqqissarneqarput, taamaalilluni erseqqissumik allassimalerluni, tullerriiaartumik akisussaasuuneq tassani pineqartoq.

Taamaattoq pisinnaatitsissummik pigisaqartoq entreprenørini, pilersuisuni kiffartuussisunilu ilaalu ilanngullugit, sinnerlugit akileraarutininut nalunaarutiginnissasoq imaluunniit akileraarutininik akiliissasoq, tassani pineqanngilaq. Hudson Resources Inc.-ip tusarniaanermut akissuteqaataanut tunngatillugu matuma siuliani oqaaseqaatit innersuussutigineqarput.

*Hudson Resources Inc. aamma Nunatsinni Advokatit isumaqarput siunnersuummi § 1, nr. 24 (§ 86 a, imm. 3) erseqqissarneqartariaqaraluartoq, taamaalilluni pisinnaatitsissummik pigisaqartoq ingerlataminik unitsitseqquneqarluni peqquneqarnissaa sioqqullugu, pisinnaatitsissummik pigisaqartoq naleqquttumik piffissamik killiliffigineqassalluni.*

Aalajangersakkamut nassuiaatit siunnersuummi Inatsisartunut saqqummiunneqartumi erseqqissarneqarput, taamaalilluni erseqqissumik allassimalerluni pisortat ingerlatsineranni inatsisini tunngaviusut nalinginnaasut, ilanngullugu annertoqqatigiimmik pinninnissaq pillugu tunngaviusoq, aamma aalajangersakkamut tassunga tunngatillugu atuuttoq. Nassuiaatini erseqqissarneqarpoq pisinnaatitsissummik pigisaqartoq taamaalilluni, akileraarutinik nalunaarutiginnittoqartoq aamma akileraarutinik akiliisoqartoq qulakkeernissaanut, naleqquttumik piffissamik killissaliivigineqassasoq.

*KANUKOKA isumaqarpoq Kalaallit Nunaanni isumaqatigiissitsiniartarnermut inatsimmut tunngasut isumaqatigiissitsiniartarneq pillugu aalajangersakkamut siunnersuutigineqartumut nassuiaatini nassuiarneqassasut.*

Isumaqatigiissitsiniartarneq pillugu aalajangersagaq siunnersuummi Inatsisartunut saqqummiunneqartumi peerneqarpoq. Tamatumunnga taarsiullugu, suleriaatsimut atuuttumut naapertuuttumik, isumaqatigiissitsiniartarnermut aalajangersakkat aamma akuersissutit oqaasertaanni siunissami maleruagassiivigineqartarnissaa naleqqunnerussasoq naliliisoqarpoq.

*Kisermaassisussaatitaalluni pisinnaatitsissummik pigisaqartut aamma kisermaassisussaatitaanani annikitsumik aatsitassarsiornissamut pisinnaatitsissummik pigisaqartut akornanni avatangiisinut apeqqutit pillugit isumaqatigiissitsiniarnermut suliaassaasunnaasuni kina akisussaasuunersoq, kiisalu inatsisit suut atorineqassanersut GME-ip apeqqutigaa.*

Kisermaassisussaatitaalluni pisinnaatitsissummik pigisaqartut aamma annikitsumik aatsitassarsiornissamut pisinnaatitsissummik pigisaqartut imaluunniit inuit allat imaluunniit pisinnaatitaasut pisussaatitaasullu allat kikkulluunniit akornanni aaqqiagiinngissuteqartoqalersimassappat, tamanna aallaaviatigut illuatungeriit namminersortut akornanni suliaassaasaaq. Tamanna Inatsisartut inatsisaanni atuuttumi maleruagassat malillugit taamaattussaareerpoq. Siunnersuummi tamanna allanngortinneqanngilaq.

*Aatsitassarsiorluni ingerlatat siunnersuutip atuutilernissaa sioqqullugu suliarineqartut, imaluunniit aalajangiinerit Inatsisartut inatsisaanni pineqartuni ilaasut, siunnersuutip atuutilernissaa sioqqullugu aalajangiiffigineqartut atuutilersitsineq pillugu siunnersuummi § 2-imi pineqartunut ilaatinneqassanngitsut Pinngortitamut, Avatangiisinut Nukissiuuteqarnermullu Naalakkersuisoqarfiup inassutigaa. Inassuteqaammut tunngavilersuutaavoq, akuersissutit pioreersut, ilanngullugit biilerneq il.il., Inatsisartut inatsisaat maannakkut atuuttoq aallaavigalugu nalilersorneqarsimammata, taamaattumik Pinngortitamut, Avatangiisinut Nukissiuuteqarnermullu Naalakkersuisoqarfik isumaqarluni,*



*akuersissut siunnersuummi pineqartunut ilaassappat, qinnuteqaammik nutaamik nassiussisoqassasoq aammalu nutaamik nalilersuisoqassalluni.*

Siunnersuut allangortinneqanngilaq, tassami siunnersuutip akuersissutitut atuuttunut aammalu aalajangiinernut aalajangiunneqareersunut tamaginnut atuunnissaa aalajangiisuulluinnartumik pingaaruteqartoq naliliisoqarmat. Biilernermit tunngatillugu aalajangersimasumik, matuma siuliani oqaaseqaatit innersuussutigineqarput, tassani siunnersuut allangortinneqarluni, taamaalilluni biilerneq immikkut suli akuersissuteqarfigineqartartussaalluni. Taamaalilluni naliliisoqanngilaq biilernermit tunngatillugu allannguuteqartoqartoq, nutaamik qinnuteqaateqarnissamik imaluunniit taassuma nalilersorneqarnissaanik pissutissaqalersitsisumik.

*Aatsitassarsiorluni ingerlatanut atatillugu neqeroortitsisarnermit maleruagassat annertunerusumik pisortatigoortunngortinneqarnissaat KANUKOKA-p ujartorpaa.*

Inatsisartut inatsisaat atuuttoq malillugu, pisinnaatitsissummik pigisaqartoq, sanaartugassanik isumaqatigiissuteqarneni, pilersuinerni aamma kiffartuussinerni qanoq annertutigisumik suliffeqarfinnik kalaallinit pigineqartunik atuisassanersoq akuersissutini aalajangersimasuni aalajangersarneqartartussaavoq. Suliassaqarfimmi tassani annertunerusumik maleruagassiisoqarnissaa, tamanna siunnersuutip matuma siunertaasa avataanniippoq atuuffissaaniinnanilu. Taamaattoq inatsimmik allannguuteqartitsinerni siunissami pisussani taamatut maleruagassiisoqarsinnaanera siunnersuummi mattunneqanngilaq.

*GME-ip siunnersuutigaa allannguutissatut siunnersuutip akuerisaasumik tuluttuunngorlugu nutsertinneqarnissaa Naalakkersuisut isumagissagaat.*

Inatsisissatut siunnersuummik suliaqarnermit kiisalu taakkua tusarniaassutigineqarnerannut suleriaatsinut nalinginnaasunut naapertuuttumik, najoqqutassat danskisut aamma kalaallisut suliarineqartarput. Suleriaaseq taanna siunnersuummi matumani aamma malinneqarpoq, kisianni ataasiakkaatigut saaffiginnittoqarnerini oqaatsit allat, ilanngullugu tuluit oqaasii, atorlugit Naalakkersuisut tusarniaanermut najoqqutassat imarisai pillugit ilitersuussisarlutik.

Inatsit inaarutaasumik Inatsisartuni akuerineqareerpat aatsaat, aatsitassanut suliaassaqarfimmi inatsisit pisortatigoortuunngitsumik tuluttuunngorlugit nutsertinneqartarnerat nalinginnaasumik suleriaaserineqarpoq. Siunnersuut akuerineqassappat, siunnersuutip inaarutaasumik akuerineqartup pisortatigoortuunngitsumik tuluttuunngorlugu nutsertinneqarnissaa naatsorsuutigineqarpoq.

*Akuersissutit tunniunneqartut pillugit paasissutissat nittartakkami tamanut saqqummiunneqartarnerat Alfred ER Jakobsen-ip ujartorpaa.*

Akuersissutit tunniunneqartut qinnuteqaatigineqartullu allattorsimaffiat Aatsitassanit Ikummatissanullu Aqutsisoqarfiup nittartagaani aaneqarsinnaavoq (<https://govmin.gl/minerals/current-licences>). Allattuiffik qaammammut marloriarluni nutarterneqartarpoq, taamaattoq juuli aamma aggusti ilaatinneqartaratik.

## **Siunnersuummi aalajangersakkanut ataasiakkaanut nassuiaatit**

### *§ 1-imut*

Nr. 1-imut (§ 3 d, imm. 1)

Aalajangersagaq nutaajuvoq, tassami Inatsisartut inatsisaanni atuuttumi aalajangiinerit eqqartuussivinnut suliakkiunnissaannik periarfissaqarneq maleruagassiivigineqangimmat.

Innuttaasut, oqartussaasut aamma inuussutissarsiortut piffissamut killiliussap naleqquttup iluani inatsisitigut inaarutaasumik pisinnaatitaaffeqarnissaasa qulakkeerreqarnissaa, aalajangersakkami siunertaavoq. Pisinnaatitsissummik pigisaqartut allallu Inatsisartut inatsisaanni suliassaqarfiit iluanni ingerlatanik suliaqartut, taamatutaaq suliap piffissap sivisuup ingerlareernerani eqqartuussivinnut suliakkiussinnaanissaa tassanilu allanngortinneqarsinnaanissaa ernumassutiginagu aalajangiinerit aalajangiunneqareersut tatigalugit iliuuseqarsinnaanissamik pisariaqartitsipput.

Aalajangersakkat assingusut danskit inatsisaanniipput, ilanngullugit avatangiisit allanngutsaaliorneqarnerat pillugu danskit inatsisaat, tassani pissutsit eqqartuussivinnut inatsisini pineqartunut ilaasut pillugit aalajangiinernik suliakkiussinissamut qaammatinik 6-inik piffissaqartitsilluni killissaliineq aallaaviatigut aalajangersarneqarluni. Taamaattoq avatangiisit allanngutsaaliorneqarnissaat pillugu danskit inatsisaat pisuni aalajangersimasuni ukioq ataaseq piffissaliilluni killissaliussisarpaq.

Danskit inatsisai allat, ilanngullugit aatsitassat pillugit danskit inatsisaat aamma pilersaarusiortarneq pillugu danskit inatsisaat aalajangiinerit eqqartuussivinnut suliakkiunnissaannut qaammatinik 6-inik piffissaliilluni killissaliinernik aalajangersaaviupput. Piffissap naleqquttup iluani ersarissumik inaarutaasumillu isummertoqarnissaanik inuiaqatigiinni pisariaqartitsisoqartillugu, avatangiisit allanngutsaaliorneqarnissaat, aatsitassat aamma pilersaarusiortarneq pillugit danskit inatsisaat ilaatigut tamarmik assigiimmik inuiaqatigiinni soqutigisanut pingaaruteqartunut maleruagassiiviupput. Inatsisartut inatsisaanni suliassaqarfiit iluanni pisariaqartitsineq taamaattoq aamma atuuppoq.

Aalajangersakkami siunnersuutigineqartumi eqqartuussivinnut aalajangiinermik suliakkiussinissamut piffissamut killiliussaqaq nalinginnaasoq ukiumik ataatsimik aalajangersarneqassasoq siunnersuutigineqarpoq. Qaammatinik 6-inik piffissamut killiliineq ukiumik ataatsimik piffissamut killiliinermut ataqatigiissillugu toqqarnissaanut taarsiullugu, piffissamut killiliinermi ukiup ataatsip toqqarneqarnera, pisariitsumik inatsisitigut inissisimanissamik kissaateqarneq eqqarsaatigalugu isigineqassaaq.

Aalajangersagaq aalajangiinerpiamut tunngatillugu suliakkiinermi atuutissaaq, ilanngullugu assersuutigalugu aalajangiinerup atuuffiinut imaluunniit sunniuteqarneranut tunngatillugu

eqqartuussivimmi misiliinermi, aammalu taarsiivigineqarnissamik piunasaqaateqarluni, allatigut akiliinissamik piunasaqaateqarluni imaluunniit aalajangiinermut tunngatillugu imaluunniit atatillugu allatut piunasaqaateqarnermut tunngatillugu suliakkiinissamut.

Aalajangiineq piffissap killissaliussap aallartiffia pillugu maleruagassanik marlunnik imaqqarpoq. Aalajangiineq suliami akuusumut nalunaarutigineqarpat, naammagittaalliornissamut killiliussaq ulloq nalunaaruteqarfiusoq aallarnerfigalugu naatsorsorneqassaaq. Taamaattoq aalajangiineq tamanut ammasumik nalunaarutigineqarpat, naammagittaalliornissamut killiliussaq ulloq tamanut ammasumik nalunaaruteqarfiusoq aallarnerfigalugu tamatigut naatsorsorneqartassaaq.

Taamatuttaaq piffissap killissaliussap naanera pillugu maleruagassaq aalajangersakkami aalajangersarneqarpoq. Piffissamut killiliussaq nalinginnaasoq arfininngornermi imaluunniit nalliuttumi naappat, piffissamut killiliussaq ulluinnarmut tullermut sivitsorneqassaaq.

Nr. 1-imut (§ 3 d, imm. 2)

§ 3 a malillugu aalajangiinerup naammagittaalliuutigineqarneranut aalajangersagaq maleruagassiivuvoq.

Naammagittaalliorneq pillugu suliami taamaattumi suliami akuusup suliap eqqartuussivinnut suliakkiunnissaanut periarfissaarutsinnginnissaa imaluunniit periarfissaasa ajornerulersinnginnissaat, aalajangersakkami qulakkeerneqarpoq. Pisuni taamaattuni aalajangiinerup eqqartuussivinnut suliakkiunnissaanut piffissamut killiliussaq taamaalluni aatsaat ulloq naammagittaalliorneq pillugu suliami aalajangiineq suliami akuusumut pineqartumut nalunaarutigineqarnera aallarnerfigalugu naatsorsorneqassaaq.

Nr. 1-imut (§ 3 d, imm. 3)

Naalakkersuisut allamik aalajangiisimangippata, eqqartuussivinnut suliakkiussineq aallaaviatigut kinguartitsinermik sunniuteqassanngitsoq aalajangersakkami aalajangersarneqarpoq.

Eqqartuussivinnut suliakkiussineq kinguartitsinermik sunniuteqassappat, aalajangiineq aatsaat suliap atorunnaarsinneqarani imaluunniit aalajangiineq allanngortinneqarani imaluunniit suliaq itigartinneqarani, suliakkiussineq taamaatinneqarani allatigulluunniit suliaassaajunnaarsinneqarani aalajangiiffigineqareerpat atuutilissaaq.

Kinguartitsinermik sunniuteqartitsinissaq pillugu apeqqutip aalajangiineq inuiaqatigiinnut, avatangiisinut imaluunniit pissutsinut pingaaruteqartunut allanut annertuunik sunniuteqarnerlunnermik malitseqarsinnaassanersoq, apeqqutaatinneqarsinnaavoq.

Nr. 1-imut (§ 3 d, imm. 4)

Aalajangersakkami aalajangersarneqarpoq, aalajangiineq eqqartuussivinnut suliakkiunneqarpat, Kalaallit Nunaanni Eqqartuussiviit suliamik, siullertut suliarinnittussatut, suliarinninnissamut aalajangiisinnaatitaasuussasut.

Nr. 2-imut

Annikitsumik aatsitassarsiorluni aatsitassarsiornermik ingerlataqarnissamut akuersissutit taaneqartarnerat ataatsimut isigalugu allangortinneqassasoq naleqquttuosorineqarpoq, taamaalilluni oqaatsit ”annikitsumik akuersissut” ilusaanni tamaginni oqaatsit marluttut allanneqarani, kisianni ataqatigiissutut ataasiinnartut allanneqalissalluni. Siunnersuummi tamarmi ”annikitsumik akuersissut”, ”annikitsumik akuersissut” aamma ”annikitsumik akuersissutit” allangortinneqarput imaalrlugit ”annikitsumik aatsitassarsiorinnissamut akuersissut”, annikitsumik aatsitassarsiorinnissamut akuersissut” aamma ”annikitsumik aatsitassarsiorinnissamut akuersissutit”.

Nr. 3-imut (§ 32, imm. 2)

§ 32-imi aalajangersakkat arlallit Aatsitassat pillugit ingerlatallu tamatumunnga pingaarutillit pillugit inatsisartut inatsisaat nr. 7, 7. december 2009-imeersup allanguuteqartinnissaa pillugu Inatsisartut inatsisaata nr. 26, 18. december 2012-imeersumi allangortinneqarput. Kukkunikkut katersugaasivimmumt, tassaasumut Nunatta Katersugaasivia imaluunniit katersugaasiviit pillugit inatsit malillugu katersugaasivimmumt akuerisaasumut annikitsumik aatsitassarsiorinnissamut akuersissummik tunniussisarneq pillugu imm. 6-imut innersuussineq, ilaanngitsumut imm. 9-itut allanneqarpoq. Taamaattumik siunnersuummi § 32, imm. 2-imi innersuussineq, imm. 3 aamma 9 allangortinneqarpoq imaalrlugu imm. 3 aamma 6.

Nr. 4-imut (§ 33, imm. 1)

Aalajangersakkami erseqqissarneqarpoq § 33, imm. 1, annikitsumik aatsitassarsiorinnissamut akuersissutinut tunngassuteqartoq. Aalajangersakkami uniffik kingulleq, annikitsumik aatsitassarsiorinnissamut akuersissummi, aatsitassat qinngornernik ulorianartunik akullit aatsitassarsiorluni misissuinermi imaluunniit piiaanermi ilaatinneqarsinnaanngitsut, nutaajuvoq. Siunnersuut malillugu taamaalilluni aatsitassat qinngornernik ulorianartunik akullit taamaallaat Inatsisartut inatsisaanni § 16 malillugu akuersissut nalinginnaasoq malillugu aatsitassarsiorluni misissuinermi aamma piiaanermi ilaatinneqarsinnaapput.

Nr. 4-imut (§ 33, imm. 2)

Aalajangersakkami uniffik siulleq aamma tullia, maannakkut aalajangersakkamik ingerlatitseqqiinerupput.

Aalajangersakkami aalajangersarneqarpoq Naalakkersuisut, aatsitassarsiorluni misissuinissamut tamatumalu kingorna piiaanissamut immikkut akuersissummik imaluunniit peqatigiissillugit aatsitassarsiorluni misissuinissamut aamma piiaanissamut akuersissummik ataqatigiissillugit akuersissummik, tunniussisinnaasut.

Ataqatigiissillugit aatsitassarsiorluni misissuinissamut aamma piiaanissamut akuersissut

malillugu pisinnaatitsissummik pigisaqartoq piffissaq akuersissuteqarfiusoq tamaat aatsitassarsiorluni misissuisinnaavoq paaasinnaallunilu. Akuersissut taamaattoq malillugu pisinnaatitsissummik pigisaqartoq, Naalakkersuisunut pisinnaatitsissummik pigisaqartoq peqarfimmik niuerneramik tunngaveqartumik piiarneqarsinnaasumik paasinarsisitsisimangikkaluartoq killissalersuisimangikkaluartorlu, paaanermik suliaqarsinnaavoq. Taamaalilluni qinnuteqaateqarnermut suleriaaseq aamma allaffissorneq, akuersissutinut taamaattunut immikkut ittunut, annertuumik pisariillisinneqassapput.

Aalajangersakkami uniffiit pingajuat nutaajuvoq. Aalajangersakkami aalajangersarneqarpoq, Inatsisartut inatsisaanni § 16 malillugu kisermaassisussaatitaalluni aatsitassarsiorluni misissuinissamut imaluunniit aatsitassanik paaanissamut akuersissummik nalinginnaasumik tunineqarnissamut Naalakkersuisut pisinnaatitsissummik pigisaqartoq akuerisinnaagaat.

Aammattaaq aalajangersakkami aalajangersarneqarpoq Naalakkersuisut salliusussaatitaanermut matuma siuliani taaneqartumut atugassarititaasunik atuutsisisinnaasut. Atugassarititaasut taamaattut ilaatigut tassaasinnaapput, sumiiffiup akuersissuteqarfiusup angissusaanut minnerpaaffiliilluni piumasaqaatit saneqqunneqarnissaat pillugu atugassarititaasut.

Sumiiffimmut akuersissuteqarfiusumut minnerpaaffissatut piumasaqaatit saneqqussinnaaneranni, assersuutigalugu Naalakkersuisut sumiiffik akuersissuteqarfiusoq annikitsumik aatsitassarsiornissamut akuersissut malillugu angissuserititap assinganik angissuseqartillugu, § 16 malillugu kisermaassisussaatitaalluni aatsitassarsiorluni misissuinissamut imaluunniit aatsitassanik paaanissamut akuersissummik nalinginnaasumik tunniussisinnaaneratt, tamatuma malitsigisinnaavaa.

Saneqqussisinnaanermik periarfissaqarnerup allap malitsigisinnaavaa Naalakkersuisut § 16 malillugu akuersissutit nalinginnaasut allat malillugit sumiiffiup akuersissuteqarfiusup angissusissaata angeqqataanik angissuseqartitsillutik, taamaalillutillu annikitsumik aatsitassarsiornissamut akuersissut malillugu sumiiffik akuersissuteqarfiusoq pineqartunut ilaatillugu kiisalu tamanna ajornarsimangippat, sumiiffiit allat sumiiffiup taassuma tungaanut eqqaanullu killeqartillugit, § 16 malillugu kisermaassisussaatitaalluni aatsitassarsiorluni misissuinissamut imaluunniit aatsitassanik paaanissamut akuersissummik nalinginnaasumik tunniussisinnaasut. Assersuutigalugu annikitsumik aatsitassarsiornissamut akuersissutit allat imaluunniit akuersissutit nalinginnaasut pissutaallutik imaluunniit sumiiffiit aalajangersimasut annikitsumik aatsitassarsiornissamut akuersissutinut inniminnerneqassasut pillugu politikikkut ingerlatsivinnilu aalajangiinerit pissutaallutik, tamanna ajornarsinnaavoq.

Aalajangersagaq § 38 a-imut siunnersuutigineqartumut, siunnersuummi § 1, nr. 13-imiittumut ataqatigiissillugu atuarneqassaaq, taanna malillugu annikitsumik aatsitassarsiorluni ingerlataqarneq aamma annikitsumik aatsitassarsiornissamut akuersissutit pillugit aalajangersakkanik erseqqinnerusunik aamma atugassarititaasunik Naalakkersuisut

aalajangersaasinnaallutik, ilanngullugit pissutsit §§ 32-38-imi taaneqartut pillugit.

Nr. 5-imut (§ 33, imm. 6)

Aalajangersakkap maannamut atuuttup imarisai siunnersuummi § 38 a-imi aalajangersakkatut nutaatut, siunnersuummi ingerlateqqinneqarput.

§ 33, imm. 6 siunnersuutigineqartoq nutaaq Inatsisartut inatsisaanni § 45 e-imek atuuttumik ilaannakortumik ingerlatitseqqiineruvoq. Siunnersuutip atuutilernerani aalajangersagaq Inatsisartut inatsisaanni kapitali 11-imiit Inatsisartut inatsisaanni kapitali 8-imut nuunneqassaaq. Taamaalilluni aalajangersakkap annikitsumik aatsitassarsiornissamut maleruagassanut tunngassuteqarnera erseqqissarneqarpoq.

Annikitsumik aatsitassarsiornissamut akuersissut malillugu pisinnaatitsissummik pigisaqartoq sumiiffimmi akuersissuteqarfiusumi ilitersuisoqarluni angalaartitsinernik aaqqissuussisinaanera aalajangersakkami periarfissiissutigineqarpoq. Aalajangersakkami erseqqissarneqarpoq nunaqavissut aamma nunaqavissuunngitsut angalaartitsinerni taamaattuni peqataasinnaasut. Taamaaliornikkut Kalaallit Nunaanni ujarassiorneq pillugu nunaqavissut ilinniartitaanerannik eqqarsaatiginninneq, kiisalu Kalaallit nunaanni takornarianut annertunerusumik takusagassaqartitsinissamik eqqarsaatiginninneq, isumagineqassapput.

Aalajangersakkami aalajangersarneqarpoq Naalakkersuisunit akuersissuteqarfigineqarnissaq piunnaqaaqartigineqartoq. Naalakkersuisut akuersissuteqarnermi atugassarititaasunik aalajangersaasinnaapput, ilanngullugit angalaarnermi aatsitassanik katersisarneq paaasernerlu pillugit. Aalajangersagaq nunaqavissunut aamma nunaqavissuunngitsunut avammut annissisarneq pillugu maleruagassanut ataqtigiissillugu atuarneqassaaq.

Nr. 6-imut (§ 34, imm. 1)

Imm. 1-imi Inatsisartut inatsisaanni atuuttumi § 34, imm. 5 ingerlateqqinneqarpoq.

Inatsisartut inatsisaanni atuuttumi § 33, imm. 5 malillugu inuk qaammatisiutit malillugit ukiumi ataatsimi annikitsumik aatsitassarsiornissamut akuersissutini 5-init amerlanerusuni pisinnaatitsissummik pigisaqartuusinnaangilaq.

Annikitsumik aatsitassarsiornissamut akuersissutit sukkulluunniit atuuttut aammalu annikitsumik aatsitassarsiornissamut akuersissutit malillugit pisinnaatitsissummik pigisaqartunut ataatsimoortillugit tunniunneqartut amerlanerpaaffissaat pillugit aalajangersakkanik Naalakkersuisut aalajangersaasinnaasut, siunnersuummi § 34, imm. 1-imi aalajangersakkami inatsisitigut tunngavissaliisoqarpoq.

Inuiaqatigiinni piujuartitsiviusumik aammalu pisuussutitigut isumannaatsumik Kalaallit Nunaanni aatsitassarsiornermut suliaqqarfiup naleqquttumik ineriartortinneqarnissaa eqqarsaatigalugu annikitsumik aatsitassarsiorniluni ingerlataqarnissamik Naalakkersuisut maleruagassiisinaanerat aalajangersakkami ajornarunnaarsinneqarpoq.

Nr. 6-imut (§ 34, imm. 2)

Imm. 2-imi Inatsisartut inatsisaanni atuuttumi § 34, imm. 6 ingerlateqqinneqarpoq.

Aalajangersagaq annikitsumik aatsitassarsiornissamut akuersissummut piffissamut akuersissuteqarfiusussamut nalinginnaasumut tunngassuteqarpoq. Aalajangersakkami aalajangersarneqarpoq, Naalakkersuisut piffissamut ukiut 3-it tikillugit annikitsumik aatsitassarsiorniluni aatsitassanik misissuinissamut imaluunniit piiaanissamut akuersissummik tunniussisinnaasut.

Siunnersuummi imm. 2-imi piffissamut akuersissuteqarfiusumut siullermut ukiunik 3-inik killiliinermi aammalu siunnersuummi imm. 3-imi annikitsumik aatsitassarsiornissamut akuersissutip sivitsorneqarnissaanut piiaanermik ingerlataqarnerup ingerlaannarnissaanik piunasaqaateqarnermi, allat nunaminertami annikitsumik aatsitassarsiornissamut akuersissut malillugu pisinnaatitsissummik pigisaqartumit suliaqarluni atorniarneqanngitsumi aatsitassarsiorniluni ingerlataqarluni suliaqarnissamut periarfissaarutsinnginnissaat qulakkeerneqassaaq.

Nr. 6-imut (§ 34, imm. 3)

Imm. 3-imi Inatsisartut inatsisaanni atuuttumi § 34, imm. 7 ingerlateqqinneqarpoq.

Aalajangersagaq kisermaassisussaataitaalluni annikitsumik aatsitassarsiornissamut akuersissutip sivitsorneqartarneranut tunngassuteqarpoq, ilanngullugu kisermaassisussaataitaalluni annikitsumik aatsitassarsiornissamut akuersissummut piffissap akuersissuteqarfiusup sivilunerpaaffissaa.

Akuersissutit kisermaassisussaataitaaffeqartumik tunniunneqartut, ukiut 10-ikkaartut tikillugit sivitsorneqarsinnaapput, taamaattoq annerpaamik ataatsimut katillugu piffissamut ukiunik 30-inik sivilussusilimmut. Pisinnaatitsissummik pigisaqartup kisermaassisussaataitaalluni annikitsumik aatsitassarsiornissamut akuersissutip sivitsorneqarnissaanut pisinnaatitaaffeqarnerani tunngavissaatinneqarpoq, pisinnaatitsissummik pigisaqartup aatsitassanik peqarfinnik niuerneramik tunngaveqartumik piiarneqarsinnaasunik paasinarsisitsisimassasoq, piiaanissamut pilersaarummut naapertuuttumik peqarfimmi piianeq aallartinneqarsimalluni ingerlanneqarlunilu, taamaattoq takuuk siunnersuummi § 38, imm. 2, aammalu atugassarititaasut piunasaqaatillu annikitsumik aatsitassarsiornissamut akuersissummi allassimasut naammassineqarsimassasut.

Siunnersuummi imm. 2-imi piffissamut akuersissuteqarfiusumut siullermut ukiunik 3-inik killiliinermi aammalu siunnersuummi imm. 3-imi annikitsumik aatsitassarsiornissamut akuersissutip sivitsorneqarnissaanut piiaanermik ingerlataqarnerup ingerlaannarnissaanik piunasaqaateqarnermi, allat nunaminertami annikitsumik aatsitassarsiornissamut akuersissut malillugu pisinnaatitsissummik pigisaqartumit suliaqarluni atorniarneqanngitsumi



aatsitassarsiorluni ingerlataqarluni suliaqarnissamut periarfissaarutsinnginnissaat qulakkeerneqassaaq.

Nr. 6-imut (§ 34, imm. 4)

Imm. 4-imi Inatsisartut inatsisaanni atuuttumi § 34, imm. 1 ingerlateqqinneqarpoq. Siunnersuummi imm. 4-imi, imm. 5-7-imi aalajangersakkanut tamakkiisumik ilaannaasumillu nutaanut innersuussut, ilanngunneqarpoq.

Nr. 6-imut (§ 34, imm. 5)

Imm. 5-imi Inatsisartut inatsisaanni atuuttumi § 34, imm. 2 ingerlateqqinneqarpoq.

Aalajangersagaq malillugu kisermaassisussaatitaalluni annikitsumik aatsitassarsiornissamut akuersissummut sumiiffik akuersissuteqarfiusoq nunaminertamit 1 km<sup>2</sup>-imit annertunerusinnaangilaq.

Sumiiffimmik akuersissuteqarfimmik killiliineq suliaqarnermut inerilluarsimanerusumut aammalu teknikkikkut ineriartortinneqarluarsimasumut tunngatinneqarpoq, tassani peqarfimmik taamaattumik peqartoq ilisimasaqarneq imaluunniit ilimagisaqarneq tunngavigalugu peqarfimmik aalajangersimasumik killissalernerqartumik, inuussutissarsiutigalugu piiarneqarsinnaasumik pīaanissamik siunnerfeqarnerusumik pilersaarusiortoqassalluni. Kisermaassisussaatitaalluni annikitsumik aatsitassarsiornissamut akuersissut malillugu ingerlatat ataatsimut isigalugu, ingerlatani kisermaassisussaatitaanani annikitsumik aatsitassarsiornissamut akuersissut malillugu ingerlanneqartuni pisartutut, aatsitassanik inuussutissarsiutigalugu piiarneqarsinnaasunik misissuinermi pilersaarusiugaanngitsumik ingerlanneqartussatut malunnaateqassanngillat.

Nr. 6-imut (§ 34, imm. 6)

Aalajangersagaq kisermaassisussaatitaalluni annikitsumik aatsitassarsiornissamut akuersissummut sumiiffimmik akuersissuteqarfiusumut tunngassuteqarpoq. Aalajangersagaq Inatsisartut inatsisaanni atuuttumi imm. 3-imut aamma 4-imut kisermaassisussaatitaanani annikitsumik aatsitassarsiornissamut akuersissummut sumiiffimmik akuersissuteqarfiusumut tunngasumut, assinguvoq (takuuk siunnersuummi imm. 7).

Imm. 6-imi aalajangersakkami allassimavoq, kisermaassisussaatitaalluni annikitsumik aatsitassarsiornissamut akuersissummut sumiiffimmi akuersissuteqarfiusumi sumiiffiit aatsitassarsiorluni misissuinissamut imaluunniit aatsitassanik pīaanissamut kisermaassisussaatitaalluni akuersissummi nalinginnaasumi Inatsisartut inatsisaanni atuuttumi § 16 malillugu tunniunneqarsimasumi pineqartunut ilaasut, ilaatinneqanngitsut. Aalajangersakkami aamma allassimavoq kisermaassisussaatitaalluni annikitsumik aatsitassarsiornissamut akuersissummut sumiiffimmi akuersissuteqarfiusumi sumiiffiit kisermaassisussaatitaalluni annikitsumik aatsitassarsiornissamut akuersissummi allami pineqartunut ilaasut, ilaatinneqanngitsut. Pisinnaatitsissummik pigisaqartoq kisermaassisussaatitaalluni annikitsumik aatsitassarsiornissamut akuersissummik imaluunniit

kisernaassisussaatitaalluni akuersissummik nalinginnaasumik peqartoq, taamaalilluni sumiiffiup akuersissuteqarfiusup iluani ingerlatanik suliaqarnissamut kisernaassisussaatitaavoq.

Nr. 6-imut (§ 34, imm. 7)

Imm. 7-imi Inatsisartut inatsisaanni atuuttumi § 34, imm. 3 aamma 4 ingerlateqqinneqarput.

Aalajangersagaq kisernaassisussaatitaanani annikitsumik aatsitassarsiornissamut akuersissummut sumiiffimmut akuersissuteqarfiusumut tunngassuteqarpoq. Aalajangersagaq taamaaqataa kisernaassisussaatitaalluni annikitsumik aatsitassarsiornissamut akuersissummut tunngassuteqartoq siunnersuummi § 34, imm. 6-imiippoq.

Imm. 7-imi aalajangersakkami allassimavoq, kisernaassisussaatitaanani annikitsumik aatsitassarsiornissamut akuersissummut sumiiffimmi akuersissuteqarfiusumi sumiiffiit, aatsitassarsiorniluni misissuinissamut imaluunniit aatsitassanik piiaanissamut kisernaassisussaatitaalluni akuersissummi nalinginnaasumi Inatsisartut inatsisaanni atuuttumi § 16 naapertorlugu tunniunneqarsimasumi, pineqartunut ilaasut, ilaatinneqanngitsut. Aalajangersakkami aamma allassimavoq, kisernaassisussaatitaanani annikitsumik aatsitassarsiornissamut akuersissummut sumiiffimmi akuersissuteqarfiusumi, sumiiffiit kisernaassisussaatitaalluni annikitsumik aatsitassarsiornissamut akuersissummi allami pineqartunut ilaasut, ilaatinneqanngitsut. Pisinnaatitsissummik pigisaqartoq annikitsumik aatsitassarsiornissamut akuersissummik imaluunniit kisernaassisussaatitaalluni akuersissut nalinginnaasumik tunineqarsimasoq, taamaalilluni sumiiffiup akuersissuteqarfiusup iluani ingerlatanik suliaqarnissamut kisernaassisussaatitaavoq.

Imm. 7-imi aalajangersagaq siunnersuummi §§ 34 a-imut aamma 34 b-imut ataqatigiissillugu atuarneqassaaq atorneqassallunilu.

Nr. 7-imut (§ 34 a, imm. 1)

Imm. 1-imi aalajangersagaq Inatsisartut inatsisaannut atuuttumut sanilliullugu nutaajuvoq.

Aalajangersagaq siunnersuummi § 34, imm. 7-imi ilaatitsinnginnermut aalajangersagaavoq. Aalajangersakkami allassimavoq kisernaassisussaatitaanani annikitsumik aatsitassarsiornissamut akuersissut, tamatumunnga allaganngorlugu akuersineq kisernaassisussaatitaanermut akuersissut malillugu pisinnaatitsissummik pigisaqartumit nalunaarutigineqarsimappat, sumiiffimmut Inatsisartut inatsisaanni atuuttumi § 16 malillugu aatsitassarsiorniluni misissuinissamut imaluunniit aatsitassanik piiaanissamut kisernaassisussaatitaalluni akuersissummi nalinginnaasumi imaluunniit Inatsisartut inatsisaanni atuuttumi § 33 malillugu kisernaassisussaatitaalluni annikitsumik aatsitassarsiornissamut akuersissummi pineqartunut ilaasumut, tunniunneqarsinnaasoq.

Aalajangersakkami ilaatigut siunertaavoq kisernaassisussaatitaanani annikitsumik aatsitassarsiornissamut akuersissutit malillugit pisinnaatitsissummik pigisaqartut, sumiiffinni

kisermaassisussaatitaanermut akuersissummi pineqartunut ilaasuni, ingerlatanik suliaqarsinnaanissaannut kisermaassisussaatitaanermut akuersissut malillugu pisinnaatitsissummik pigisaqartut akuersisinnaanissaannut, aammalu kisermaassisussaatitaanermut akuersissutit malillugit pisinnaatitsissummik pigisaqartut kisermaassisussaatitaanani annikitsumik aatsitassarsiornissamut akuersissutit malillugit pisinnaatitsissummik pigisaqartunik suleqateqalernissaannut, peqataanissaq, taamaaliornikkut Kalaallit Nunaanni aatsitassanik pitsaanerusumik atorluaasarneq qulakkeerpeqassalluni.

Akuersineq taamaattoq atugassarititaasut erseqqinnerusut tunngavigalugit tunniunneqarsinnaavoq, assersuutigalugu akuersinermi sumiiffiup akuersissuteqarfiusup ilai kisimik pineqartunut ilaasut, imaluunniit akuersineq aatsitassanut aalajangersimasunut tunngasuusoq.

Aalajangersakkami siunertaavoq, sumiiffik assersuutigalugu kisermaassisussaatitaanermut akuersissut malillugu pisinnaatitsissummik pigisaqartumit suliaqarluni atorniarneqanngippat, allat sumiiffimmi aatsitassarsiorniluni ingerlatanik suliaqarnissamut periarfissaqarnissaasa siuarsarneqarnissaat. Aalajangersakkami aalajangersarneqarpoq kisermaassisussaatitaanermut akuersissut malillugu pisinnaatitsissummik pigisaqartup kisermaassisussaatitaanera tassarpiaasoq kisermaassisussaatitaaneq, kisianni peqatigisaanik allassimalluni inuk kisermaassisussaatitaanani annikitsumik aatsitassarsiornissamut akuersissut malillugu sumiiffimmi kisermaassisussaatitaaffiusumi aatsitassarsiorniluni ingerlatanik suliaqarsinnaaneranut, pisinnaatitsissummik pigisaqartoq akuersisinnaasoq.

Sumiiffimmi ataatsimi kisermaassisussaatitaanani annikitsumik aatsitassarsiornissamut akuersissut malillugu ingerlatanik suliaqarnerup aamma kisermaassisussaatitaanermut akuersissut malillugu ingerlataqarnerit ataqatigiissinneqarnissaat, ilaatigut akuersissutinut assigiinngitsunut marlunnut taakkununnga atugassarititaasuni nalinginnaasuni maleruagassiivigineqarsinnaavoq.

Nr. 7-imut (§ 34 a, imm. 2)

Imm. 2-imi aalajangersagaq, Inatsisartut inatsisaannut atuuttumut naleqqiullugu, nutaajuvoq.

Aalajangersakkami allassimavoq kisermaassisussaatitaanermut akuersissut malillugu pisinnaatitsissummik pigisaqartup sukkulluunniit siunnersuummi § 34 a, imm. 1 malillugu akuersinini utertissinnaagaa.

Kisermaassisussaatitaanani annikitsumik aatsitassarsiornissamut akuersissut malillugu pisinnaatitsissummik pigisaqartoq, sumiiffimmi kisermaassisussaatitaalluni akuersissummi pisinnaatitsissummik pigisaqartup pigisaani pineqartunut ilaasumi, annikitsumik aatsitassarsiornissamut akuersissut malillugu ingerlatanik suliaqarsinnaajunnaartoq, kisermaassisussaatitaanermut akuersissut malillugu pisinnaatitsissummik pigisaqartup kisermaassisussaatitaanani annikitsumik aatsitassarsiornissamut akuersissut malillugu pisinnaatitsiissummik pigisaqartumut nalunaarutigalugu, akuersinini utertissinnaavaa.

Akuersinerup utertinneqarnerata malitsigisaanik, kisermaassisussaatitaanani annikitsumik aatsitassarsiornissamut akuersissummi tamatuma kingorna sumiiffik kisermaassisussaatitaalluni akuersissummi pineqartunut ilaasoq, ilaatinneqarunnaassaaq.

Pisinnaatitsissummik pigisaqartut piffissamut killiligaanngitsumut akuersinerminnut qilersorsimatinneqaratik, kisermaassisussaatitaanermut akuersissut malillugu pisinnaatitsissummik pigisaqartup, kisermaassisussaatitaanani annikitsumik aatsitassarsiornissamut akuersissutit malillugit pisinnaatitsissummik pigisaqartut, sumiiffimmi kisermaassisussaatitaalluni akuersissummi pineqartunut ilaasumi, ingerlatanik suliaqarnissamut akuersisarnissaa, aalajangersakkami pilerinaateqarnerulersinneqassaaq.

Nr. 7-imut (§ 34 a, imm. 3)

Imm. 3-imi aalajangersagaq, Inatsisartut inatsisaannut atuuttumut naleqqiullugu, nutaajuvoq.

Aalajangersakkami allassimavoq, kisermaassisussaatitaanani annikitsumik aatsitassarsiornissamut akuersissut malillugu pisinnaatitsissummik pigisaqartoq siunnersuummi § 34 a, imm. 1 malillugu akuersinermik tigusaqarsimasoq, akuersinerup utertinneqarnera imaluunniit taassuma malitsigisaanik annaasaqarneq tunngavigalugu, kisermaassisussaatitaanermut akuersissut malillugu pisinnaatitsissummik pigisaqartumut imaluunniit Naalakkersuisunut taarsiissuteqarnissamik piunasaqaateqarsinnaanngitsaq, imaluunniit kisermaassisussaatitaanermut akuersissut malillugu pisinnaatitsissummik pigisaqartumut imaluunniit Naalakkersuisunut allanik piunasaqaateqarsinnaanngitsaq.

Kisermaassisussaatitaanermut akuersissut malillugu pisinnaatitsissummik pigisaqartunut aningaasaqarnikkut sunniuteqarsinnaanngitsumik akuersinerminnik utertitsisinnaallutik, kisermaassisussaatitaanermut akuersissut malillugu pisinnaatitsissummik pigisaqartut, kisermaassisussaatitaanani annikitsumik aatsitassarsiornissamut akuersissutit malillugit pisinnaatitsissummik pigisaqartut, sumiiffinni kisermaassisussaatitaalluni akuersissummi pineqartunut ilaasuni, ingerlatanik suliaqarnissamut akuersisarnissaat, aalajangersakkami pilerinaateqarnerulersinneqassaaq.

Nr. 8-imut (§ 35, imm. 4)

§ 35, imm. 4-imi aalajangersakkami, Inatsisartut inatsisaanni atuuttumi § 35, imm. 4 ingerlateqqinneqarpoq erseqqissarneqarlunilu.

Aalajangersakkami erseqqissarneqarpoq inuk § 35, imm. 4 malillugu ingerlatanik suliaqartoq tassaasinnaasoq, pisinnaatitsissummik pigisaqartumit atorfinitsinneqarsimanani pisinnaatitsissummik pigisaqartoq sinnerlugu ingerlatanik suliaqartoq. Assersuutigalugu inuk pisinnaatitsissummik pigisaqartumut isumaqatigiissuteqarnermi suleqataasumit atorfinitsinneqarsimasinnaavoq, taannalu aqutugalugu aningaasarsiaqartinneqarluni imaluunniit inuk taanna sinnerlugu aningaasarsiaqarani ingerlatanik suliaqarsinnaalluni.

Taamaattoq § 35, imm. 5 malillugu piumasaqaataavoq, sukkulluunniit inuit sumiiffimmi akuersissuteqarfiusumi kisermaassisussaataalluni annikitsumik aatsitassarsiornissamut akuersissut malillugu ingerlatanik suliaqartut, ataatsikkut 10-init amerlanerussanngitsut.

Imm. 4-imi aamma 5-imi aalajangersakkami siunertaavoq, ingerlatanik suliaqarnerup ”annikitsumik” iluseqarnissaanik qulakkeerinissaq aammalu annikitsumik aatsitassarsiorniluni suliaqarnissamut periarfissaqarnermut, inuinnarnut nunaqavissunut, nunani tamalaani aatsitassarsiornifitileqatigiiffittuut aningaasaatilissuunngitsunut piginnaasaqanngitsunullu, sammitinneqartumut siunertaasup naammassineqarnissaa.

Nr. 9-imut (§ 36, imm. 1)

Imm. 1-imi af Inatsisartut inatsisaanni atuuttumi § 36, imm. 1 ingerlateqqinneqarpoq erseqqissarneqarlunilu.

Aalajangersakkami oqaaseq ”aalajangersakkat” ataatsimut isigalugu allanngortinneqarpoq imaalerlugu ”atugassarititaasut”. Taamaalilluni aalajangersakkami erseqqissarneqarpoq Naalakkersuisut akuersissut malillugu aatsitassarsiornermik suliaqarnissaq pillugu annikitsumik aatsitassarsiornissamut akuersissummi atugassarititaasussanik erseqqinnerusunik aalajangersaassasut.

Naalakkersuisut annikitsumik aatsitassarsiornissamut akuersissummi ilaatigut aatsitassarsiorniluni misissuinermi aamma paaanermi ingerlatat pillugit nalunaarusiortarneq aamma ingerlatat unitsinneqarneranni naggataarutaasumik nalunaarusiortarneq pillugit atugassarititaasunik aalajangersaasinnaapput.

Naalakkersuisut annikitsumik aatsitassarsiornissamut akuersissummi atugassarititaasunik aalajangersaagunik aammalu atugassarititaasut naammassineqarnersut naliliillutik, Naalakkersuisut pisinnaatitsissummik pigisaqartup aatsitassarsiorniluni ingerlatassat pilersaarutigisaat isiginiassavaat, ilanngullugit ingerlatat suussusaat aamma annertussusaat. Pissutsit taaneqartut pillugit paasissutissat ilaatigut pisinnaatitsissummik pigisaqartup annikitsumik aatsitassarsiornissamut akuersissummik tunineqarnissamut qinnuteqaataani aamma paaanissamut pilersaarutaani, takuneqarsinnaapput, taamaattoq takuuk siunnersuummi § 38, imm. 2.

Ingerlatat killeqartut annikitsumik aatsitassarsiornissamut akuersissut malillugu sularineqarsinnaasut, malitsigisaannik, ilaatigut pisinnaatitsissummik pigisaqartup paasissutissanik nalunaarusiornernillu tunniussisarnissaanut piumasaqaatit annikinnerutinneqarput.

Ingerlatat imaluunniit pissutsit allannguuteqarneranni pisariaqartinneqalerpat Naalakkersuisut annikitsumik aatsitassarsiornissamut akuersissummi atugassarititaasunik allannguuteqartunik aalajangersaasinnaapput.

Nr. 9-imut (§ 36, imm. 2)

Imm. 2-imi Inatsisartut inatsisaanni atuuttumi § 36, imm. 2 ingerlateqqinneqarpoq erseqqissarneqarlunilu.

Aalajangersakkami oqaaseq ”aalajangersakkat” ataatsimut isigalugu allanngortinneqarpoq imaalerlugu ”atugassarititaasut”. Aalajangersakkami taamaalilluni erseqqissarneqarpoq, ingerlatassat suut immikkut akuersissuteqarfigineqarani suliarineqarsinnaanersut, immikkut akuersissuteqarfigineqarluni aatsaat suliarineqarsinnaanersut aammalu suliarineqaqqusaannginersut, pillugu annikitsumik aatsitassarsiornissamut akuersissummi atugassarititaasunik erseqqinnerusunik Naalackersuisut aalajangersaassasut.

Nr. 9-imut (§ 36, imm. 3)

Imm. 3-imi Inatsisartut inatsisaanni § 36, imm. 3 ingerlateqqinneqarpoq.

Siunnersuut malillugu oqaaseq ”minnerusut” atorunnaarpoq. Siunnersuummi imm. 3 malillugu kisermaassisussaataitanani annikitsumik aatsitassarsiornissamut akuersissut malillugu ingerlatassat tassaassapput, aatsitassanik kaanngaqqasunik katersineq aamma ikiorsiiniutit tigummiannartakkat, assersuutigalugu kaataq, qussaataq, kaanngartiterut aamma sillaq, atorlugit aatsitassanik piiaaneq, taamaattoq takuuk siunnersuummi imm. 4 (takuuk siunnersuummi § 36, imm. 4).

Ikiorsiiniutit kisermaassisussaataitanani annikitsumik aatsitassarsiornissamut akuersissut malillugu Naalackersuisunit immikkut akuersissuteqarfigineqanngitsumik atorneqarsinnaasut tassaapput, ikiorsiiniutit tigummiannartakkat siunertaat atuuffiilu ikiorsiiniutinut tigummiannartakkanut sanilliunneqarsinnaasut, soorlu assersuutigalugu kaataq, qussaataq, kaanngartiterut aamma sillaq. Ikiorsiiniutit allattorneqarnerat tamakkiisuunngilaq.

Siunnersuummi imm. 3-imi killissaliinerni, annikitsumik aatsitassarsiorniluni ingerlataqarnerit, sumiiffimmuut akuersissuteqarfiusumut tassanilu pinngortitamut avatangiisinullu annikinnerusumik innarliisussatut ittuunerat, takuneqarsinnaavoq. Aalajangersagaq aamma, annikitsumik aatsitassarsiorniluni aatsitassarsiornernik ingerlataqarnerit, pissutsinut aatsitassarsiorniluni ingerlataqarnernut tunngatillugu isumannaallisaanermut, peqqinnissamut avatangiisinullu isumannaatsumik suliarineqartarnissaannik qulakkeereqataavoq.

Nr. 9-imut (§ 36, imm. 4)

Imm. 4-imi Inatsisartut inatsisaanni atuuttumi § 36, imm. 4 ingerlateqqinneqarpoq erseqqissarneqarlunilu.

Inatsisartut inatsisaanni atuuttumi imm. 4-imik imarisaatigut allannguuteqartitsinissaq siunnersuummi imm. 4-imi siunertaanngilaq, kisiannili paarlattuanik aalajangersakkap erseqqissarneqarnissaa siunertaalluni.

Aalajangersakkami allassimavoq, akuersissut malillugu aatsitassarsiorluni ingerlataqarnerit sumiiffimmi aalajangersimasumi ataatsimi arlalinniluunniit ikiorsiiniutit tigummiannartakkat motoorillit, soorlu assersuutigalugu qillerut innaallagiartortoq, pilattuut innaallagiartortoq aamma seqtuserut innaallagiartortoq, atorlugit, imaluunniit annikitsumik qaartiterinerit atorlugit aamma suliarineqarsinnaasut, immikkut akuersissuteqarfigineqarnissamik kisermaassisussaatitaanani annikitsumik aatsitassarsiornissamut akuersissut malillugu pisinnaatitsissummik pigisaqartoq Naalakkersuisunut qinnuteqarsinnaasoq. Allatorneqartut tamakkiisuunngillat.

Aalajangersakkami aamma allassimavoq imm. 4 tassungalu atugassarititaasut malillugit taamatut akuersissuteqartarneq pillugu aalajangersakkanik erseqqinnerusunik Naalakkersuisut aalajangersaasinnaasut.

Immikkut ittumik akuersissuteqartarneq taanna Naalakkersuisut siunnersuummi imm. 4 malillugu kisermaassisussaatitaanani annikitsumik aatsitassarsiornissamut akuersissut malillugu pisinnaatitsissummik pigisaqartumut nalunaarutigisinnaasaat, Inatsisartut inatsisaanni atuuttumi imm. 4-imi annikitsumik qaartiterinissamut akuersissutitut taaneqarpoq. Akuersissut annikitsumik qaartiterinermik atuinermut aamma annikitsumik qaartiterinermut attuumassuteqanngitsumik ikiorsiiniutinik motoorilinnik atuinermut tunngassuteqarsinnaammat, oqaaseq ”annikitsumik qaartiterinissamut akuersissut” siunnersuummi allanngortinneqarpoq imaaleralugu ”immikkut ittumik akuersissuteqarneq”.

Imm. 4-imi aalajangersakkami siunertaavoq, pisinnaatitsissummik pigisaqartup sumiiffimmi akuersissuteqarfiusumi pitsaanerusumik atorluannaasaata qulakkeerneqarnissaa.

Taamaattoq aallaaviusoq suli tassaavoq, ikiorsiiniutit tigummiannartakkat motoorillit, soorlu assersuutigalugu qillerut innaallagiartortoq, pilattuut innaallagiartortoq aamma seqtuserut innaallagiartortoq, atornissaannut imaluunniit annikitsumik qaartiterinermik atuinissamut Naalakkersuisunit immikkut ittumik akuersissuteqarfigineqarnissamut pisinnaatitsissummik pigisaqartoq qinnuteqarsimanngippat tunineqarsimanngippallu, kisermaassisussaatitaanani annikitsumik aatsitassarsiornissamut akuersissut malillugu ingerlataqarnerit taamaallaat ikiorsiiniutinik tigummiannartakkanik motooreqanngitsunik, soorlu assersuutigalugu kaataq, qussaataq, kaanngartiterut aamma sillaq, atorlugit ingerlanneqarsinnaasut,. Tamatumunnga pingaartumik pissutaavoq kisermaassisussaatitaanani annikitsumik aatsitassarsiornissamut akuersissutit akuttunngitsumik sumiiffimmut annertooujussuarmut tunniunneqartarnera. Ilaatigut annikitsumik qaartiterinerit killeqanngitsumik nakkutigineqanngitsumillu atorneqarsinnaannginnissaat, ilaatigut Kalaallit Nunaanni pinngortitami allanngutsaaliuinerit aalajangiisuulluinnartumik pingaaruteqarpoq. Tamanna Kalaallit Nunaanni pinngortitami naleqqutinngitsumik annertuumik innarliisinnaanerup, tamatuma kingorna iluarseqqinneqarsinnaassanngitsup, aarlerinaateqarneranik malitseqartussaavoq.

Nr. 9-imut (§ 36, imm. 5)

Imm. 5-imi aalajangersagaq, Inatsisartut inatsisaannut atuuttumut naleqqiullugu, nutaajuvoq.

Imm. 5, Naalakkersuisunit immikkut ittumik akuersissuteqarfigineqanngitsumik kisermaassisussaatitaalluni annikitsumik aatsitassarsiornissamut akuersissut malillugu ikiorsiiniutinik atuisarnermut, tunngassuteqarpoq.

Kisermaassisussaatitaalluni annikitsumik aatsitassarsiornissamut akuersissut malillugu ikiorsiiniutit suut atorneqaqqusaanersut, Inatsisartut inatsisaat atuuttoq maleruagassanik immikkut ittunik imaqaanngilaq. Maleruagassat taamaattut maannamut taamaallaat kisermaassisussaatitaanani annikitsumik aatsitassarsiornissamut akuersissut malillugu ingerlataqarnermut atuutsinneqarput, takuuk Inatsisartut inatsisaanni atuuttumi § 36, imm. 3 aamma 4.

Aalajangersakkami allassimavoq kisermaassisussaatitaalluni annikitsumik aatsitassarsiornissamut akuersissut malillugu aatsitassarsiorniluni ingerlatat, ikiorsiiniutinik motooreqanngitsunik aamma motorilinnik atuilluni suliarineqarsinnaasut.

Ikiorsiniutit tigummiannartakkat motooreqanngitsut assersuutigalugu tassaasinnaapput kaataq, qussaataq, kaanngartiterut aamma sillaq. Ikiorsiniutit tigummiannartakkat motorillit assersuutigalugu tassaasinnaapput qillerut innaallagiartortoq, pilattuut innaallagiartortoq aamma sequtserut innaallagiartortoq. Allattorneqartut tamakkiisuunngillat.

Ikiorsiniutinik taaneqartunik atuinissaq Naalakkersuisunit immikkut ittumik akuersissuteqarfigineqartariaqaanngilaq. Taamaattoq kisermaassisussaatitaalluni annikitsumik aatsitassarsiornissamut akuersissummik tunniussinermi, imaluunniit akuersissutip taamaattup sivitsorneqarnerani, ikiorsiiniutit atorneqarnerat pillugu atugassarititaasut immikkut ittut aalajangersarneqassapput, ilanngullugu ikiorsiiniutinik motorilinnik atuinermut killilersuinerit. Aamma takuuk tassunga tunngatillugu siunnersuummi § 36, imm. 7.

Siunnersuummi erseqqissarneqarpoq kisermaassisussaatitaalluni annikitsumik aatsitassarsiornissamut akuersissut malillugu pisinnaatitsissummik pigisaqartoq ataatsimut isigalugu aammalu tamatumunnga immikkut ittumik akuersissuteqarfigineqanngitsumik, annikitsumik aatsitassarsiornissamut akuersissut malillugu ingerlatanik suliaqarnermini ikiorsiiniutinik arlalinnik atuinissamut pisinnaatitaasoq.

Aalajangersakkami siunertaavoq pisinnaatitsissummik pigisaqartup sumiiffimmi akuersissuteqarfiusumi pitsaaneruseqarpoq atorluannissaata qulakkeerneqarnissaa. Tamanna aamma pisuni ataasiakkaani ikiorsiiniutinik taaneqartunik atuinissap Naalakkersuisunit immikkut ittumik akuersissuteqarfigineqarnissaa piunarsaqataannngimmat, oqartussaasut suliarinninnerannut aningaasartuutunik oqilisitsissaaq. Siunnersuut malillugu ikiorsiiniutit taaneqartut atorneqarnissaasa ataatsimut isigalugu akuerisaanera naleqquttut isumaqarfigineqarpoq, tassami kisermaassisussaatitaanani annikitsumik aatsitassarsiornissamut akuersissutip paarlattuanik, kisermaassisussaatitaalluni annikitsumik



aatsitassarsiornissamut akuersissut sumiiffimmut annikinnerusumik tunniunneqartarmat, takuuk siunnersuummi § 34, imm. 5.

Kisernaassisussaatitaalluni annikitsumik aatsitassarsiornissamut akuersissut malillugu annikitsumik qaartiterinermik atuinissamut, Naalackersuisut tamatumunnga immikkut akuersissuteqarsimanissaat pisariaqarpoq. Takuuk § 36, imm. 6 siunnersuutigineqartoo.

Nr. 9-imut (§ 36, imm. 6)

Aalajangersagaq, Inatsisartut inatsisaannut atuuttumut naleqqiullugu, nutaajuvoq.

Aalajangersagaq Naalackersuisut tamatumunnga immikkut ittumik akuersissuteqarnerat malillugu, kisermaassisussaatitaalluni annikitsumik aatsitassarsiornissamut akuersissut malillugu annikitsumik qaartiterinermik atuisarnermut, tunngassuteqarpoq.

Kisernaassisussaatitaalluni annikitsumik aatsitassarsiornissamut akuersissut malillugu ikiorsiiniutit suut atoqqusaanersut, maleruagassanik immikkut ittunik Inatsisartut inatsisaanni atuuttoq imaqaangilaq. Maleruagassat taamaattut maannamut taamaallaat kisermaassisussaatitaanani annikitsumik aatsitassarsiornissamut akuersissut malillugu ingerlataqarnermut atuussimapput, takuuk Inatsisartut inatsisaanni atuuttumi § 36, imm. 3 aamma 4.

Aalajangersakkami allassimavoq, kisermaassisussaatitaalluni annikitsumik aatsitassarsiornissamut akuersissut malillugu aatsitassarsiorniluni ingerlatassat aatsaat akuersissut malillugu pisinnaatitsissummik pigisaqartooq tamatumunnga Naalackersuisunut qinnuteqarsimappat aammalu tamatumunnga immikkut ittumik akuersissuteqarfigineqarsimappat, annikitsumik qaartiterinermik atuilluni suliarineqarsinnaasut. Taamatut akuersissuteqartarnek tamatumunngalu atugassarititaasut pillugit aalajangersakkanik erseqqinnerusunik Naalackersuisut aalajangersaasinnaapput.

Aalajangersakkami siunertaavoq pisinnaatitsissummik pigisaqartup sumiiffimmi akuersissuteqarfiusumi pitsaanerusumik atorluaasinnaanissaata qulakkeerneqarnissaa. Kisernaassisussaatitaanani annikitsumik aatsitassarsiornissamut akuersissut malillugu annikitsumik qaartiterinermik atuinissamik periarfissaqarneq taamaaqataa, § 36, imm. 4-imi siunnersuutigineqartumi takuneqarsinnaavoq.

Taamaalilluni annikitsumik qaartiterinermik atuinissaq, kisermaassisussaatitaalluni imaluunniit kisermaassisussaatitaanani annikitsumik aatsitassarsiornissamut akuersissut pineqarnersoq apeqqutaatinnagu, Naalackersuisunit immikkut ittumik akuersissuteqarfigineqarsimassasoq, ataatsimut isigalugu piumasaqaataavoq. Pisuni ataasiakkaani annikitsumik qaartiterinermik atuinissamik akuersissuteqartoqarsimappat, Naalackersuisut atugassarititaasunik erseqqinnerusunik aalajangersaassapput.

Annikitsumik qaartiterinermik killeqanngitsumik nakkutigineqanngitsumillu atuisoqarsinnaannginnissaa, ilaatigut Kalaallit Nunaanni pinngortitami allanngutsaaliuinnermut aalajangiisuulluinnartumik pingaaruteqarpoq. Tamanna Kalaallit Nunaanni pinngortitami naleqqutinngitsumik annertuumik innarliisinnaanerup, annertunerpaatigut iluarseqqinneqarsinnaanngitsup, aarlerinaateqarneranik malitseqassaaq. Tamanna atuutissaaq kisermaassisussaataitanani annikitsumik aatsitassarsiornissamut akuersissut malillugu sumiiffimmuut akuersissuteqarfiusumut sanilliullugu, kisermaassisussaataalluni annikitsumik aatsitassarsiornissamut akuersissut malillugu sumiiffiup akuersissuteqarfiusup nalinginnaasumik annikinnerujussuusarnera, apeqqutaatinnagu. Taamaalilluni annikitsumik qaartiterinermik atuinnermi inuit ajoqusersinnaanerat, iluarseqqinneqarsinnaanngitsunik ajoquusiinnaanerit aamma naatsorsuutigeringisanik sunniuteqarsinnaanerisa aarlerinaateqarmat, pisuni aalajangersimasuni Naalakkersuisut tamatigut annikitsumik qaartiterinermik atuinissamik akuersissuteqartarnissaat, pisariaqarpoq.

Nr. 9-imut (§ 36, imm. 7)

Aalajangersagaq Inatsisartut inatsisaanni atuuttumi § 36, imm. 5 ingerlateqqinneqarpoq itisilerneqarlunilu.

Aalajangersakkami allassimavoq, aatsitassarsiorluni ingerlatanik aamma ingerlatanik tassunga atasunik suliaqartarnek aamma ikiorsiiniutinik, biiliniq sanaartukkanillu ilaalu ilanngullugit atuisarneq pillugu Naalakkersuisut aalajangersakkanik atugassarititaasussanillu erseqqinnerusumik aalajangersaasinnaasut.

Aalajangersagaq aatsitassarsiorluni ingerlatanik aamma ingerlatanik tassunga atasunik suliaqartarnek aamma ikiorsiiniutinik, biiliniq sanaartukkanillu ilaalu ilanngullugit atuisarneq pillugu aalajangersakkanik atugassarititaasussanillu erseqqinnerusumik Naalakkersuisut aalajangersaanissaannut ataatsimut isigalugu inatsisini tunngavissamik, imaqarpoq, ilanngullugit aamma pissutsit Inatsisartut inatsisaanni atuuttumi imm. 5-imi allassimasutut annikitsumik qaartiterinermik atuinnermit allaanerusut, allat.

Aalajangersakkami taamaalilluni Naalakkersuisut annikitsumik aatsitassarsiorluni ingerlataqarneq qanoq paasineqassanersoq, pillugu erseqqinnerusumik aalajangersaanissamut inatsimmi tunngavissaqalersinneqarput.

Pisinnaatitsissummik pigisaqartup aalajangersakkat atugassarititaasullu Naalakkersuisunit aalajangersarneqartut malinngippagit, Naalakkersuisut annikitsumik aatsitassarsiornissamut akuersissut utertissinnaavaat.

Nr. 10-imut (§ 36 a, imm. 1)

Aalajangersagaq, Inatsisartut inatsisaannut atuuttumut naleqqiullugu, nutaajuvoq.

Aalajangersakkami allassimavoq, maannakkut pisartutut Naalakkersuisut annikitsumik aatsitassarsiorluni aatsitassarsiornermik ingerlatanut nakkutilliisuusut. Aammattaaq

aalajangersakkami allassimavoq, annikitsumik aatsitassarsiornissamut akuersissut malillugu ingerlatassatut pilersaarutigineqartut imaluunniit ingerlanneqalereersut piviusumik annikitsumik aatsitassarsiorluni aatsitassarsiornermik ingerlataqarnerunersut, imaluunniit ingerlatat aatsitassarsiorluni ingerlatatut nalinginnaasutut §§ 15 imaluunniit 16 aamma 29 malillugit aatsitassarsiorluni misissueqqaarnissamut, misissuinissamut imaluunniit aatsitassanik piiaanissamut akuersissut nalinginnaasoq malillugu taamaallaat ingerlanneqarsinnaasutut, iluseqarnerisut, Naalakkersuisut aalajangissagaat.

Naalakkersuisut pisuni ataasiakkaani tamaginni aatsitassarsiorluni ingerlatat annertussusaat suussusaallu ataatsimoortumik nalilersortassavaat. Ataatsimoortumik naliliinermi ilaatigut aatsitassarsiorluni ingerlatat suliarineqarnerat aammalu taakkua inuiaqatigiinnut avatangiisinullu sunniinerat kiisalu aatsitassarsiorluni ingerlatanut tunngatillugu aningaasaliinerit nalingat aamma aatsitassat piiarneqartut nalingat, ilaatinneqassapput.

Annikitsumik aatsitassarsiornissamut akuersissut malillugu ingerlatat ima annertutiginersut, aatsitassarsiorluni ingerlatat nalinginnaasut piviusumik §§ 15 imaluunniit 16 aamma 29 malillugit aatsitassarsiorluni misissueqqaarnissamut, misissuinissamut imaluunniit aatsitassanik piiaanissamut akuersissut nalinginnaasoq malillugu taamaallaat suliarineqaqqusaasut tassani pineqarlutik, Inatsisartut inatsisaanni atuuttumi naammattumik maleruagassiivigineqarsimanginnera eqqarsaatigalugu, aalajangersagaq isiginiarneqassaaq.

Aatsitassarsiorluni ingerlatat pillugit Inatsisartut inatsisaanni kapitali 8-imi maleruagassat, aatsitassarsiorfimmi ingerlatanut annikinnerusunut aamma najukkami aallaaveqartunut, Kalaallit Nunaanni innuttaasunit nunaqavissunit, nunani tamalaani aatsitassarsiorfiutileqatigiiffittut aningaasaatilissuunngitsunit piginnaaneqartuunngitsunillu, ingerlanneqartunut, kisianni inuussutissarsiornermi atugassarititaasut malillugit aammalu Inatsisartut inatsisaanni § 16 malillugu akuersissutinut nalinginnaasunut aammalu annertunerujussusunut sanilliullugu killilersuinernik malitassaqaartinneqartut annertussusilimmik, aatsitassarsiorfimmi ingerlatanik aallartitsinissamik kissaateqartunut, siunnerfeqaartinneqarput.

Annikitsumik aatsitassarsiorluni aatsitassarsiornermik ingerlatat taamaalillutik ataatsimut isigalugu tassaapput aatsitassarsiorluni ingerlatat, aatsitassarsiorluni misissuinissamut imaluunniit aatsitassanik piiaanissamut akuersissut nalinginnaasoq malillugu ingerlatanik annikinnerusumik annertussuseqartut. Tamanna, ilaatigut aningaasaateqarnermut immikkullu ilisimasaqarnermut, annikitsumik aatsitassarsiornissamut akuersissutit malillugit pisinnaatitsissummik pigisaqartut ataatsimut isigalugu pigisaanngisaannut, aammalu ikiorsiiniutinut annikitsumik aatsitassarsiornissamut akuersissut malillugu ingerlatanik suliaqarnermi atorineqaqqusaasunut, tunngatillugu atuuppoq. Annikitsumik aatsitassarsiornissamut akuersissut malillugu ilaatigut aningaasaatinut, sillimmasiisarnermut, avatangiisinut nalilersuinermut (VVM) aamma nalunaarusiortarnermut ilaalu ilanngullugit sukannernerusunik piunasaqaateqaannginnermut, tamanna tunngaviuvoq.

Pisinnaatitsissummik pigisaqartoq annikitsumik aatsitassarsiornissamut akuersissut malillugu pisinnaatitsissummik pigisaqartuunerarluni, piunasaqaatit sukannernerusut ingerlataqarnermut aatsitassarsiornissamut akuersissutini nalinginnaasuni pineqartunut ilaasunut atuuttut, avaqutaarsinnaannginnissaat, aalajangersakkami ataatsimut isigalugu qulakkeerreqassaaq.

Nr. 10-imut (§ 36 a, imm. 2)

Aalajangersagaq, Inatsisartut inatsisaannut atuuttumut naleqqiullugu, nutaajuvoq.

Aalajangersakkami allassimavoq, Naalakkersuisut siunnersuummi § 36 a, imm. 1 malillugu nalilersuineq tunngavigalugu isumaqarpata annikitsumik aatsitassarsiorluni aatsitassarsiornermik ingerlatat tassani pineqanngitsut, Naalakkersuisut annikitsumik aatsitassarsiornissamut akuersissummik tunineqarnissamik qinnuteqaat itigartissavaat. Naalakkersuisut tamatumunnga taarsiullugu qinnuteqartoq §§ 15 imaluunniit 16 aamma 29 malillugit aatsitassarsiorluni misissueqqaarnissamut, misissuinissamut imaluunniit aatsitassanik pīaanissamut akuersissummik nalinginnaasumik tunineqarnissamik qinnuteqaateqaqqullugu innersuutissavaat.

Nr. 10-imut (§ 36 a, imm. 3)

Aalajangersagaq, Inatsisartut inatsisaannut atuuttumut naleqqiullugu, nutaajuvoq.

Naalakkersuisut siunnersuummi § 36 a, imm. 1 malillugu nalilersuineq tunngavigalugu isumaqarunik annikitsumik aatsitassarsiorluni aatsitassarsiornermik ingerlatat tassani pineqanngitsut, kisianni aatsitassarsiorluni ingerlatat nalinginnaasut, §§ 15 imaluunniit 16 aamma 29 malillugit aatsitassarsiorluni misissueqqaarnissamut, misissuinissamut imaluunniit aatsitassanik pīaanissamut akuersissut nalinginnaasoq malillugu taamaallaat ingerlanneqarsinnaasut tassani pineqartut, Naalakkersuisut annikitsumik aatsitassarsiornissamut akuersissutip tunniunneqareersimasup utertinnissaanut inatsimmi tunngavissamik aalajangersagaq imaqarpoq.

Aalajangersakkami allassimavoq annikitsumik aatsitassarsiornissamut akuersissut malillugu pisinnaatitsissummik pigisaqartoq annikitsumik aatsitassarsiornissamut akuersissutip utertinneqarnera imaluunniit tamatuma malitsigisaanik annasaqarneq tunngavigalugit Naalakkersuisunut taarsiinissamik piunasaqarsinnaanngitsoq imaluunniit allatigut piunasaqaateqarsinnaanani.

Naalakkersuisut naliliinerat malillugu ingerlatat tassaannngitsut annikitsumik aatsitassarsiorluni aatsitassarsiornermik ingerlatat, kisiannili tassaasut aatsitassarsiorluni ingerlatat nalinginnaasut, §§ 15 imaluunniit 16 aamma 29 malillugit aatsitassarsiorluni misissueqqaarnissamut, misissuinissamut imaluunniit aatsitassanik pīaanissamut akuersissut nalinginnaasoq malillugu taamaallaat suliarineqarsinnaasut, annerusumik ilimanaateqassasoq

oqaatigineqarsinnaalluni pisoqarpat, aatsaat aalajangersagaq ataatsimut isigalugu atorneqassasoq naatsorsuutigineqarpoq.

Nr. 10-imut (§ 36 a, imm. 4)

Aalajangersagaq, Inatsisartut inatsisaannut atuuttumut naleqqiullugu, nutaajuvoq.

Pissutsit siunnersuummi imm. 1-3-imi taaneqartut, ilanngullugit pissutsit ersarinnerusut tunngavissarititaasut imm. 1 malillugu aalajangiinissamut pingaaruteqartut aamma pissutsit imm. 3 malillugu annikitsumik aatsitassarsiornissamut akuersissutip utertinneqartarneranut tunngassuteqartut, pillugit aalajangersakkanik atugassarititaasunillu erseqqinnerusunik aalajangersaanissamut aamma aalajangiinissamut Naalakkersuisut aalajangersakkami inatsimmi tunngavissaqalersinneqarput. Aammattaaq pisinnaatitsissummik pigisaqartup piunasaqaatinik tamatumunngalu atugassarititaasunik naammassinninnerani, pisinnaatitsissummik pigisaqartoq §§ 15 imaluunniit 16 aamma 29 malillugit aatsitassarsiorniluni misissueqqaarnissamut, misissuinissamut imaluunniit aatsitassanik piiaanissamut akuersissummik nalinginnaasumik tunineqarsinnaatitaassanersoq pillugu aalajangersakkanik atugassarititaasunillu erseqqinnerusunik aalajangersaanissamut Naalakkersuisut aalajangersakkami inatsimmi tunngavissaqalersinneqarput.

Pisinnaatitsissummik pigisaqartoq §§ 15 imaluunniit 16 aamma 29 malillugit aatsitassarsiorniluni misissueqqaarnissamut, misissuinissamut imaluunniit aatsitassanik piiaanissamut akuersissut nalinginnaasumik tunineqarnissamik qinnuteqaammik tunniussinissamut piffissamut naleqquttumik killissaliivigineqarnissaa qulakkeerniarlugu, aalajangersagaq suliaqarnermi pingaartumik atorneqartussatut eqqarsaatigineqarpoq, ilanngullugu pisinnaatitsissummik pigisaqartup piunasaqaatit aamma tamatumunnga atugassarititaasut pisariaqartut naammassisimagai uppersarnerneqarnissaanut piffissamut naleqquttumik killissaliinissaq.

Sumiiffimmut pineqartumut tassunga §§ 15 imaluunniit 16 aamma 29 malillugit aatsitassarsiorniluni misissueqqaarnissamut, misissuinissamut imaluunniit aatsitassanik piiaanissamut akuersissut nalinginnaasumik tunineqarnissamik qinnuteqaammik nassiussinissamut siulliunissaq eqqarsaatigalugu, alla avataaniittoq annikitsumik aatsitassarsiornissamut akuersissut malillugu pisinnaatitsissummik pigisaqartumik taamaaliinnarluni ”qaangiinissaa” ilaatigut aalajangersakkami pinngitsoortinneqassaaq.

Nr. 11-imut (§ 37, imm. 1)

Aatsitassat pillugit ingerlatallu tamatumunnga pingaarutillit pillugit inatsisartut inatsisaat nr. 7, 7. december 2009-imeersup allannguuteqartinneqarnera pillugu Inatsisartut inatsisaata nr. 26, 18. december 2012-imeersup atuutsinneqalernerani § 18-imi imm. 3 kingorna imm. 4 nutaaq ikkunneqarpoq. Tamatuma kingunerisaanik siusinnerusukkut imm. 4 aamma 5 atuuttut imaalerlugit imm. 5-inngorlugu aamma 6-inngorlugu allanngortinneqarput.

Kukkusoqarneratigut § 37, imm. 1-imi imm. 4-imut siusinnerusukkut atuuttumut innersuussineq, imm. 5-inngorlugu allanngortinneqanngilaq. Taamaattumik siunnersuummi § 37, imm. 1-imi innersuussineq, § 18, imm. 4-iugaluartoq, § 18, imm. 5-inngorlugu allanngortinneqarpoq.

Nr. 12-imut (§ 38, imm. 2)

Siunnersuummi § 38, imm. 2-imi aalajangersagaq, Inatsisartut inatsisaanni atuuttumi § 38, imm. 2-imi allannguineruvoq itisiliinerullunilu.

Inatsisartut inatsisaanni atuuttumi § 38, imm. 1 malillugu annikitsumik aatsitassarsiornissamut akuersissut malillugu pisinnaatitsissummik pigisaqartoq, piiaanissamik suliaqarniartoq, piiaanissamut tassungalu atasumik ingerlataqarnissamut aamma iliuusissanut ilaalu ilanngullugit pilersaarummik (piiaanissamut pilersaarut) aammalu piiaanerup unitsinneqarneranut aamma suliaqarfiusimasinnaasut ilaalu ilanngullugit matuneqarneranut atatillugu ingerlatassanut iliuusissanullu pilersaarummik (matusinissamut pilersaarut) suliaqassaaq. Pilersaarutit pisinnaatitsissummik pigisaqartup piiaanermik imaluunniit tassunga atasumik ingerlataqarnernik iliuuseqarnernillu aallartitsinnginnerani, Naalackersuisunit akuersissuteqarfigineqassapput.

Pisinnaatitsissummik pigisaqartoq ikiorsiiniutit tigummiannartakkat motooreqanngitsut soorlu assersuutigalugu kaataq, qussaataq, kaanngartiterut aamma sillaq, atorlugit taamaallaat suliaqarniarpat, siunnersuummi § 38, imm. 2 malillugu kisermaassisussaatitaanani annikitsumik aatsitassarsiornissamut akuersissut malillugu pisinnaatitsissummik pigisaqartoq piiaanissamut pilersaarummik aamma matusinissamut pilersaarummik suliaqassanngilaq. Taamaattoqarpat pisinnaatitsissummik pigisaqartoq tamanna pillugu nalunaarummik Naalackersuisunut nassiussissaaq. Nalunaarut, pisinnaatitsissummik pigisaqartup piiaanermik imaluunniit ingerlatanik iliuusissanillu tassunga atasunik aallartitsinnginnerani, Naalackersuisunit akuersissuteqarfigineqarsimassaaq.

Ilaatitsinnginneq taamaallaat kisermaassisussaatitaanani annikitsumik aatsitassarsiornissamut akuersissut malillugu pisinnaatitsissummik pigisaqartunut atuuppoq. Taamaalluni aalajangersagaq kisermaassisussaatitaalluni annikitsumik aatsitassarsiornissamut akuersissut malillugu pisinnaatitsissummik pigisaqartunut atuutinngilaq.

Piiaanissamut pilersaarummik aamma matusinissamut pilersaarummik suliaqarnissaaq pillugu piumasaqaammi ilaatitsinnginneq, Inatsisartut inatsisaanni atuuttumi imm. 2 malillugu aatsitassat akisuut imaluunniit akisunnginnerusut pineqarnersut apeqqummut atatinneqassaaq. Imm. 2-imi siunnersuutigineqartumi piiaanissamut pilersaarummik aamma matusinissamut pilersaarummik suliaqarnissamut piumasaqaammut, ikiorsiiniutit akuersissut malillugu ingerlatanik suliaqarnermi atorpeqartussat, apeqqutaapput. Tamatumunnga tunngaviuvoq, ingerlatat taamaallaat ikiorsiiniutinik tigummiannartakkanik motooreqanngitsunik atuilluni suliarineqartut, ataatsimut isigalugu sumiiffimmi akuersissuteqarfiusumi tassanilu pinngortitami avatangiisinilu sunniisannginnerat imaluunniit pingaaruteqanngitsuinnarmi

imaluunniit annikitsuinnarmik sunniisarnerat.

Nr. 13-imut (§ 38 a, imm. 1)

Siunnersuummi § 38 a-imi aalajangersakkami Inatsisartut inatsisaanni atuuttumi § 33, imm. 6 ingerlateqqinneqarpoq annertusineqarlunilu.

Inatsisartut inatsisaanni atuuttumi § 33, imm. 6 malillugu Naalackersuisut annikitsumik aatsitassarsiorluni aatsitassarsiornermik ingerlataqartarnek pillugu aalajangersakkanik erseqqinnerusunik aalajangersaasinnaapput, ilanngullugit § 33, imm. 1 malillugu annikitsumik aatsitassarsiornermik akuersissutinik tunniussinnermut akiliummut akiliisarnissaq, aamma tamatumunnga qinnuteqaatinik nassiussisarnek aamma suliaassanik suliarinninnermut aammalu akuersissutinut taamaattunut tunngatillugu allatut oqartussaasut suliarinninnerannut atatillugu aningaasartuutinik akiliisarnek pillugu aalajangersakkat.

Aalajangersakkami allassimavoq, annikitsumik aatsitassarsiorluni aatsitassarsiornermik ingerlatat aamma annikitsumik aatsitassarsiornermik akuersissutit pillugit aalajangersakkanik erseqqinnerusunik aamma atugassarititaasussanik Naalackersuisut aalajangersaasinnaasut, ilanngullugit pissutsit §§ 32-38-imi taaneqartut pillugit, § 33, imm. 1 malillugu annikitsumik aatsitassarsiornermik akuersissutinik tunniussinnermut akiliummik akiliisarnissaq pillugu, aamma tamatumunnga qinnuteqaatinik nassiussisarnek pillugu aamma annikitsumik aatsitassarsiorluni aatsitassarsiornermik ingerlatanut aamma annikitsumik aatsitassarsiornermik akuersissutinut tunngatillugu suliaassanik suliarinninnermut aamma allatut oqartussaasut suliarinninnerannut atatillugu aningaasartuutinik akiliisarnek pillugu.

Aalajangersagaq taamaalilluni annikitsumik aatsitassarsiorluni aatsitassarsiornermik ingerlataqartarnek aamma annikitsumik aatsitassarsiornermik akuersissutit pillugit aalajangersakkanik erseqqinnerusunik aamma atugassarititaasunik Naalackersuisut aalajangersaanissaannut ataatsimut isigalugu inatsisini tunngavissanik imaqarpoq. Pissutsit Inatsisartut inatsisaanni atuuttumi § 33, imm. 1-imi, § 38 a-imi siunnersuutigineqartumi ingerlateqqinneqartumi, taaneqartut saniatigut Naalackersuisut pissutsit §§ 32-38-imi taaneqartut pillugit aalajangersakkanik erseqqinnerusunik aamma atugassarititaasunik aalajangersaasinnaapput, ilanngullugu annikitsumik aatsitassarsiornermik pisinnaatitsissummik pigisaqartumut, Inatsisartut inatsisaanni § 16 malillugu kisermaassisussaataalluni aatsitassarsiorluni misissuinissamut imaluunniit aatsitassanik piiaanissamut akuersissummik nalinginnaasumik tunineqarnissamut salliusussaataitanermik akuersisarnek pillugu atugassarititaasut. Naalackersuisut assersuutigalugu aalajangersakkat atugassarititaasussallu nalunaarummi aamma atugassarititaasussani nalinginnaasuni, aalajangersarsinnaavaat.

Annikitsumik aatsitassarsiorluni aatsitassarsiornermik ingerlataqartarnek aamma annikitsumik aatsitassarsiornermik akuersissutit pillugit maleruagassat ingerlaavartumik

nutarterneqartarnissaasa taamaalillunilu ineriartornermut suliaasaqarfiup iluani pisumut naleqqussarneqarsinnaanissaasa qulakkeerneqarnissaanut aalajangersagaq iluaqutaassaaq.

Nr. 13-imut (§ 38 a, imm. 2)

Aalajangersagaq Inatsisartut inatsisaannut atuuttumut sanilliullugu nutaajuvoq.

Aalajangersakkami allassimavoq, annikitsumik aatsitassarsiornissamut akuersissut malillugu pisinnaatitsissummik pigisaqartoq taassumalu isumaqatigiissuteqarfigisaasa akornanni isumaqatigiissutit aalajangersimasut, Naalakkersuisunit akuersissuteqarfigineqartassat pillugu aalajangersakkanik erseqqinnerusunik imaluunniit atugassarititaasunik Naalakkersuisut aalajangersaasinnaapput. Aalajangersakkami aamma allassimavoq Naalakkersuisut akuersissuteqartarnermut taamaattumut atugassarititaasunik aalajangersaasinnaasut.

Aalajangersakkami siunertaavoq annikitsumik aatsitassarsiornissamut akuersissutit aamma isumaqatigiissutit tamatumunnga atatillugu pisinnaatitsissummik pigisaqartumit isumaqatigiissutigineqartut, piumasaqaatit Inatsisartut inatsisaanni § 16 malillugu aatsitassarsiorniluni misissuinissamut imaluunniit aatsitassanik piiaanissamut akuersissutinut nalinginnaasunut piumasaqaatigineqartut, sanequtaarnissaannut atorneqarsinnaannginnissaasa, qulakkeerneqarnissaa. Pisinnaatitsissummik pigisaqartup isumaqatigiissutaannut aalajangersimasunut akuersissuteqartarnermik aaqquussineq pillugu aalajangersakkat imaluunniit atugassarititaasut, ilaatigut siunertat assigiinngitsut qulakkeernissaannut imaluunniit malersornissaannut aalajangersarneqarsinnaapput.

Siunertaasoq tassaasinnaavoq piiaanissamut akuersissutini isumaqatigiissutit aatsitassanut ikummatissanullu inatsimmi akigititanut niuernermit atugassarititaasut aamma atugassarititaasut allat (akigititat arlaannaannulluunniit attuumassuteqanngitsumik aalajangersagaasut aamma atugassarititaasut arlaannaannulluunniit attuumassuteqanngitsumik aalajangersagaasut) tunngavigalugit niuerneq pillugu § 16, imm. 3-imi tunngaviusunut, taamaaqataanillu akuersissutinut allanut tunngaviusunut, naapertuuttuunissaasa qulakkeerneqarnissaa.

Siunertaasoq alla tassaasinnaavoq inuit Kalaallit Nunaanni nunaqavissuunngitsut atorfinitsinneqarnissaat, imaluunniit nioqqutissanik kiffartuussissutinillu pilersuisuusunik Kalaallit Nunaanni suliffeqarfiunngitsunik atuinisaaq pillugu isumaqatigiissutit, inuiaqatigiinni piujuartitsiviusumik sunniuteqartitsinisaq pillugu tunngaviusunut naapertuuttuunissaasa qulakkeerneqarnissaa, takukkit ilaatigut §§ 1, 78 a, 83, 84 aamma 86 aamma § 18, imm. 1-imi aamma 2-imi tunngaviusut.



Siunertaasut pingajuat tassaasinnaavoq annikitsumik aatsitassarsiornissamut akuersissut malillugu pisinnaatitsissummik pigisaqartup tamatumunnga atatillugu ingerlatsinermut aningaasaqarnermullu tunngasut malillugit pisortatigoortumik piviusumillu annikitsumik aatsitassarsiornissamut akuersissut aamma ingerlatat pillugit aalajangiinissanut tamaginnut aalajangiisinnaatitaasuunissaa, aammalu pisinnaatitsissummik pigisaqartup pisortatigoortumik piviusumillu aatsitassarsiorluni ingerlatanit isertitaqarsinnaatitaanerata, qulakkeerpeqarnissai.

Akuersissuteqartarnermut aqqissuussaq taamatut siunertaqartoq malillugu, isumaqatigiissut malillugu suleqataasoq alla pisinnaatitsissummik pigisaqartumit allaanerusoq, ilanngullugit assersuutigalugu kalaallit imaluunniit nunanit allamiut taarsigassarsititsisut imaluunniit aningaasalersuisut allat ("aningaasaliisut") tamatumunnga atatillugu ingerlatsinermut aningaasaqarnermullu tunngasut malillugit pisortatigoortumik piviusumillu annikitsumik aatsitassarsiornissamut akuersissut aamma ingerlatat pillugit aalajangiinissanut aalajangiisinnaatitaappat, imaluunniit suleqataasoq alla taamaattoq aatsitassarsiorluni ingerlatanit isertitanut piviusumik pisinnaatitaappat, isumaqatigiissut taamaalilluni Naalakkersuisunit akuersissuteqarfigneqarsinnaassanngilaq.

Nr. 14-imut (§ 45, imm. 1)

Imm. 1, Inatsisartut inatsisaanni atuuttumi § 45, imm. 1-imik ingerlatitseqqiineruvoq.

Aalajangersakkami allassimavoq inuk Kalaallit Nunaanni aalajangersimasumik najugaqartoq aammalu tamakkiisumik akileraartussaataasoq tamatumunnga akuersissummik peqarnissamik piunasaqaatitaqanngitsumik, aatsitassanik kaanngarsimasunik inuussutissarsiuutiginaagu katersisinnaasut, taamaattoq takukkit §§ 45 c aamma 45 d. Inatsisartut inatsisaanni atuuttumi oqaaseq "(nunaqavissoq)" atorneqarpoq ungaluuserneqarsimalluni. Inatsisilioriaatsimik peqquteqartumik ungaluusiinerup atorneqarnera siunnersuummi matumani ingerlateqqinneqanngilaq. Matumuuna imarisaanut tunngatillugu allannguuteqartitsinissaq siunertarineqanngilaq.

Maannamut nunaqavissut diamantinik, safir-inik, rubininik, smaragd-inik, chrysoberyl-inik, opal-inik imaluunniit aatsitassanik qinngornernik ulorianartunik akulinnik imaluunniit aatsitassanik allanik Naalakkersuisut § 45, imm. 1 malillugu katersinissamik periarfissaqarnermi ilaatinngisaannik, kaanngarsimasunik katersinissaat akuerisaasimannilaq. Tamatumani Inatsisartut inatsisaanni atuuttumi § 45 c-imut innersuussineq malinneqarpoq.

Kisiannili siunnersuummi § 45 c-ip allannguuteqartinneqarnerata malitsigisaanik nunaqavissoq, tamatumunnga akuersissummik peqarani, aatsitassanik pinngortitami kaanngarsimasunik tamaginnik katersisinnaalissaaq, ilanngullugit ilaatigut aamma diamantit,

safir-it, rubinit, smaragd-it, chrysoberyl-it aamma opal-it. Taamaattoq tamanna aatsitassanut qinngornernik ulorianartunik akulinnut atuutinngilaq.

Siunnersuummi imm. 1 malillugu aatsitassanik kaanngartiterinermut sakkunik atuinissaq akuerisaanngilaq.

Nr. 14-imut (§ 45, imm. 2)

Imm. 2, Inatsisartut inatsisaannut atuuttumut naleqqiullugu, nutaajuvoq.

Imm. 2 aatsitassanik kaanngarsimasunik inuussutissarsiutigalugu katersisarnermut tunngasuvoq, tassa imaappoq tuniniaanissaq siunertaralugu katersisoqartarneranut.

Siunnersuut malillugu siunnersuummi § 45-imi aalajangersakkani, ataatsimut isigalugu nunaqavissut tamatumunnga akuersissummik peqaratik aatsitassanik kaanngarsimasunik inuussutissarsiutiginagu katersinissamut periarfissaqarnerat maleruagassiivigineqarpoq. Kisiannili nunaqavissup aatsitassanik inuussutissarsiutigalugu katersinissamut piiaanissamullu pisinnaatitaanera, ataatsimut isigalugu siunnersuummi § 45 a-imi maleruagassiivigineqarpoq.

Siunnersuut aatsitassanik inuussutissarsiutiginagu aamma inuussutissarsiutigalugu katersisarnerit akornanni killissaliinernik imaqarpoq. Siunnersuummi imm. 2-imi aalajangersakkami allassimavoq, nunaqavissoq aatsitassanik imm. 1 malillugu katersorneqarsimasunik tuniniaasoq, aatsitassanik taamaattunik suliareqqiisoq aammalu tuniniaasoq, imaluunniit aatsitassanik taamaattunik tuniniaanissaq imaluunniit suliareqqiinissaq tuniniaanissarlu siunertaralugit Kalaallit Nunaannit annissisoq, aatsitassanik inuussutissarsiutigalugu katersisimasoq, taamaattumillu siunnersuummi § 45 a-imi pineqartunut ilaalluni.

Siunnersuut taamatut aningaasanik killeqarfimmik imaqarpoq. Aalajangiinerup malitsigaa, ukiumut aatsitassat ataatsimut katillugit nalingat 100.000 koruunimit annertuneruppat, katersineq § 45 a-mi siunnersuummut atammat.

Taamaalilluni imm. 2-imi aalajangersakkami allassimavoq, nunaqavissup aatsitassanik kaanngarsimasunik katersinera qaqugukkut inuussutissarsiutigalugu katersinerunersoq siunnersuummi § 45 a-imi pineqartunut ilaasoq.

Aatsitassanik katersineq tassaanngitsoq inuussutissarsiutigalugu katersineq, tassaavoq inuussutissarsiutiginagu katersineq § 45-imi pineqartunut ilaasoq.

Nr. 14-imut (§ 45, imm. 3)

Imm. 3, Inatsisartut inatsisaannut atuuttumut naleqqiullugu, nutaajuvoq.

Aalajangersakkami allassimavoq, nunaqavissoq tamatumunnga avammut annissinissamut akuersissummik peqarani, nammineq inuttut atuinermik imaluunniit inuit allat inuttut aammalu inuussutissarsiutigiginagu atugassaannik, inuussutissarsiutigiginagu aatsitassanik Kalaallit Nunaanniit annissisinnaasoq. Inuit allat inuttut aammalu inuussutissarsiutigiginagu atugassaannik aatsitassanik Kalaallit Nunaannit annissineq aatsaat aatsitassat nalingat ataatsimut katillugu ukiumut 25.000 koruuninit annertunerusimangippat, aatsaat pisinnaavoq.

Aalajangersagaq malillugu ilaatigut nunaqavissoq tamatumunnga avammut annissinissamut akuersissummik peqarani nammineq aatsitassaatinik Kalaallit Nunaannit annissisinnaavoq, ilanngullugit assersuutigalugu aatsitassat pinneraasiassat aamma aatsitassat kusanartuliatut eqqumiitsuliassat, anninneqarnerat inuussutissarsiutigiginagu annissinertut iluseqartoq. Aammattaq nunaqavissoq aatsitassanik inuit allat inuttut aamma inuussutissarsiutigiginagu atugassaannik Kalaallit Nunaannit annissisinnaavoq, ilanngullugu assersuutigalugu tunissutit. Inuit allat inuttut aammalu inuussutissarsiutigiginagu atugassaannik aatsitassanik Kalaallit Nunaannit annissineq aatsaat aatsitassat nalingat ataatsimut katillugu ukiumut 25.000 koruuninit annertunerusimangippat, aatsaat pisinnaavoq.

Aatsitassat anninneqartut nammineq inuttut atugassatut imaluunniit inuit allat nammineq inuttut aamma inuussutissarsiutigiginagu Kalaallit Nunaata avataani atugassaattut, anninneqarpata taamaalilluni imm. 3 malillugu aatsitassanik annissinissaq aatsaat akuerisaassaaq.

Aalajangersakkami siunertaavoq, nunaqavissup Kalaallit Nunaannit aallartup tamatumunnga avammut annissinissamut akuersissummik peqarnissamik piunasaqaatitaqanngitsumik pigisaminik nassarsinnaanissaat aammalu assersuutigalugu inunntut allanut tunissutissanik nassarsinnaanissaata qulakkeerneqarnissaa. Taakkua assersuutigalugu tassaasinnaapput nammineq aatsitassaatin, aatsitassat pinneraasiassat, aatsitassat kusanartuliatut eqqumiitsuliassat assigisaallu Kalaallit Nunaanneersut, ilanngullugit aatsitassat aamma pigisat aatsitassanik nunaqavissup nammineerluni siunnersuummi imm. 1 malillugu katersorsimasai. Allattorneqartut tamakkiisuunngillat.

Inatsisartut inatsisaanni atuuttumi imm. 3-imi pissutsit siunnersuummi § 34, imm. 6.-imi aamma 7-imi maleruagassiivigineqarput.

Nr. 14-imut (§ 45, imm. 4)

Imm. 4, Inatsisartut inatsisaannut atuuttumut naleqqiullugu, nutaajuvoq.

Aalajangersakkami allassimavoq nunaqavissoq tamatumunnga avammut annissinissamut akuersissummik tunineqarsimaguni aatsaat nunaqavissoq aatsitassanik inuussutissarsiutigalugu Kalaallit Nunaanni annissisinnaasoq. Tamanna aamma pisuni imm. 3-imi pineqartunut ilaangitsuni, aatsitassanik inuussutissarsiutigiginagu Kalaallit Nunaannit annissinermut atuuppoq.

Aalajangersagaq ilaatigut malillugu nunaqavissoq tamatumunnga avammut annissinissamut akuersissummik tunineqarsimaguni, nunaqavissoq aatsitassanik inuussutissarsiutigalugu Kalaallit Nunaannit aatsaat annissisinnaavoq.

Aalajangersagaq aamma malillugu nunaqavissoq tamatumunnga avammut annissinissamut akuersissummik tunineqarsimaguni, aatsitassanik assersuutigalugu tunissutissanik ukiumut 25.000 koruuninit annertunerusumik naleqartunik, aatsaat Kalaallit Nunaannit annissisinnaavoq.

Nunaqavissup annertuunik nalilinnik Kalaallit Nunaannit annissinnginnissaata qulakkeerpeqarnissaa, aalajangersakkami siunertaavoq. Inuit allat inuttut aamma inuussutissarsiutigalugu atugassaannik ukiumut qanoq naleqartunik annissisinnaanermut tunngatillugu killiliinermi, nunaqavissut assersuutigalugu imm. 3 malillugu tunissutissaanerarlugit aatsitassanik inuussutissarsiutigalugu annissinnginnissaasa qulakkeerpeqarnissaa, siunertarineqarpoq.

Inatsisartut inatsisaanni atuuttumi imm. 3-imi pissutsit siunnersuummi § 34, imm. 6-imi aamma 7-imi maleruagassiivigineqarput.

Nr. 14-imut (§ 45, imm. 5)

Imm. 5-imi aalajangersagaq, Inatsisartut inatsisaannut atuuttumut naleqqiullugu, nutaajuvoq.

Aalajangersagaq eqikkaanermut aalajangersagaavoq, tassani allassimalluni pissutsit siunnersuummi imm. 1-4-imi taaneqartut pillugit aalajangersakkanik erseqqinnerusunik Naalakkersuisut aalajangersaasinnaasut.

Pissutsit Inatsisartut inatsisaanni atuuttumi imm. 4-imi taaneqartut siunnersuummi § 45 b, imm. 3-imi ataatsimut isigalugu maleruagassiivigineqarput.

Nr. 15-imut (§ 45 a, imm. 1)

Aalajangersagaq siunnersuutip malitsigisaanik sunniutaasunik allannguuteqartitsinermut takussutissaavoq.

Siunnersuummi § 45 b-imut innersuussut, sumiiffimmi kisermaassisusfaatitaaffiusumi §§ 45 aamma 45 a malillugit aatsitassanik katersinissamut piaanissamullu periarfissaqarnermik maleruagassiiviusoq, aalajangersakkami ilanngunneqarpoq.

Nr. 16-imut (§ 45 a, imm. 1)

Inatsisartut inatsisaanni atuuttumi § 45 a, imm. 1 malillugu aatsitassat ataatsimut katillugu nalingat ukiumut 100.000 koruuninit qaangersimangippat, nunaqavissoq tamatumunnga akuersissummik peqarani, inuussutissarsiutigalugu aatsitassanik kaanngarsimasunik

katersisinnaavoq aamma aatsitassanik paaasinnaalluni, taamaattoq takukkit Inatsisartut inatsisaanni atuuttumi §§ 45 c aamma 45 d.

Inatsisartut inatsisaanni atuuttoq malillugu paaaneq taamaallaat ikiorsiiniutit tigummaaannartakkat annikinnerusut motooreqanngitsut, soorlu assersuutigalugu kaataq, qussaataq, kaanngartiterut aamma sillaq, atorlugit ingerlanneqarsinnaavoq.

Siunnersuummi § 45 a, imm. 1-imi uniffiit pingajuanni oqaaseq ”minnerusut” atorunnaarpoq. Siunnersuut malillugu § 45 a, imm. 1 malillugu paaaneq ikiorsiiniutit tigummaaannartakkat motooreqanngitsut, soorlu assersuutigalugu kaataq, qussaataq, kaanngartiterut aamma sillaq, atorlugit ingerlanneqarsinnaavoq. Taamaalilluni § 45 a, imm. 1 malillugu paaaneq suli ikiorsiiniutit tigummaaannartakkat, motooreqanngitsut, atorlugit ingerlanneqarsinnaavoq. Taamaattoq ikiorsiiniutit angissutsimikkut annikinnerusuussasut piumasaqaataajunnaarpoq. Nunaqavissoq § 45 a, imm. 1 malillugu aatsitassanik paaasoq, taamaalilluni siunnersuut malillugu, inuup kisermaassisussaatitaanani annikitsumik aatsitassarsiornissamut akuersissut malillugu ingerlatanik suliaqartup, atortagaasa assignik ikiorsiiniutinik atuisinnaavoq. Takuuk § 36, imm. 3. Nunaqavissup aatsitassanik paaanissaanut qaqugukkut tamatumunnga akuersissummik piumasaqaateqartarnissamut killiliussaqaq tassavoq ukiumut 100.000 kr. Takuuk § 45 a, imm. 1.

Nr. 17-imut (§ 45 a, imm. 6)

Imm. 6, Inatsisartut inatsisaannut atuuttumut naleqqiullugu, nutaajuvoq.

Aalajangersakkami allassimavoq nunaqavissoq aatsitassanik ataatsimut katillugu ukiumut 100.000 koruuninit annertunerusumik naleqartunik katersinissamik imaluunniit paaanissamik kissaateqartoq, sumiiffimmut inuup aatsitassanik katersivissatut imaluunniit paaavissatut kissaatigisaanut kapitali 8-imi maleruagassat malillugit aatsitassanik paaanissamut annikitsumik aatsitassarsiornissamut akuersissummik tunineqarnissamik qinnuteqarsinnaasoq. Nunaqavissoq qinnuteqaateqanngippat imaluunniit annikitsumik aatsitassarsiornissamut akuersissummik taamaattumik tunineqanngippat, tamatumunnga taarsiullugu imm. 1-5 atuutissapput.

Aalajangersakkami siunertaavoq, nunaqavissup illuatungaani tamatumunnga akuersissummik tunniussisimanissamik piumasaqaatitaqanngitsumik, assersuutigalugu annikitsumik aatsitassarsiornissamut akuersissut, aatsitassanik annikinnerusunik inuussutissarsiutigalugu katersinissamut pisinnaatitaaffeqarnerisa qulakkeerneqarnissaa. Taamaattoq qaqugukkut aatsitassanik inuussutissarsiutigalugu katersinissaq paaanissarlu akuersissummik peqarnissamik piumasaqaateqarfiunersoq annerpaaffiliilluni killilerneqarnissaa pisariaqarpoq.

Ukiumut 100.000 koruunit sinnerlugit aatsitassanik atuinissamut katersinertut imaluunniit paaanertut ingerlanneqartumut, Naalakkersuisunit akuersissummik tunineqarsimanissaq piumasaqaataavoq. Tamanna Inatsisartut inatsisaanni atuuttoq malillugu aamma siunnersuut malillugu atuuppoq. Nunaqavissoq ukiumut 100.000 koruunit sinnerlugit naleqartunik

aatsitassanik atuinissamik (katersineq imaluunniit piiaaneq) kissaateqartoq, taamatut atuinissamut kisermaassisussaatitaalluni imaluunniit kisermaassisussaatitaanani annikitsumik aatsitassarsiornissamut akuersissummik tunineqarnissamik qinnuteqaateqarsinnaasoq erseqqissarnissaa siunertaralugu, imm. 6-imi aalajangersagaq ilanngunneqarpoq. Nunaqavissoq annikitsumik aatsitassarsiornissamut akuersissummik taamaattumik qinnuteqaateqanngippat imaluunniit taamaattumik tunineqanngippat, tamatumunnga taarsiullugu imm. 1-5 atuutissapput.

Siunnersuummi § 45 a-imi imm. 6 nutaap ilanngunneqarnerata kingunerisaanik Inatsisartut inatsisaanni atuuttumi imm. 6 siunnersuut malillugu imm. 7-inngorpoq.

Nr. 18-imut (§ 45 a, imm. 7)

Siunnersuummi § 45 a, imm. 7-imi ”imm. 1 aamma 2” allanngortinneqarnera imaalerlugu ”imm. 1, 2 aamma 6”, siunnersuummi § 45 a-imi imm. 6-ip nutaap ilanngunneqarnerata kinguneraa. Takuuk matuma siornani nr. 17-imut nassuiaatit.

Nr. 19-imut (§ 45 b, imm. 1 aamma 2)

Siunnersuummi § 45 b-imi aalajangersagaq Inatsisartut inatsisaanni atuuttumi § 45 b-imi ingerlatitseqqiineruvoq itisiliinerullunilu.

§ 45 b, imm. 1 aamma 2, nunaqavissup sumiiffinni aalajangersimasuni aatsitassanik kaanngarsimasunik inuussutissarsiutiginaq katersisinnaatitaaneranut tunngassuteqarpoq.

§ 45 b, imm. 1-imi erseqqissarneqarpoq, nunaqavissup sumiiffimmi § 16 malillugu aatsitassarsiorniluni misissuinissamut kisermaassisussaatitaanani akuersissummi nalinginnaasumi imaluunniit aatsitassarsiorniluni misissuinissamut kisermaassisussaatitaanani annikitsumik aatsitassarsiornissamut akuersissummi pineqartunut ilaasumi aatsitassanik kaanngarsimasunik inuussutissarsiutiginaq katersisinnaanera akuerisaasoq. § 45 b, imm. 2-imi erseqqissarneqarpoq katersineq taamaattoq sumiiffimmi § 16 malillugu aatsitassanik kisermaassisussaatitaalluni piiaanissamut akuersissummi nalinginnaasumi imaluunniit § 33 malillugu aatsitassanik piiaanissamut kisermaassisussaatitaalluni annikitsumik aatsitassarsiornissamut akuersissummi pineqartunut ilaasumi, pisinnaanngitsoq. Aalajangersakkami.

§ 45 b, imm. 2, siunnersuummi § 45 b, imm. 4-imut ataqatigiissillugu atuarneqassaaq, taanna malillugu taamaakkaluartoq, pisinnaatitsissummik pigisaqartumit allaganngorlugu akuersineq pigineqarpat, sumiiffimmi piiaaffiusumi katersineq pisinnaalluni.

Aalajangersagaq taamatuttaaq Inatsisartut inatsisaanni atuuttumi § 48-imut ataqatigiissillugu atuarneqassaaq, taanna malillugu Naalakkersuisut §§ 45-47 malillugit katersisarneq aamma piiaasarneq pillugit aalajangersakkanik erseqqinnerusunik aalajangersaasinnaammata. § 45 malillugu katersineq sumiiffimmi § 16 malillugu kisermaassisussaatitaalluni aatsitassarsiorniluni misissuinissamut akuersissummi nalinginnaasumi imaluunniit § 33

malillugu kisermaassisussaatitaalluni aatsitassarsiorluni misissuinissamut annikitsumik aatsitassarsiornissamut akuersissummi pineqartunut ilaasumi, ingerlanneqaqqusaanngitsoq, pillugu aalajangersakkanik Naalakkersuisut aalajangersaasinnaapput.

Nr. 20-imut (§ 45 b, imm. 3)

Aalajangersagaq nunaqavissut sumiiffinni aalajangersimasuni aatsitassanik inuussutissarsiutigalugu katersisinnaanermut piiasinnaanermullu pisinnaatitaaffeqarnerannut tunngassuteqarpoq.

Aalajangersakkami erseqqissarneqarpoq katersineq piiaanerlu taamaattoq sumiiffimmi § 16 malillugu aatsitassarsiorluni misissuinissamut imaluunniit aatsitassanik piiaanissamut kisermaassisussaatitaalluni akuersissummi nalinginnaasumi imaluunniit § 33 malillugu aatsitassarsiorluni misissuinissamut imaluunniit aatsitassanik piiaanissamut kisermaassisussaatitaalluni annikitsumik aatsitassarsiornissamut akuersissummi pineqartunut ilaasumi, ingerlanneqarsinnaanngitsoq. Akerlianik oqaatigineqarsinnaavoq, nunaqavissup sumiiffimmi § 16 malillugu aatsitassarsiorluni misissuinissamut kisermaassisussaatitaanani akuersissummi nalinginnaasumi imaluunniit § 33 malillugu aatsitassarsiorluni misissuinissamut kisermaassisussaatitaanani annikitsumik aatsitassarsiornissamut akuersissummi pineqartunut ilaasumi, § 45 a malillugu aatsitassanik inuussutissarsiutigalugu katersisinnaanera piiasinnaaneralu akuerisaammat.

Aalajangersagaq siunnersuummi § 45 b, imm. 5-imut ataqatigiissillugu atuarneqassaaq, taanna malillugu taamaakkaluartoq, pisinnaatitsissummik pigisaqartumit allaganngorlugu akuersineq pigineqarpat, katersineq pisinnaalluni.

Nr. 19-imut (§ 45 b, imm. 4 aamma 5)

Aalajangersakkat siunnersuummi §§ 45 b, imm. 2-imi aamma 3-imi ilaatitsinnginnermut aalajangersagaapput.

§ 45 b, imm. 4-imi allassimavoq sumiiffimmi § 16 malillugu aatsitassanik piiaanissamut kisermaassisussaatitaalluni akuersissummi nalinginnaasumi imaluunniit § 33 malillugu aatsitassanik piiaanissamut kisermaassisussaatitaalluni annikitsumik aatsitassarsiornissamut akuersissummi pineqartunut ilaasumi, kisermaassisussaatitaanermut akuersissut malillugu pisinnaatitsissummik pigisaqartoq tamatumunnga allaganngorlugu akuersisimappat, nunaqavissoq § 45 malillugit aatsitassanik katersisinnaasooq piiasinnaasorlu.

§ 45 b, imm. 5-imi aamma allassimavoq sumiiffimmi § 16 malillugu aatsitassarsiorluni misissuinissamut kisermaassisussaatitaalluni akuersissummi nalinginnaasumi imaluunniit § 33 malillugu aatsitassarsiorluni misissuinissamut kisermaassisussaatitaalluni annikitsumik aatsitassarsiornissamut akuersissummi pineqartunut ilaasumi, kisermaassisussaatitaanermut akuersissut malillugu pisinnaatitsissummik pigisaqartoq tamatumunnga allaganngorlugu akuersisimappat, nunaqavissoq § 45 a malillugit aatsitassanik katersisinnaasooq

piiaasinnaasorlu.

Aalajangersakkami siunertaavoq, nunaqavissut killilimmik annertussuseqartumik Kalaallit Nunaanni aatsitassanik katersinissamut piiaanissamullu periarfissaqarnerannik annertunerulersitseqataanissaq, tassani aamma ilaallutik sumiiffiit kisermaassisussaatitaanermut akuersissummi pineqartunut ilaasut, nunaqavissup aallaaviatigut aatsitassanik katersivigisinnaanngisai imaluunniit piiaavigisinnaanngisai, takuuk siunnersuummi § 45 b, imm. 2 aamma 3. Aalajangersakkani aamma siunertaavoq, pisinnaatitsissummik pigisaqartoq allatut akuersisimangippat, pisinnaatitsissummik pigisaqartup sumiiffimmi pisinnaatitsissummik pigisaqartumut kisermaassisussaatitaanermut akuersissummi pineqartunut ilaasumi aatsitassarsiorluni ingerlatanik suliaqarnissamut kisermaassisussaatitaaffeqarnerata qulakkeerneqarnissaa.

Tamatuma saniatigut aalajangersakkani siunertaavoq isumannaallisaanermut tunngatillugu eqqarsaatigisassat isumagineqarnissaat. Sumiiffimmi aatsitassanik piiaanermik ingerlatsiviusumi aatsitassanik katersineq immikkut ittunik isumannaallisaanikkut ajornartorsiutitaqarsinnaavoq, ilanngullugu assersuutigalugu nunataani allannguinerit. Tamanna ilaatigut nunaqavissunut sumiiffimmi akuersissuteqarfiusumi aatsitassanik katersisunut inuit ajoqusernissaannut ilaalu ilanngullugit aarlerinaateqarsinnaavoq.

Aalajangersakkat siunnersuummi § 45 b, imm. 7-imut ataqatigiissillugit atuarneqassapput, taanna malillugu pisinnaatitsissummik pigisaqartup akuersineq utertissinnaammagu.

Nr. 19-imut (§ 45 b, imm. 6)

§ 45 b, imm. 4 aamma 5 malillugit allaganngorlugu akuersineq Naalakkersuisut tamanna piumasarippassuk, Naalakkersuisunut uppersarneqassaaq. Naalakkersuisut tamanna piumasarinngippassuk, taamaalilluni kisermaassisussaatitaanermut akuersissut malillugu pisinnaatitsissummik pigisaqartup allaganngorlugu akuersinini nunaqavissumut toqqaannartumik nalunaarutigippagu, tamanna naammassaaq.

Nr. 19-imut (§ 45 b, imm. 7)

Aalajangersakkami allasimavoq kisermaassisussaatitaanermut akuersissut malillugu pisinnaatitsissummik pigisaqartup akuersineq siunnersuummi § 45 b, imm. 4 aamma 5 malillugu nalunaarutigineqartoq, sukkulluunniit utertissinnaagaa.

Akuersineq utertinneqartoq, pisinnaatitsissummik pigisaqartup akuersinermik nalunaarummik tigusaqartumut imaluunniit nunaqavissumut nalunaarutigalugu, akuersineq utertinneqassaaq.

Sumiiffik § 16 malillugu kisermaassisussaatitaalluni aatsitassanik piiaanissamut akuersissummi nalinginnaasumi imaluunniit § 33 malillugu kisermaassisussaatitaalluni aatsitassanik piiaanissamut annikitsumik aatsitassarsiornissamut akuersissummi, pineqartunut ilaappat, utertitsinerup inatsisitigut sunniutigisaanik §§ 45 aamma 45 a malillugit katersineq



aamma piiaaneq § 45 b, imm. 2 aamma 3 naapertorlugit sumiiffimmi ingerlanneqaqqusaajunnaassaaq.

Sumiiffik § 16 malillugu kisermaassisussaatitaalluni aatsitassanik misissuinissamut akuersissummi nalinginnaasumi imaluunniit § 33 malillugu kisermaassisussaatitaalluni aatsitassanik misissuinissamut annikitsumik aatsitassarsiornissamut akuersissummi, pineqartunut ilaappat, utertitsinerup inatsisitigut sunniutigisaanik § 45 a malillugu katersineq aamma piiaaneq § 45 b, imm. 3 naapertorlugu sumiiffimmi ingerlanneqaqqusaajunnaassaaq. Taamaattoq § 45 malillugu katersineq § 45 b, imm. 1 naapertorlugu sumiiffimmi sulii ingerlateqqusaassaaq.

Nr. 19-imut (§ 45 b, imm. 8)

Aalajangersakkami allassimavoq siunnersuummi § 45 b, imm. 4 aamma 5 malillugu akuersinermik tigusaqartoq, akuersinerup utertinneqarnera imaluunniit tamatuma malitsigisaanik annaasaqarneq tunngavigalugit kisermaassisussaatitaanermut akuersissut malillugu pisinnaatitsissummik pigisaqartumut imaluunniit Naalakkersuisunut taarsiinissamik piimasaqaateqarsinnaangitsoq imaluunniit allatigut piimasaqaateqarsinnaanani.

Pisinnaatitsissummik pigisaqartoq piffissamut killigaanngitsumut akuersinermiut qilersorsimanani, aammalu tamanna kisermaassisussaatitaanermut akuersissut malillugu pisinnaatitsissummik pigisaqartumut aningaasaqarnikkut sunniuteqarsinnaanani, kisermaassisussaatitaanermut akuersissut malillugu pisinnaatitsissummik pigisaqartut innuttaasunik nunaqavissunik sumiiffimmi kisermaassisussaatitaanermut akuersissummi pineqartunut ilaasuni ingerlatanik suliaqartitsisarnissaasa pilerinaateqarnerulersinnissaa, aalajangersakkami siunertaavoq.

Nr. 20-imut (§ 45 c, imm. 1)

Aalajangersakkami Inatsisartut inatsisaanni atuuttumi § 45 c ingerlateqqinneqarpoq allannguuteqartinneqarlunilu.

Aalajangersakkami allassimavoq, aatsitassat suut nunaqavissup, §§ 45 aamma 45 a malillugit katersorsinnaaneraai piiarsinnaaneraalu.

Siusinnerusukkut pisartut paarlattuanik nunaqavissoq aalajangersagaq malillugu §§ 45 aamma 45 a malillugit aatsitassanik tamaginnik katersinissamut piiaanissamullu periarfissaqarpoq, aatsitassat qinngornernik ulorianartunik akullit ilaanatik.

Inatsisartut inatsisaanni atuuttoq malillugu nunaqavissoq aatsitassanik akisuunik, soorlu assersuutigalugu diamant, safir, rubin, smaragd, chrysoberyl, opal aammalu aatsitassat qinngornernik ulorianartunik akullit, katerseqqusaanngilaq piiaaqqusaananilu.

Taamaalilluni aalajangersakkap malitsigisaanik aatsitassat nunaqavissup §§ 45 aamma 45 a malillugit katersorsinnaasai piiarsinnaasaalu annertusitinneqarput. Siunnersuut malillugu nunaqavissuq §§ 45 aamma 45a malillugit aatsitassanik tamaginnik katersisinnaavoq piiasinnaallunilu, aatsitassat qinngornernik ulorianartunik akullit ilaanatik. Siunnersuut malillugu nunaqavissuq taamaalilluni assersuutigalugu diamantinik, safir-inik, rubininik, smaragd-inik, chrysoberyl-inik aamma opal-inik aamma katersisinnaavoq piiasinnaallunilu. Taamaattoq nunaqavissuq qaqugukkulluunniit aatsitassanik qinngornernik ulorianartunik akulinnik katerseqqusaanngilaq imaluunniit piiaaqusaanani.

Aatsitassat suut §§ 45 aamma 45 a malillugit nunaqavissut katersorsinnaasaasa piiarsinnaasaasalu annertusineqarnerannut tunngavissuq tassaavoq, ilaatigut nunaqavissut tamatumunnga akuersissummik peqaratik aatsitassanik tamaginnik katersisinnaanissamik piiasinnaanissamillu kissaateqarnerisa naammassineqarnissaa, ilaatigullu inatsimmi aalajangigaasumik ”aatsitassat akisuut” nassuiaatitaqartinnginnissaannik allaffissornikkut kissaateqarneq.

Taamaalilluni aalajangersakkami ”aatsitassat akisuut” nassuiaassutaat inatsimmi aalajangigaasuoq, Inatsisartut inatsisaanni atuuttumiittoq, ingerlateqqinneqanngilaq. Kisiannili, innuttaasut nunaqavissut §§ 45 aamma 45 a malillugu aatsitassanik katersinissamut piiaanissamullu pisinnaatitaaffeqarneranni aatsitassat aalajangersimasut erseqqinnerusumik allanneqartut pineqartunut ilaatinneqanngitsut, pillugu aalajangersakkanik Naalackersuisut aalajangersaanissaannut inatsimmi ataatsimut isigalugu tunngavissamik, § 45 c, imm. 2-imi aalajangersagaq imaqarpoq. Taakkua assersuutigalugu tassaasinnaapput aatsitassat akisuut, ilanngullugit diamantit, safir-it, rubinit, smaragd-it, chrysoberyl-it aamma opal-it,

§§ 45 aamma 45 a, malillugit aatsitassat suut katersoqqusaannginersut imaluunniit piiaaqusaannginersut, assersuutigalugu nalunaarummi maleruagassiivigineqarnissaannut periarfissiinermi, aatsitassat nalunaarummi allattorneqarnerisa ajornanngitsumik allanngortinneqarsinnaanissaat, taamaalillunilu aatsitassanut suliassa qarfiup iluani aatsitassanut taaguutit ineriartornerat ilutigalugu naleqqussarneqarsinnaanissaat, qulakkeerneqassaaq.

Nr. 20-imut (§ 45 c, imm. 2)

Aalajangersagaq Inatsisartut inatsisaanni atuuttumi imm. 2-imik ilaatigut ingerlatitseqqiineruvoq.

Aalajangersakkami allassimavoq, §§ 45 aamma 45 a malillugit aatsitassanik katersinissamut piiaanissamullu aamma aatsitassat Kalaallit Nunaanni anninnissaannut periarfissaqarnermi, aatsitassat aalajangersimasut pineqartunut ilaanngitsut, pillugu aalajangersakkanik erseqqinnerusunik Naalackersuisut aalajangersaanissaat.

Innuttaasut nunaqavissut §§ 45 aamma 45 a malillugit aatsitassanik katersinissamut piiaanissamullu aamma aatsitassanik Kalaallit Nunaannit annissinissamut

pisinnaatitaaffeqarneranni, aatsitassat aalajangersimasut erseqqinnerusumik allanneqartut pineqartunut ilaatinneqanngitsut, pillugu aalajangersakkanik Naalakkersuisut aalajangersaanissaannut ataatsimut isigalugu inatsimmi tunngavissamik, aalajangersagaq imaqarpoq. Taakkua assersuutigalugu tassaasinnaapput aatsitassat akisuut, soorlu assersuutigalugu diamantit, safir-it, rubinit, smaragd-it, chrysoberyl-it aamma opal-it.

Aatsitassat sorliit §§ 45 aamma 45 a malillugit katersoqqusaannginnersut imaluunniit piiqqusaannginnersut imaluunniit Kalaallit Nunaannit anniseqqusaannginnersut, assersuutigalugu nalunaarummi, maleruagassiinissamut periarfissaqarnermi, aatsitassat nalunaarummi allattorneqarnerisa ajornanngitsumik allanngortinneqarsinnaanissaat, taamaalillunilu aatsitassanut suliaasaqarfiup iluani aatsitassanut taaguutit ineriartornerat ilutigalugu naleqqussarneqarsinnaanissaat, qulakkeerneqassaaq.

Nr. 20-imut (§ 45 c, imm. 3)

Aalajangersagaq, Inatsisartut inatsisaannut atuuttumut naleqqiullugu, nutaajuvoq.

Aalajangersakkami allassimavoq, aatsitassat §§ 45 imaluunniit 45 a malillugit katersorneqartut imaluunniit piiarneqartut, tamatumunnga avammut annissinissamut akuersissummik Naalakkersuisut tunniussisimappata aatsaat Kalaallit Nunaannit anniseqqusaasut, pillugu aalajangersakkanik erseqqinnerusunik Naalakkersuisut aalajangersaasinnaasut.

Aatsitassat suut §§ 45 imaluunniit 45 a malillugit katersorneqarsimasut imaluunniit piiarneqarsimasut, tamatumunnga avammut annissinissamut akuersissut Naalakkersuisunit tunniunneqarsimappat aatsaat Kalaallit Nunaannit anniseqqusaanersut, Naalakkersuisut maleruagassiinissaannut ataatsimut isigalugu inatsimmi tunngavissamik, aalajangersagaq imaqarpoq.

Aalajangersakkat siunnersuummi imm. 3 malillugu Naalakkersuisunit aalajangersarneqartut aatsitassanut §§ 45 imaluunniit 45 a malillugit katersorneqarsimasunut imaluunniit piiarneqarsimasunut, imaluunniit aatsitassanut aalajangersimasunut soorlu assersuutigalugu diamantit, safir-it, rubinit imaluunniit aatsitassat akisuut allat, tunngassuteqarsinnaapput.

Nr. 20-imut (§45 c, imm. 4)

Aalajangersagaq Inatsisartut inatsisaannut atuuttumut sanilliullugu nutaajuvoq.

Aalajangersakkami allassimavoq, aatsitassat aalajangersimasut erseqqinnerusumik aalajangerneqartut, aatsitassat tunineqaqqusaalernissaannut, immikkut nalinginik nalilersorneqartassasut pillugu aalajangersakkanik erseqqinnerusunik Naalakkersuisut aalajangersaasinnaasut.

Aalajangersagaq aatsitassat Inatsisartut inatsisaanni aningaasartanut killissaliussat imaluunniit inatsisit allat, ilanngullugu akileraartarnermut inatsit, saneqqutaarnissaa siunertaralugu

akikinaarlugit tuniniarneqartarnissaasa pinngitsoortinnissaannut sakkussatut pingaartumik eqqarsaatigineqarpoq.

Nr. 21-imut (§ 45 e, imm. 1)

Aalajangersakkap maannamut atuuttup imarisai siunnersuummi § 33, imm. 6-itut nutaatut ingerlateqqinneqarput.

§ 45 e nutaatut siunnersuutigineqartumi aalajangersarneqarpoq, tamanna ilitersuisoqarluni angalaarnerup, annikitsumik aatsitassarsiornissamut pisinnaatitsissummik pigisaqartumit sumiiffimmi taassuma annikitsumik aatsitassarsiornissamut akuersissutaataani aaqqissuunneqartup, nalaani tamanna pisimanngippat, nunaqavissuunngitsoq aatsitassanik katersisinnaanngitsoq imaluunniit piiasinnaanngitsoq. Nunaqavissuunngitsut ilitersuisoqarluni taamatut angalaarnerup nalaani aatsitassanik katersinissamut piiaanissamullu periarfissaqarneranni, aatsitassat annikitsumik aatsitassarsiornissamut pisinnaatitsissummik pigisaqartup katersorsinnaasaasa piiarsinnaasaasalu assingi pineqartunut ilaapput, taamaattoq takukkit imm. 4 aamma 5.

Taamaalilluni nunaqavissuunngitsut ilitersuisoqarluni angalaarnerup, annikitsumik aatsitassarsiornissamut pisinnaatitsissummik pigisaqartumit sumiiffimmi taassuma annikitsumik aatsitassarsiornissamut akuersissutaataani aaqqissuunneqartup, nalaani aatsitassanik akisuunik aalajangersimasunik, soorlu diamantit, safir-it, rubinit, smaragd-it, chrysoberyl-it aamma opal-it, aatsitassat taakkua annikitsumik aatsitassarsiornissamut akuersissummi pineqartunut ilaasimappata, katersisinnaassapput piiasinnaassallutillu.

Nr. 21-imut (§ 45 e, imm. 2)

Aalajangersakkami aalajangersarneqarpoq inuk tamatumunnga avammut annissinissamut akuersissummik tunineqarsimappat aatsaat nunaqavissuunngitsut aallaaviatigut avammut annissisinnaasut. Tamanna inuussutissarsiutigalugu imaluunniit inuussutissarsiutigiginagu avammut annissisoqarneris apeqqutaatinnagu atuuppoq, taamaattoq takuuk imm. 3.

Nr. 21-imut (§ 45 e, imm. 3)

Aalajangersagaq § 45 e, imm. 2-imi ilaatinneqanngitsunut tunngasuvoq.

Aalajangersakkami allassimavoq, aatsitassat nunaqavissumit pisariarineqarsimappata, aammalu pisineq uppersarneqarsinnaappat, ilanngullugit assersuutigalugu pisiat allagartaatigut, akiligassiissummi imaluunniit akuersissummi allagartami, inuk nunaqavissuunngitsoq, tamatumunnga avammut annissinissamut akuersissummik peqarani aatsitassanik Kalaallit Nunaannit inuussutissarsiutigiginagu annissisinnaasoq.

Nunaqavissunit aatsitassanik pisinermi, aatsitassat ilitersuisoqarluni angalaarnerup, annikitsumik aatsitassarsiornissamut pisinnaatitsissummik pigisaqartumit sumiiffimmi

taassuma annikitsumik aatsitassarsiornissamut akuersissutaataani pineqartunut ilaasumi aaqqissuunneqartup, nalaani aatsitassat pisiarineqartut aamma pineqartunut ilaapput.

Aalajangersagaq malillugu inuk nunaqavissuunngitsoq, ilanngullugu assersuutigalugu takornariaq tamatumunnga annissinissamut akuersissummik peqarani, inuussutissarsiutigalugu aatsitassanik Kalaallit Nunaannit annissinnaasoq, tunngavissaritaasut makkua tamarmik naammassineqarsimappata:

1. Aatsitassat nunaqavissumit pisiarineqarsimasut.
2. Pisineq uppersarsarneqarsinnaasoq, ilanngullugit assersuutigalugu pisiat allagartaatigut, akiligassiisummi imaluunniit akuersissummi allagartami.

Taamaattoq siunnersuummi imm. 3 malillugu aatsitassanik annissinissamik periarfissaqarnermi, aatsitassat qinngornernik ulorianartunik akullit aamma aatsitassat aalajangersimasut allat, aalajangersakkami pineqartunut ilaasussaannngitsutut Naalakkersuisut aalajangigaat, pineqartunut ilaanngillat. Takukkit siunnersuummi imm. 4 aamma 5.

Aalajangersakkami siunertaavoq inuup nunaqavissuunngitsup, ilanngullugu assersuutigalugu takornariaq, aatsitassanik Kalaallit Nunaanni pisisinnaanissaata aammalu taakkua Kalaallit Nunaannit annissinnaanissaasa, ajornannginnerulersinnissaa. Aamma aalajangersakkami siunertaavoq inuup nunaqavissup Kalaallit Nunaanni aatsitassanik tuniniaasup, aallarnissaq sioqqullugu Naalakkersuisunut avammut annissinissamut akuersissummik qinnuteqaateqartoqassasoq innersuussisussaanani, tuniniaasarnissaata ajornannginnerulersinnissaa. Pissutsit taaneqartut aamma malitsigisaannik imm. 3 malillugu aatsitassanik nunaqavissumit pisiarineqartunik annissineq, inuup nunaqavissuunngitsup, ilanngullugu assersuutigalugu takornariaq, aatsitassamik inummit nunaqavissumit pisineri aammalu aatsitassanik Kalaallit Nunaannit annissinissamik kissaateqarneri tamaasa, tamatigut avammut annissinissamut akuersissummik tunniussinermut allaffissornikkut aningaasartuuteqarfiusassanngilaq.

Siunnersuummi imm. 3-imi aatsitassanut inunnit nunaqavissunit pisiarineqartunut killiliinerni Naalakkersuisut naammattumik annertussusilimmik nakkutilliisinnaanissaat aammalu aatsitassanik tuniniaanernik aammalu, inuup Kalaallit Nunaanni nunaqavissuunngitsup, ilanngullugu takornariaq, aatsitassanik annissinerinik nakkutiginnissinnaanissaat, qulakkeerneqarpoq.

Nr. 21-imut (§ 45 e, imm. 4)

Imm. 4-imi aalajangersagaq, Inatsisartut inatsisaannut atuuttumut naleqqiullugu, nutaajuvoq.

Aalajangersakkami allassimavoq siunnersuummi imm. 2 aamma 3 malillugit aatsitassanik Kalaallit Nunaannit annissinissamut periarfissaqarnermi, aatsitassat qinngornernik ulorianartunik akullit pineqartunut ilaatinneqanngitsut.

Aalajangersagaq taamaaqataa assersuutigalugu siunnersuummi § 45 c, imm. 1-imi, §§ 45 aamma 45 a malillugit inuit nunaqavissut aatsitassanik katersinissamut piiaanissamullu pisinnaatitaanerannut tunngassuteqartoq, takuneqarsinnaavoq.

Nr. 21-imut (§ 45 e, imm. 5)

Imm. 5-imi aalajangersagaq, Inatsisartut inatsisaannut atuuttumut naleqqiullugu, nutaajuvoq.

Aalajangersakkami allassimavoq imm. 2 aamma 3 malillugit Kalaallit Nunaannit annissinissamut periarfissaqarnermi aatsitassat aalajangersimasut pineqartunut ilaatinneqanngitsut, pillugu aalajangersakkanik Naalakkersuisut aalajangersaasinnaasut.

Aalajangersagaq taamaaqataa assersuutigalugu siunnersuummi § 45 c, imm. 2-imi, §§ 45 aamma 45 a malillugit inuit nunaqavissut aatsitassanik katersinissamut piiaanissamullu pisinnaatitaaffeqarnerannut tunngassuteqartoq, takuneqarsinnaavoq.

Nr. 22-imut (§ 45 f)

Aalajangersagaq atorunnaarsinneqarpoq, tassami nunaqavissuunngitsut katersisinnaanermik avammullu annissinnaanermik periarfissaqarnerat, tamatumunnga taarsiullugu § 45 e-imi siunnersuutigineqartumi maleruagassiivigineqarmat.

Nr. 23-imut (§ 86, imm. 3, uniffiit pingajuat)

Aalajangersagaq atorunnaarsinneqarpoq, kiianni imarisai § 86 a-imi nutaami ingerlateqqinneqarput. Takukkit nr. 23-imut nassuiaatit.

Nr. 24-imut (§ 86 a, imm. 1)

Naalakkersuisut pisinnaatitsissummik pigisaqartoq taassumalu entreprenøriisa, pilersuisuisa kiffartuussisuisalu aammalu taakkua ataanni entreprenørit, taakkua ataanni pilersuisuusut aamma taakkua ataanni kiffartuussisuusut ilaalu ilanngullugit Kalaallit Nunaanni maleruagassanut sukkulluunniit atuuttunut naapertuuttumik akileraarutinik nalunaarusiortarnissaat aamma akileraarutinik akiliisarnissaat qulakkeerniarlugu, pissutsit pillugit aalajangersakkanik aalajangersaasinnaanissaannut inatsimmi ersarinnerusumik tunngavissaqalersinneqarnissaannik aalajangersagaq siunertaqarpoq.

Aalajangersakkami entreprenørinut, pilersuisuusunut aamma kiffartuussisuusunut ilaalu ilanngullugit ilaatinneqartut tamarmik pineqartunut ilaapput.

Inatsisartut inatsisaat atuuttoq, pisinnaatitsissummik pigisaqartup taassuma entreprenøriisa, pilersuisuisa kiffartuussisuisalu ilaalu ilanngullugit akileraarutinut nalunaarusiortarnissaat aamma akileraarutinik akiliisarnissaat qulakkiissagaa pillugu Naalakkersuisut atugassarititaasunik aalajangersaasinnaasut aamma aalajangiisinnaasut pillugu aalajangersakkanik imaqarpoq. Tamanna assersuutigalugu pisinnaavoq, entreprenørinut,

pilersuisuusunut aamma kiffartuussisuusunut aammalu taakkua ataanni entreprenørinut, taakkua ataanni pilersuisuusunut aamma taakkua ataanni kiffartuussisuusunut ilaalu ilanngullugit isumaqatigiissutimini tamanna pillugu atugassarititaasunik pisinnaatitsissummik pigisaqartup aalajangersaaneratigut. Atugassarititaasut taamaattut assersuutigalugu tassaasinnaapput, isumaqatigiissuteqarfigineqartoq pineqartoq sukumiisumik akileraarutinin nalunaarutiginninngippat aamma akileraarutinin akiliinngippat, pisinnaatitsissummik pigisaqartup isumaqatigiissut atorunnaarsissinnaagaa.

Akileraarutinin nalunaarusiortarnerup aamma akileraarutinin akiliisarnerup aamma pisinnaatitsissummik pigisaqartup nammineerluni akileraarutinin nalunaarusiortarnissaa aamma akileraarutinin akiliisarnissaa ilaatilerlugu, akileraarutinin nalunaarusiortarnerup aamma akileraarutinin akiliisarnerup qulakkeerneqarnissaa siunertaralugu Naalackersuisut aalajangersakkanik aalajangersaanissamut aalajangiinissamullu inatsimmi toqqaannartumik tunngavissinneqartumik periarfissaqarnerat, aalajangersakkami siunnersuutigineqartumi annertusitinneqarpoq.

Suliaqarnermi aalajangersakkat taamaattut akuttunngitsumik akuersissutini, Inatsisartut inatsisaat malillugu tunniunneqartuni, ilanngullugit allanneqartassapput. Taamaattoq naliliisoqarpoq aalajangersagaq toqqaannartumik Inatsisartut inatsisaanni allassimappat naleqqunnerussasoq, tassami taamaalilluni aalajangersagaq pisuni ataasiakkaani akuersissutip oqaasertaanni ilanngutinngitsoorneqarsimassagaluarpat, aalajangersagaq pisinnaatitsissummik pigisaqartumut atuutsinneqarsinnaassammat.

Pisinnaatitsissummik pigisaqartup imaluunniit taassuma entreprenøriisa, pilersuisuisa kiffartuussisuisalu Kalaallit Nunaanni akileraartarnermut inatsisit atuuttut nalinginnaasut naapertorlugit akileraarutinin nalunaarusiortarnissamut imaluunniit akileraarutinin akiliisarnissamut pisussaaffeqarnerat, aalajangersakkami allanngortinneqanngilaq.

Aalajangersakkami aamma pisinnaatitsissummik pigisaqartoq entreprenørini, pilersuisuini kiffartuussisuni ilaalu ilanngullugit sinnerlugit akileraarutinin nalunaarusiornissamik imaluunniit akileraarutinin akiliinissamik pisussaaffilerneqarnissaa, siunertarineqanngilaq. Aalajangersakkap atuutilernerani akileraarutinin nalunaarusiornerit imaluunniit akileraarutinin akiliinerit pisariaqartut pisimanissaasa qulakkeernissaanut taamaallaat pisinnaatitsissummik pigisaqartoq pisussaaffilerneqarsinnaavoq.

Nr. 24-imut (§ 86 a, imm. 2)

§ 86 a, imm. 1 siunnersuutigineqartoq malillugu Naalackersuisut aalajangersakkanik aalajangersaanissamut aalajangiinissamullu periarfissaqarnerat aalajangersakkami erseqqissarneqarpoq.

Aalajangersakkami erseqqissarneqarpoq, entreprenørimi, pilersuisuimi kiffartuussisumi aammalu taakkua ataanni entreprenørit, taakkua ataanni pilersuisuusut aamma taakkua ataanni kiffartuussisuusut ilaalu ilanngullugit akileraarutinut nalunaarusiortarnissaat aamma akileraarutininik akiliinissaq qulakkeeqqullugu, § 86 a, imm. 1 siunnersuutigineqartoq malillugu Naalakkersuisut pisinnaatitsissummik pigisaqartoq pisussaaffilersinnaagaat.

Aalajangersakkami entreprenørinut, pilersuisuusunut aamma kiffartuussisuusunut ilaalu ilanngullugit suleqatigisani taamaattuni, aqqusaartakkat qanoq amerlatiginersut aammalu suleqatigiit sorliit tulleriiaartuni ilaanersut apeqqutaatinnagu, tulleriiaarlutik ilaasuni ilaatinneqartut tamarmik pineqartunut ilaapput.

Pisinnaatitsissummik pigisaqartup imaluunniit taassuma entreprenøriisa, pilersuisuisa kiffartuussisuisalu Kalaallit Nunaanni akileraartarnermut inatsisit atuuttut nalinginnaasut naapertorlugit akileraarutinut nalunaarusiortarnissamut imaluunniit akileraarutininik akiliisarnissamut pisussaaffeqarnerat, aalajangersakkami allanngortinneqanngilaq.

Siunnersuummi aamma pisinnaatitsissummik pigisaqartup entreprenøriini, pilersuisuini kiffartuussisuni ilaalu ilanngullugit sinnerlugit akileraarutinut nalunaarusiornissamut imaluunniit akileraarutininik akiliinissamut pisussaaffilerneqarnissaa, siunertarineqanngilaq. Pisinnaatitsissummik pigisaqartup akileraarutininik nalunaarutiginninnissaq imaluunniit akileraarutininik akiliinissaq pisariaqartoq pisimassasoq qulakkiissagaa pisussaaffilerneqarsinnaasoq, taamaallaat aalajangersakkap malitsigissavaa.

Assersuutigalugu pisinnaatitsissummik pigisaqartup entreprenøriisa, pilersuisuisa kiffartuussisuisalu ilaalu ilanngullugit akileraarutininik nalunaarutiginnissimanninneranni imaluunniit akileraarutininik akiliisimanninneranni pisuni aalajangersagaq atorneqassasoq eqqarsaataavoq. Pisuni taamaattumi aalajangersagaq assersuutigalugu, Kalaallit Nunaanni maleruagassanut atuuttunut naapertuuttumik akileraarutininik nalunaarusiornerit imaluunniit akileraarutininik akiliinerit pereertinnagit, ingerlatassaq qinnuteqaatigineqarsimasoq akuerineqarsinnaanngitsoq, pillugu aalajangersakkanik aalajangersaanermut aalajangersagaq atorneqarsinnaassaaq.

Aamma aalajangersagaq assersuutigalugu pitsaaliuilluni iliuuseqarnernut atorneqarsinnaassaaq, taamaalilluni ingerlatassap qinnuteqaatigineqartup akuerineqarsinnaanissaa sioqqullugu, pisinnaatitsissummik pigisaqartup uppersassallugu entreprenøriini, pilersuisuini kiffartuussisunilu ilaalu ilanngullugit akileraarutinut nalunaarusioreersimasut imaluunniit akileraarutininik akileereersimasut. Akileraarutinut nalunaarusiortoqarsimannngitsoq imaluunniit akileraarutininik akiliisoqarsimannngitsoq paasineqareersimassasoq, aalajangersakkap atorneqarnissaanut piumasaqaataanngilaq.

Nr. 24-imut (§ 86 a, imm. 3)



§ 86 a, imm. 1 siunnersuutigineqartoq malillugu Naalakkersuisut aalajangersakkanik aalajangersaanissamut periarfissaqarnerat, aalajangersakkami erseqqissarneqarpoq.

Aalajangersakkami erseqqissarneqarpoq, pisinnaatitsissummik pigisaqartup aammalu taassuma entreprenøriisa, pilersuisuisa kiffartuussisuisalu aammalu taakkua ataanni entreprenørit, taakkua ataanni pilersuisuusut aamma taakkua ataanni kiffartuussisuusut ilaalu ilanngullugit, Kalaallit Nunaanni maleruagassanut sukkuunniit atuuttunut naapertuuttumik akileraarutinut nalunaarusioreernissaasa aamma akileraarutinik akilereernissaasa tungaanut, pisinnaatitsissummik pigisaqartup Inatsisartut inatsisaat malillugu akuersissut tunniunneqarsimasoq malillugu ingerlatanik suliaqarnini unitsissagaa, pillugu aalajangersakkanik, § 86 a, imm. 1 siunnersuutigineqartoq malillugu Naalakkersuisut aalajangersaasinnaasut.

Aalajangersakkami entreprenørinut, pilersuisuusunut aamma kiffartuussisuusunut ilaalu ilanngullugit suleqatigisani taamaattuni, aqqusaartakkat qanoq amerlatiginersut aammalu suleqatigiit sorliit tulleriiaartuni ilaanersut apeqquataatinnagu, tulleriiaarlutik ilaasuni ilaatinneqartut tamarmik pineqartunut ilaapput. Entreprenørini, pilersuisuusuni kiffartuussisunilu ilaalu ilanngullugit aqqusaarneqartartut tamarmik pineqartunut ilaassasut eqqarsaatigineqarpoq. Taakkua ataanni entreprenørit, taakkua ataanni pilersuisuusut aamma taakkua ataanni kiffartuussisuusut ilaalu ilanngullugit tulleriissaartut naassaangillat.

Pisortat ingerlatsineranni inatsisini tunngaviusut nalinginnaasut malillugit, ilanngullugu annertoqqatigiimmik pinninnissaq pillugu tunngaviusoq, pisinnaatitsissummik pigisaqartoq ingerlataninik suliaqarnerminik unitsitsissasoq peqquneqarnissaa sioqqullugu, pisinnaatitsissummik pigisaqartoq taassuma entreprenøriisa, pilersuisuisa aamma kiffartuussisuisa ilaalu ilanngullugit akileraarutinik nalunaarutiginninnissaa akileraarutinillu akiliinissaa qulakkeerniarlugu naleqquttumik piffissamik killissaliivigineqartariaqarpoq. Piffissamut naleqquttumik killiliussinermi ilaatigut qulakkeerneqassaaq, pisinnaatitsissummik pigisaqartup piumasaqaatip naammassinissaanut naleqquttumik piffissamik killiliivigineqarnissaa kiisalu entreprenøriminut, pilersuisuminut aamma kiffartuussisuminut ilaalu ilanngullugit, taakkua Kalaallit Nunaanni maleruagassanut sukkuunniit atuuttunut naapertuuttumik akileraarutinik nalunaarutiginninnissaq aamma akileraarutinik akiliinissaq pillugit piumasaqaammik naammassinissasut, pissutsinik uparuaanissamut periarfissaqarnissaa.

Suliaqarnermi aalajangersakkat taamaattut akuersissutini Inatsisartut inatsisaat naapertorlugu tunniunneqartuni ilanngullugit allanneqartarput. Taamaattoq naliliisoqarpoq aalajangersakkat taamatuttaa Inatsisartut inatsisaanni toqqaannartumik allassimappata naleqqunnerussasoq, tassami taamaalilluni aalajangersakkat pisuni ataasiakkaani akuersissutip oqaasertaanni ilanngunneqarsimassanngikkaluarpata, aalajangersakkat pisinnaatitsissummik pigisaqartumut atuutsinneqarsinnaassallutik.

Pisinnaatitsissummik pigisaqartup imaluunniit taassuma entreprenøriisa, pilersuisuisa kiffartuussisuisalu Kalaallit Nunaanni akileraartarnermut inatsisit atuuttut nalinginnaasut naapertorlugit akileraarutinut nalunaarusiortarnissamut imaluunniit akileraarutininik akiliisarnissamut pisussaaffeqarnerat, aalajangersakkami allanngortinneqanngilaq.

Siunnersuummi aamma pisinnaatitsissummik pigisaqartup entreprenørini, pilersuisuini kiffartuussisuni ilaalu ilanngullugit sinnerlugit akileraarutinut nalunaarusiornissamut imaluunniit akileraarutininik akiliinissamut pisussaaffilerneqarnissaa, siunertarineqanngilaq. Pisinnaatitsissummik pigisaqartup akileraarutininik nalunaarutiginninnissaq imaluunniit akileraarutininik akiliinissaq pisariaqartoq pisimassasoq qulakkiissagaa pisussaaffilerneqarsinnaasoq, taamaallaat aalajangersakkap malitsigissavaa.

Nr. 24-imut (§ 86 a, imm. 4)

Aalajangersakkami aalajangersarneqarpoq, § 86 a, imm. 1-3 siunnersuutigineqartoq malillugu akileraarutininik nalunaarutiginnittarneq aamma akileraarutininik akiliisarneq pillugu aalajangersakkat, ilaatigut nalunaarutini aamma akuersissutini, akuersissuteqarnerni aamma aalajangiinerni aalajangersimasuni aalajangersarneqarsinnaasut.

#### *§ 2-imut*

Imm. 1-imut

Aalajangersagaq siunnersuutip atuutilernissaanut piffissamut tunngassuteqarpoq.

Siunnersuutigineqarpoq siunnersuut ulloq 1. januar 2017 atuutilissasoq.

Imm. 2-imut

Aalajangersagaq akuersissutitut, akuersissutit taamaattut malillugit pisinnaatitsissummik pigisaqartunut kiisalu ingerlatanut tunngassuteqarpoq, ilanngullugit aatsitassanik Inatsisartut inatsisaanni pineqartunut ilaasunik katersineq, piiaaaneq aamma atuineq, siunnersuutip atuutilernerata nalaani pereersoq imaluunniit ingerlanneqartoq imaluunniit ingerlanneqarsimasoq. Inatsimmik allannguuteqartitsinerup malitsigisaanik taakkaa atuukkunnaannginnissaat, imaluunniit Inatsisartut inatsisaanni pineqartunut ilaajunnaannginnissaat aalajangersakkami qulakkeerneqarpoq.

Aalajangersakkami aamma qulakkeerneqarpoq Inatsisartut inatsisaat aatsitassanut piiarneqarsimasunut imaluunniit atorneqarsimasunut, atuuttoq, ilanngullugit ingerlatani aatsitassanut ikummatissanullu inatsimmi pineqartunut ilaasuni aatsitassanik katersineq, piiaaaneq aamma atuineq aammalu Inatsisartut inatsisaata atuutilernissaa sioqqullugu ingerlanneqarsimasut.

Aalajangersakkami aamma aalajangersarneqarpoq Inatsisartut inatsisaat pissutsit Inatsisartut inatsisaanni pineqartunut ilaasut pillugit aalajangiinernut, Inatsisartut inatsisaata atuutilernissaa sioqqullugu aalajangiiffigineqarsimasunut, atuuttoq. Taamaattoq aalajangersagaq siunnersuutigineqartoq malillugu eqqartuussivinnut suliamik suliakkiussinissamut, takuuk § 3 d, imm. 1 siunnersuutigineqartoq, piffissamut killissaliussaq aatsaat Inatsisartut inatsisaata atuutilerneraniit naatsorsorneqartassaaq.